

Handwritten signature

1941

17/12

ჩვენი თავი

Handwritten number 100

Handwritten text: 3216 1/2 2/2 3/2 4/2 5/2 6/2 7/2 8/2 9/2 10/2

2-3
(Handwritten 10/1)

თბილისი

1941

პროლეტარებო ყველა ქვეყნისა, შეერთდით!

ჩვენი თაობა

წალიწალი მერკე

საქართველოს საბჭოთა მწერლების
კავშირის ყოველთვიური ორგანო

12 803

2-3



სახელმწიფო გამომცემლობა
თბილისი
1941 წელი. თებერვალი — მარტი.

ზინაარსი

მხატვრული ლიტერატურა

გიორგი ძიგვაშვილი—სიმღერა ამირანზე	83-9
კარლო კალაძე — კობასთან ერთად	11
ადამ ალვანელი—ლამე თეოზე	15
ვლადიმერ უბილავა—უკანასკნელი ღამე	17
კოტე ხიმშიაშვილი—ჯონჭა ხორნაული (დასასრული)	18
თეიმურაზ ჯანგულაშვილი — სიმღერა ჩვენი ქვეყნის ქალიშვილებზე	39
ბონდო კეშელავა—ორი ლექსი	40
ანდრო ლომიძე — არხი	42
იოსებ მჭედლიშვილი—ოიანა-ბუიანა (პიესა)	46

კლასიკური მემკვიდრეობა

ბაირონი — ჩაილდ ჰაროლდის მოგზაურობა (თარგმანი ინგლისურიდან კ. ჭიჭინაძისა)	61
ბერნარდენ დე სენ პიერი—პოლი და ვირჟინი—თარგმანი ფრანგულიდან ირ. ქავერაძისა	66

კრიტიკა

გაბრიელ ჯაბუშანური — შენიშვნები ახალგაზრდა მწერლების შემოქმედებაზე (წერილი პირველი)	73
ნეკო გვარამე — ვასო აბაშიძე	86

ბიბლიოგრაფია

ვანო ხალიფაშვილი—გ. ჯაბუშანური—„არაგვიანი“	93
ალ. სიგუა — კ. გოგიავა — ვლადიმერ ნანეიშვილი	95

სარედაქციო კოლეგია: ასტვაცატუროვი ეკემია, გენაშვილი დიმიტრი (რედაქტორი), გრიშაშვილი იოსებ, კლდიაშვილი სერგო, ძიაჩელი ლეო, შენგელაია დემნა, ჩიქოვანი სიმონ.
რედაქციის მდივანი: ნიკოლოზ აგიაშვილი

ხელმოწერილია დასაბეჭდად 21/III-41 წ. შპ 18551. ანაწყოების ზომა 7×12. სასტამბო ფორმატა რაოდენობა 6. ნიშანთა რაოდენობა სასტამბო ფორმაში = 51136. საავტორო ფორმატა რაოდენობა = 7,06. სტამბის შეკვეთის № 456. ტირაჟი 1350.

სახელგამის ბეჭდვითი სიტყვის კომბინატი, უორესის ქ. № 5.



З. П. № 6060



0. 3. 603050



М. З. БОГОВ

მხატვრული ღიშერაობა

გიორგი ძიგვაშვილი

სიძლავა აშირანვა

სადაც ნისლში მთები არ სჩანს,
ტყე არ სჩანს და ლურჯი მდელო, —
აშირანი მიეჯაჭვათ,
წამებული საქართველო...
გმირის ფიქრი ნისლი იყო,
ოხვრა — მეზი ნაუღერები,
აშირანის სისხლი იყო
კავკასიის ჩანჩქერები;
ელვა ერქვა გმირის ღიმილს
და მიწისძვრა — ჟრუანტელსა...
მაგრამ ბოლოს რისხვით სავსემ
შვილებს ასე უანდერძა:
— „სანამ ვიყავ, მტერი ვმუსრე,
ელვა კრთოდა ჩემი ხმლისა,
ვკვდები, მაგრამ ჯავრი მიმაქვს
ერთი დევის ვერაგისა,
მისი იყოს ჩემი ოქრო,
ვინც იმ ვერაგს დასცემს ძირსა,
მახარობლად ვინც მომივა —
ცოლიც, ხმალიც ალაღ მისა!...“
... დრო არ იყო გათენების,
თუმცა შეკრთა უკუნეთი,
მოდოდნენ ქართველები,
ხმაღს ლესდნენ და გუგუნებდნენ...
გუგუნებდნენ — დარდით მდიდრებს
რად გვინდაო ოქროს ქისა,
რად გვინდაო სხვისი ცოლი —
ჩვენიც მთებში გაიხიზნა!
კაცის გული განა მართლა
ზვირთი არის შავი ზღვისა?
ჩვენ ჩვენი ხმლით ბრძოლა გვინდა —
ჩრდილოეთიც ადგა მთელი,
მთის არწივი წამოფრინდა

და მგზნებარე კოლხიდელი...
და აჯანყდნენ... ბევრი ხანი
სისხლს იშრობდა ტყე და მდელი,
და დაიხსნეს ამირანი —
წამებული საქართველო...
ღღეს კი, როცა ჩვენი მთებიც
ახალ მზის ქვეშ დადგნენ მტკიცედ —
ღღეს სამშობლოს ერთგულება
უკვდავ ფიციტ შევიფიცეთ —
რომ იმ გმირის სასახლოდ,
ვინც მომავლის გახსნა გზანი —
მტერს არ მივცეთ საქართველო,
ბედნიერი ამირანი;
რომ ვადიდოთ, ვინც აანთო
შუქი ჩვენი ალამისა,
ვინც ნათლის გზა გახსნა ფართო
და მტარვალი დაამიწა,
ვინც კლდეს ახსნა ამირანი
და სიცოცხლის ძალა მისცა —
ჩვენი გული, ჩვენი ჯანი,
ჩვენი სისხლიც ალალ მისა!...

კარლო კალაძე

კობასთან ერთად

პარი მესამე *)

1.

სტუმრებივით ისხდნენ ჩუმად,
ეწეოდნენ ჩიბუხს მხოლოდ.
ეცვათ ირმის ტყავის ჯუბა
მოსირმული საუცხოოდ.
ეცვათ მხეცთა ბეწვეული,
მოეხარათ ფართო მხრები, —
და თავის ბედს თითველი
ჩასცქეროდა ჩაფიქრებით.
ისხდნენ ჩუმად. იქვე გვერდით
ხის უბრალო ტახტი სჩანდა
და ეკიდა კედელს ღვედით
სანადირო თოფი, ჩანთა.
იყო ბადეც კუთხის განზე,
გაფენილი, როგორც ფარდა, —
ხოლო მოგრძო მაგიდაზე
ხელნაწერი წიგნის გარდა
ათას წიგნს და ათას გაზეთს
უცხო მთები აღემართა...

2.

მათ გულისთქმა უხმოდ ხდიდა,
გულის პასუხს ანატრებდა,
და სანთურიც მაგიდიდან
იმედივით ანათებდა...
ასეთია ჩრდილოელის
გულითადი ჩვეულება,
ზის ტუნგუსი, ზის და გელის....
და არაფერს გეუბნება.
მცოდნე კაცთან იგი სტუმრად
მოკრძალებით მოვა ხოლმე,
სულს მოითქვამს თავისუფლად,
უყვარს ჩუმი სიახლოვე.

შეჰყურებდნენ თვალში სტალინს,
ახლა მათებრ ჩაფიქრებულს, —
რას ეტყოდა ძილგამკრთალი
ხმაწართმეულ კაცთა კრებულს!
მისი ჩუმი სამართალი
გრიგალს ჰგავდა ჩასაფრებულს...

3.

აქ მრავალჯერ მსხდარან ასე
თითო სიტყვის მოსასმენად,
რომ მგზნებარედ მობასემ
გადააწრთოს ფიქრი რწმენად!
დღეს კი თუმცა დაულამდათ, —
სდუმდა მათი მეგობარი...
გულჩათხრობილთ სუნთქვას ჰგავდა
რომ გაიღო ქოხის კარი;
თქვეს: დავტოვოთ, მოვერიდოთ, —
აჭრიალდა ვიწრო კიბე,
და სტუმრები თითო-თითოდ
ოთახიდან გაიკრიფენ.
კობას არც კი გაუგია,
ვერ აართვა თვალი ბარათს, —
მარტოდმარტო და გულლიად
ზის ფიქრების ანაბარად,
მზერაც განგებ ჩაუქვრია
ძწუხარების დასაფარად...

4.

ჩრდილოეთით დაკარგული
დაშორებულთ წერილს სწერდა,
მაგრამ, უცებ დასწყდა გული,
უცებ ხელი შეუჩერდა.

*) რომანი ლექსად. ნაწყვეტი.

ახლა ვინღა გაამხნოს!
ვიმბირელთა ბედი იცის,
ახლო არვინ მოსახლეობს,
არის კიდე დედამიწის...
ალბათ უმძიმთ გამკლავება
სადღაც ბნელში მფეთქავ სანთურთ!—
ანუ მიმქრალ ვარსკვლავებად
ცივს ქარბუქში მიმოფანტულთ...
ათას ცხრაას თექვსმეტ წელის
ჭირვეული ზამთარია.
კობა უკვე ნიშანს ელის,
სხვებიც ალბათ მზად არიან.
ვინ მიწვდება ენისეის
გაღმა სურენ სპანდარიანს.

5.

— ალბათ იწვის ღამის თევით,
იცის აქვე უნდა იყოს,
რომ ლენინის ბარათები
ჩემთან ერთად გადიკითხოს!
გუგა ცეცხლის კერას უგავს,
იწვის აგრე თვალნილული...
სულს იმედით შეისუნთქავს
სუსხით ფილტვებდაცხრილული,
ჩაეჭედოს ოლონდ მაჯას
შტკიცე ხელი სტალინისა, —
და ვერც ჭავრი ვერ დასტანჯავს
გულში ჩამკვდარ წადილისა!..
მაგრამ, კობას გადაჭრილი
გზადაკვალი აგონდება...
დაეფარა ბარათს ჩრდილი,
— რატომ არის, რატომ ხდება! —
იტყვის კობა ჭულაშვილი
და ტყვესავით დაღონდება...

6.

— „კვლავ წასულან... მხოლოდ საით,
თოვლი საით გაიკვალა?!
ტუნგუსებიც აქ ჩვენსავით
უბინადროდ შთენილთ გვანან...
ჩვენ სამშობლო დაგვიკარგეს,
შათ სრულიად არ ჰქონიათ, —
მაგრამ ტუნგუსს, როგორც ქართველს
გულში ჭეჭკად ჩაჰყოლია, —
მახსოვს როგორ დამაძახეს

დილით ერთხელ: „ნათესავო!“
და ვაჟკაცი დამანახეს
გამოსული სათევზაოდ!...
მან ჩამკიდა 'ბრთოლვით ხელი,
თავის ქოხში წამიყვანა,
თქვა: დამარქვეს კაცისმკვლელი,
მაგრამ მკვლელი მე ვარ განა!“
კობას დარჩა აუხსნელი
მაშინდელი გამოცანა.

7.

„ჰქონდა სახე სათლოსფერი,
მდუმარებდა სტუმარსავით,
მორეოდა შავი წვერი
წლიდანწლამდე უპარსავი.
ჩუმად იდგა „კაცისმკვლელი“,
გადაეჭლო მკლავი მკლავში.
წინ ფიქრივით უცოდველი
მშვიდად იწვა მისი ბავშვი.
ქართველ მამას არყის ხისგან
ყრმის აკვანიც გაეთალა, —
ცოლი იქვე უცხოოდ იდგა
თმა-ქერა და ცისფერთვალა...
— აი, ჩემი სიყრმის შვილი! —
ამოკვენესით თქვა მან ბოლოს, —
— ასაფრენად ფრთებაშლილი
მტერმა უნდა დაიმონოს,
მშობლიური ნანა ტკბილი
ვერც დედისგან გაიგონოს....

8.

„უსამშობლოდ ვხედავ შთენილს,
და თავზარი დამცა ბრაზმა, —
თქვი, განწირულს ვინ უშველის,
საბრძოლველად ხალხს რომ რაზმაგ...
ჩრდილოეთით ამტყდარ გრიგალს
არ შთაენთქა ჩემი ზვედრი, —
სატრფიალო გულის ფიქალს
თვითონ ხანჭლით არ გავკვეთდი!
ახლა კაცის მკვლელი მქვია,
ნახეთ ბედი გურამისა! —
გრიგალივით მომეხვია
ფიქრი განადგურებისა...
შვიდი წელი უხმოდ ვწუხდი,
მაინც დამრჩა ერთი რწმენა,
დამრჩა ერთად-ერთი წუთი,
ამოიდგას შვილმა ენა! —

თქვა და იქვე გახსნა ყუთი,
დედისგულიც გაიხსენა...

9.

„სჩანს, რომ დედას ამ ბარათით
დაულოცავს შვილისშვილი!
შორს მოსულა ამანათით
ჩურჩხელა და ხმელი ხილი...
თვალი ცრემლით გაუბრწყინდა
კობას, თითქო მოეჩვენა:
პაწაწინა ქრელი წინდა
და წითელი „დედა-ენა“.
მან ხმამალა გადიკითხა,
წიგნის გული გადაშალა,
და გურამიც მტკიცედ იღვა,
თითქოს ანბანს ჰქონდა ძალა“.
უსამშობლოდ მარტო შთენილს
ხმა არ გასცა მაშინ კობამ...
დღეს კი ცრემლი წარუშლელი
მოაგონა მარტობამ, —
თქვა, რომ ჯავრი არ უშველის,
მტერი უნდა დასცეს მტრობამ!...

10.

ტუჩებს ღიმილი ეფინათ,
კვლავ მორეოდით ხალისი, —
ახსენდებოდა ზეპირად
სიყრმის ოცნება თავისი:
„ვარდს გაეფურჩქნა კოკორი
გადახვეოდა იასა,
ზამბახსაც გაღვიძებოდა
და თავს უხრიდა ნიავსა,
ტოროლა მალა ღრუბლებში
წკრიალ-წკრიალით გალობდა,
ბულბულიც გახარებულ
ნაზის ხმით ამას ამბობდა:
აყვავდი, ტურფა ქვეყანავ,
ილხინე, ივერთ მხარეო,
და შენც, ქართველო, სწავლითა
სამშობლო გაახარეო“.
დედის იმედო! — დასძინა,
ბრძოლაში დამიფარეო...

11.

ადგა და ფიქრი თან აჰყვა,
ხელთ ჩაიბღუჯა წერილი,
ლანდიც დასდევდა კვალდაკვალ
ჯავრით შემოჩენილი,
ლამითაც მთელი ქვეყანა
სჩანდა ამ ნათელ სახლიდან, —
თოვლი ქარს ამოეყარა
და მაღალ სარკმელს ახლიდა...
ომის ხმა ამოიკითხა
სივრცეში, დაღამებისას, —
თითქოს თვითონაც იქ იღვა
სიკვდილს ხედავდა მეფისას!
მან მოაგონა ყმაწვილი
სამშობლო დეარგულისა...
ორთავიანი არწივიც
ნიშანი წყევლა-კრულისა. —
გულს რომ იკორტნის განწირვით
მწყურვალე ყრმათა გულისა...

12.

ამბობდა: „ომში ჩარევა
რამდენჯერ გვინატრიაო,
დროა მებრძოლმა ჯარებმა
კონდახი შეატრიალონ!
ულუკმაპუროდ შთენილნი
ველარ დამშვიდდენ ზავითა!..
და მოწოდებას ლენინიც
უთუოდ გამოგზავნიდა..
გვეტავს ციმბირის ზამთარი
ავი და ავდარიანი! —
ნეტავ სვერდლოვი სად არი,
სად არის სპანდარიანი!..
მრისხანედ წარბებდახრილი
სურენ ამ წუთებს ველოდით,
თოვლში მიჰქროდა მარხილი,
ქართულად მივიმღეროდით!
ქარიც შორს გადმოვარდნილი
გვისტვენდა ლერწმის ღეროთი...“

13.

„ხელთა მაქვს ყველა ბარათი
შენკენ წამომსვლელთ ვეძებდი,
ვაჰ თუ ლოგინად ჩავარდნილს
ვერ მოგაწვდინო ვერცერთი!

ვერ გითხრა მეფის დამხობა,
ველარ აგინთო იმედი!..
ნეტავი შენთან მამყოფა,
ჩემს მკლავზე დაიძინებდი“..
დაჰქანცა თითქოს დგომამაც
და როგორც ბადე მეთევზემ
ერთის მოქნევით კობამაც
ჯუბა მოიგდო ბეჭებზე...
თან გული გაიხალისა, —
იფიქრა: ერთად ვიქნებით! —
რახა რომ გახსნა კარისა,
შინ საიდუმლოს მიგნებით
ბრბო შემოიჭრა ქარისა
და გადაფურცლა წიგნები...

14.

შემოეგება ჯულაშვილს
წინ ვილაც მდგარი გვიანაც.
ხელი ჩასჭიდა ჯუბაში,
ლიმილით გაეხმინა:
— ვიდექი ღამის უკუნში
ვითვალთვალეზღი კობასა, —
ერთი საბრალო ტუნგუსი
ვჩემობდი მეგობრობასა!..
— შენი ალალი თვალებით
ვხედავ ბნელშიაც კიაფობ, —
ისევ ნუ დაიმალები,
რა გსურს მკითხე და გიამბობ...
მომყე გავაწყობ მარხილი,
ვაუკაცო, მაღალ მხრიანო, —
ჩვენი ხმის ამოძახილით
ხეობამ დაიხრიალოს, —
ტყე დარჩეს გზაზე წახრილი,
ძახილი დაიგვიანოს!..

15.

სამი დღე ასე ივლიან,
არ გამოჩნდება სოფელი, —
ღრუბლებად დაფლეთილია
ცა ვარსკვლავჩაუქრობელი!

ველარც ქარბუქი აბრკოლებთ,
სამი ფეხმარდი ირემი
გულდაგულ ებრძვის მთაგორებს
უკან რქებგადაყრილები!..
მარხილს მხნე ვინმე თუ უზის
მმართველი მათი სირბილის, —
ბნელს გაიგნებენ... ტუნგუსიც
მკვიდრი შვილია ციმბირის...
გზა ისე გადაიარა
წარბი არ გაუტიხრია, —
უგიათ მიწა კრიალა,
მღინარის მკერდზე მიჰქრიაან,
ყინულ ქვეშ ტალღა კი არა,
მისი მღელვარე ფიქრია...

16.

მღელვარებს თვითონ სტალინიც,
ერთგულად მიეჩქარება,
გზა ყინულღებში გავლილი
ვერ ჩაუკეტეს ქარებმა!
დახშულ ღამეებს ხალისით
გაივლის როგორც მაღაროს, —
რომ გამოცნობა თავისი
სნეულ მეგობარს ახაროს.
რომ მასთან ერთად იხილოს
სინათლე ბედნიერების, —
სიმღერა დაილიღინოს
ბორკილაყრილი ერების!
გონების თვალით უყურებს
და ბრძოლა თვალწინ ჰგონია,
გრძნობს უკვე ხალხი გუგუნებს
ჯავრი ქვით ჩაუქოლია! —
გრძნობს გაჩაღებულ უკუნეთს
რამდენი მტერი ჰყოლია!..

აღამ აღვანელი

ღ ა მ ე თ ე ო ზ ე

ნელა ირწევა შუალამის გაშლილი კალთა,
თვალმოლივლივე ვარსკვლავები ზეცას ხატავენ.
მისდევს ხეობას ხუნძახისკენ გუგუნი ზვავეთა,
ჯანლი კი თეთრად ეფინება ივრის სათავეს....

ეგ ლურჯი მთები ვინ დააწყო ნეტავი ასე,
ან ეგ ღრუბელი ფრთანაცარა სადამდე ივლის?...
ღამეა ყუჩი და ქარვებით დალურსმულ ცაზე
თეთრ ბილიკივით გაზიდულა ნაფრენი ირმის....

ცრიატ სივრცეში დათოვლილი ქედები სჩანან,
ჩიბალახეს დეკიანი ლეგა ნისლებმა, —
რძენარევე ღამეს იღუმალად გავყურებ, თანაც
ასე მგონია — ჩანჩქერებით მკერდი ივსება...

გამიკრთა ძილი, თითქო მიწის სუნთქვაც კი მესმის,
ღია თვალეები მივაგებო განთიადს იქნებ, —
აქვე — თეოზე ბალახებში ჩამჯდარი მწყემსიც
აედევნება ყმაწვილივით საკუთარ ფიქრებს...

ნაცრისფერადი ღამეები ასე გადიან,
გულს უხალისებდ დოვლათი და იმედი ხვალის,
ზოგჯერ კაშკაშა ვარსკვლავების დათვლა სწადიან
და ნატრობს — არტელს ჰყოლოდაო მაგდენი ცხვარი...

ახარებს ნამით დაწინწკლული ფრთაცივი დილა,
უმზერს ვაჟკაცი ქარაფიდან აფრენილ არწივს,
ზოგჯერ ზსოვნაში ჩამოწვება ყორნისფერ ჩრდილად,
ყორნისფერ ჩრდილად გაეშლება წარსული თვალწინ...

ზოგჯერ კი უნდა ბალდი იყოს რძიანი, რადგან
ახლა მიწაზეც ვარსკვლავები ყრია გუნდებად, —
გაჰხედავს აქვე ბამბასავით დაფენილ ბატკანს
და გულში თითქო ათასი მზე ჩაუტურდება.

შეეჩვია და თვითელის გუმანი იცის,
იცის, სად გდია ამ მხარეში კენჭი ყოველი,
და სურნელებას აყვავებულ ქართული მიწის
გულზე დაიბნევს უხუცესი სტახანოველი.

მოსკოვსაც იყო, მზიანი დღე ნახა რამდენი,
რამდენ სიხარულს დაეწია კიდევ მასუკან,
მისცეს ბარაქა, დაილოცა ძალა არტელის,
რომ ბერიკაცი ხელმეორედ გააჭაბუკა.


უნდა საფერხედ დარახტული ჰყავდეს ქურანი,
უნდა უმღეროს ჩვენი ქვეყნის შნოს და დიდებას,
მაგრამ იძალებს შუალამის ტკბილი ბურანი,
ტკბილი ბურანი ხშირ წამწამებს დაეკიდება.

ზეცა კი ისევ ალივლივებს ოქროსფერ თვალებს,
ტრიატად სჩანან ხეობები კალთაგაშლილი,
ბორბალას წვერზე შემომჯდარი პირსავსე მთვარეც
ხევსურეთისკენ ჩაგორდება მწიფე ვაშლივით.

უკანასკნელი ღამე

ფიქრებში ხშირად
ისევ ადგება
ის ბრძოლის ღამე ჭერარნახული;
აი დაშლილი მტრების ბანდები,
მთები, მინდვრები
ტყვიით დახრული.
მოლაღატენი გარბიან ზღვისკენ;
გზებს ტყვიაწამლის
ბურუსი აკრავს.
და განწირულნი დაბინდულ ცისქვეშ
ექებენ ბედის ჩაფერფლილ ვარსკვლავს.
ზღვასაც არ სურდა
მიღება მათი
და თურმე თავი ვერ შეიმაგრა.
დაჰკრეს ტალღებმა
ვიში და ზათქი
და ხალხმაც ბრძოლის ყიჟინა დაჰკრა.
და გვიან, გემი
შესვრილი სისხლით,
ნაყაჩადარი განძის დამტევი,
გადის,—
მიყვება მასების ზიზლი
და გავარდნილი ემიგრანტები.
ბნელოდა...
ჰქონდათ ალიონამდე
გმირებს და ხანჯლებს ბრძოლა შემდგომი;
დილით ლენინის
მზე ამოვიდა,
საქართველოში სჭექდა რევკომი.
ფიქრებში ხშირად ისევ ადგება
ის ბრძოლის ღამე
ჭერ არნახული;
მერე წამილებს ფეთქვა ვარდების
და ჩემი ქვეყნის დიდი ზაფხული.

19 803



ჯონქა ხორნაული

(დასასრული)

IX

ჯონქა არც ისე გულუბრყვილო იყო, რომ არ შეემჩნია — ნინოს საკუთარი ძლიერი წყენა, დედის გულისტკივილი ალაპარაკებდა, მაგრამ მის მხურვალე აღსარებაში, თითქოს შვილის ბუდიდან გადაფრენამ, მარტოობის პირველმა წუთებმა რომ ათქმევინა, ბევრი რამ მხოლოდ ჯონქას გასაგონად ისმოდა.

ჯონქამ მადლობა იგრძნო აქამდე მისთვის სრულიად უცხო ქალისადმი და გაიფიქრა, რომ იშვიათად შეხვედრია ასეთ კეთილშობილ ადამიანს.

ნინო გულწრფელად ლაპარაკობდა, თავის ერთადერთ ქალიშვილს კი დედა უთუოდ სხვებზე უკეთესად უნდა იცნობდეს. მით უმეტეს ისეთი დედა, როგორც ნინო ციხისელი იყო. ხორნაული გაჩერდა ფილაქანზე და სიბნელეში ხელები გაშალა — ნუ თუ თითონ სცდებოდა აქამდე?..

მას ისევ მოაგონდა წელანდელი ფიქრი, აქეთ-მომავალი რომ უსიამოვნოდ გაჰკენწლა გულში — მანანასთან დაახლოვებამ მხოლოდ შფოთი მოუტანა, თავისთავთან ბრძოლა და დამცირება. თუ ნინო მართალია — ეს ასეც უნდა ყოფილიყო. ჯონქას ერთ წუთს თვალწინ გაუარა მანანასთან დამეგობრების, პირველი ნაცნობობის ამბებმა, თითქო უნდოდა მეხსიერებაში მიეგნო დაკარგული ნივთისთვის, ბევრი სიარულის დროს რომ სადღაც დარჩენია. ზოგს ერთი შეხედვით შეიცნობ, განა საკმარისი არ იყო კიტი ნადირაშვილისათვის თვალი გაგედევნებია, სანამ იგი ოთახის ერთი კუთხიდან მეორემდე მივიდოდა, რომ უკვე გცოდნოდა ყველაფერი? მანანას ძნელად გაუგებდი. ბევრ სტუდენტს, განსაკუთრებით პირველ წლებში, დამცინავ და ამაყ ქალად მიაჩნდა, რადგან მას შეეძლო გაჩუმებულყო, როცა ყველა იცინოდა და პირიქით, მწვანე თვალები ხშირად დაცინვით უკრთოდნენ, როცა ძლიერ სერიოზულად ელაპარაკებოდი. მან უთუოდ კარგად იცოდა ვისთან როგორ უნდა მოქცეულიყო; მაგრამ ჯონქას ღრმად სწამდა — მანანა მაინც არაოდეს თამაშობდა, არ ცდილობდა თავი სხვაგვარად მოეჩვენა. ისე კი, ჯონქა ხომ მუდამ გრძნობდა იმ უზილავ კედელს, რომელიც დღეს თითქო ხილული გახადა ნინომ. მერე რა ვუყოთ, თუ მანანა ძლიერ ახლო ეგონა, როგორც პატარა მწყემსს ბინდისას სერზე ამოსული მთვარე.

ჯონქამ უნებურად გულჯიბისკენ წაიღო ხელი და თითის წვერებით ფრთხილად ამოიღო გამხმარი, სიფრიფანა ენძელა, მინაზე ყინვის ნახატივით უცნაური.

ეს ავგაროში მთელი გაზაფხული ატარა მან. მარცხი მაინც ვერ აიციდინა. თანაც თითქოს ძალა წაართვა ჯმუხ მთიელს იმ პატარა ყვავილმა, თავის ნებაზე დაატარებდა, ფიჭრის მალვა და ჩუმი წუხილი ასწავლა, პირდაპირობა დაავიწყა. თავისთავს ველარ სცნობდა ჯონქა, თითონაც უკვირდა, რომ უწინდურად შეტევა, პირში თქმა აღარ შეეძლო. ითმენდა, ბევრს ითმენდა და ენაც კი შეეცვალა, მოკვეთილ, მთიულური სიტყვა-პასუხის მაგივრად თითქო დარცხვენილი, გაუბედავი ლაპარაკი დასჩემდა. თუმც წინად გრძნობდა, რომ სწორედ პირდაპირობისა და ხასიათის სიმტკიცისათვის მოსწონდა იგი მანანას.

ჯონქამ ხელი შეკუმშა და მძლავრად, მაგრამ ალერსით მოუჭირა თითები პეპლის ფრთასავით გამჭვივრვალე ენძელას. იქნებ ისე, როგორც მანანას ხელს მოუჭერდა და ატკენდა. ეს ალერსიც იქნებოდა, წუხილისთვის სამაგიეროს ზღაც.

ოტახანის შემდეგ მან ხელი გაშალა. გამხმარი ყვავილი ფერფლივით პატარა, ბაცი ფერის ნამსხვრევებად ქცეულიყო.

ლიმილით გაიფიქრა, რომ ახლა მკლავში მეტი ძალა უნდა ეგრძნო, მხრებში გამართულიყო. ხელისგულს შეუბერა და როცა ყვავილის მტვერი გაიფანტა — ისევ მოიწყინა.

ეჩვენებოდა, რომ ენძელის ნამსხვრევები კვლავ თითებზე ეკვრიან; ისინი ხელებსაც და გულსაც ახლა უკვე ქარისაგან თვალში მოხვედრილი ქვიშის ნამცეცებივით ეხამუშებოდნენ.

გამოდის რომ სიყვარულიც გაჰქრა იმ მარტის ყვავილივით.

ვინ იცის, ფიქრები მაინც მას დასტრიალებდნენ, იქნებ უნებურად, როგორც მეთოვლია დაჰფარფატებს ხოლმე ზღვის ზედაპირს, მძლავრად მოქნეული ფრთები ველარ შეუჩერებია, თუმც თევზი უკვე კარგახანია შთაინთქა ხვირთებში.

საკმაოდ ბევრი იარა ჭურჭებში ჯონქამ. მას არც მოჰგონებია, თუ ამაღამ მეგობრებს გამოსალმების ღზინი ჰქონდათ; მაგრამ შეუმჩნევლად, ინსტიქტით, რომელიც მატარებელში ჩაძინებულ კაცს გამოაფხიზლებს ხოლმე, თავი ასწია და ნახა, რომ სწორედ იმ ქუჩაზე გასულიყო, სადაც სტუდენტები უნდა შეკრებილიყვნენ. მან ახლა დაგვიანებულებით აუჩქარა ნაბიჯს, ნაცნობ რკინის კიშკარში შევიდა, ხვეულ კიბეს აჰყვა მესამე სართულამდე და გრძელ აივანზე მინებიან კარს მიადგა. თეთრი, ორმაგი ბანდის ფარდებში ოთახიდან განთიადის სხივივით ჟონავდა სინათლე აივანზე.

იმდენი ნაცნობი ხმა და მხიარული სიცილი ისმოდა შიგნიდან, რომ ფიქრებში გართულმა ჯონქამ პირდაპირ შეაღო კარი, თითქო თავის ოთახში შესულიყო საერთო საცხოვრებელში.

სუფრაზე მსხდომთა თავები ჯერაფად მობრუნდნენ მისკენ. მაგიდის ერთ ბოლოში ეგნატე ლაზიშვილს მოკლე წვერი ბრწყინავდა და ჯონქა გონს მოვიდა.

— ოჰ, ჯონქას გაუმარჯოს, — მიაძახეს ამხანაგებმა, — აქეთ, ჯონქა... აგერ მობრძანდი...

სტუდენტები ისე შეეგებნენ და ეპატიჟებოდნენ, რომ უთუოდ ყველა მასპინძლად სთვლიდა თავს.

მალე ჯონქა მეგობრების გვერდით იჯდა და სიამოვნებით იშმუშნიდა ხელებს. იგი გაახარა გულშია შეხვედრამ და ძალდაუტანებელმა მხიარულებამ, რომელიც სუფრაზე მეფობდა. სადა ჭიქებში, ყველაზე უფრო მოხერხებული ფორმა რომ აქვთ — მუტელოთან ხელში დასაჭერად შეხნეჭილი და ზევით პირგადაშლილი — მაყვლის წვენივით შავი ღვინო იდგა. მისი წვეთები თეთრ სუფრაზე, თეფშებზე თუ ტუჩზე, იისფერ მელანივით სტოვებდნენ კვალს.

დიდი ხურჯინის ორივე თვალი ერთად დაცლილიყო მაგიდაზე. ცივად მონარშული დედლების გვერდით, გამჭვივალე, ხორკლიან კანზე სიმსუქნისაგან ქარვისფერი რომ დაჰკრავდათ, გორული მსხვილი ვაშლი ეყარა, ნაზამთრი, მაგრამ მაინც ცოცხალი და ლოყაწითელი, დიდრონი, ყვითელი კომშები, ყუნწთან და კორძზე ჩინჩლა მოუტლელი; ყოველგვარი ხილის ჩირი, — მსხლისა, ატმისა, გაგარისა და შაქელიავისა; შინდის კერკი — ლალის მარცვლებივით; შვლისყურა თხილი და გრძელი ჩურჩხელები, სიტკებო შორიდანვე ფერზე რომ ეტყობოდათ. სოფლის თონეში გამომცხვარი, ყუაშებრაწული, წადივით ქუსლწვერ გავრძელებული შოთი პურები. დანამული წიწმბის კონები, წნელის წვრილი ღეროები. რაც მთავარია — წლევანდელი ბალი, ცოტახნის წინ გარეცხილი წყლის გიშერივით შავად მოციმციმე... იქვე — ქორფა, შუშა კიტრებიც ეწყო, მწვანე კანი დაორთქლილი ჰქონდათ, თითქო ცივმა ოფლმა დაასხათ, რაკი ასე ადრე მოსწყვიტეს.

შენახული ხილისა და ღვინიანი ტიკჭორის მაგარი სურნელი იდგა ოთახში. ახალგაზრდებს თვალები უბრწყინავდათ, ენას, პირსა და ხელებს ერთი წუთითაც არ ასვენებდნენ.

სუფრაზე სულ ხუთი-ექვსი კაცი იყო, ახლო მეგობრები. უცხოთაგან მხოლოდ ეგნატე ლაზიშვილი და გიგას მამა ისხდნენ, მაგრამ მათი აქ ყოფნა თითქო უფრო მეტსაბაბს აძლევდა სტუდენტებს, რათა ერთმანეთის სიყვარული ეგრძნოთ, ერთად გატარებული წლები მოეგონებიათ. ჯონქასაც ხელს არ უშლიდა ეს ხნიერი ხალხი, ძლიერ თავისუფლად და მყუდროდ იჯდა ჩაგუს გვერდით.

გიგა მამამისის ახლო, ტახტის კიდეზე მოწყობილიყო, ტიკჭორა იქვე გვერდით მიევენებია და წყლის სურას ავსებდა ღვინით. ძია თედომ, ასე ეძახდნენ მამამისს, თიხის პატარა ჯამი გაავსო, ფეხზე წამოდგა და ლეკური, რუხი ხალათი შეისწორა ვერცხლის ბალთიან ქამართან.

— ეს კი სწორედ მასიამოვნა ნიკომ, ჯამი რომ მომიტანა, — სთქვა მან და უბრალო, შავი ფოთლებით მოხატული, ღვინით პირამდე საცხე თიხის ჯამი ოსტატურად დაიჭირა შუათითსა და ცერს შუა, ისე, რომ თუ ჯამს ააცლიდი — ხელი თითქო მომართვის ნიშნად დარჩებოდა გამოწვდილი, — გლეხური ჯამით შესმული გულსაც გაუვლის, სანამ სტომაქში ჩავიდოდეს, — დაუმატა თედომ, მეორე ხელი ჭალარა უღვაშზე მოისვა და ჯონქას მოუბრუნდა, — შეილო, ჯონქა, ერთი ეს სასმისი გამომართვი.

ჯონქა, სწრაფად წამოდგა, ჯამი ჩამოართვა, მაგრამ ვერ მოახერხა თითო-ნაც ისე ლაზათიანად დაეჭირა, ხუთივე თითი შეუღდა და გაიღიმა თავისთვის.

— აბა, შეილო — დაიწყო თედომ, — ამდენი ნასწავლი კაცი შეყრილხარ და თამადად კი, სანამ შენ მოხვიდოდი, ეს გლეხკაცი ამირჩიეს. დიდ უარზე ვიყავ, მაგრამ ვერა გავაწყე რა. მოდი, ჩვენი აქ შეხვედრისა დალიე და დაგვეწიე.

ჯონქა ცოტახნის სდუმდა, მან ჩაფიქრებით გადახედა ამხანაგებს.

— შენებურად, ჯონქა. ძველებურად სთქვი რამე, — წაიბუტბუტა გვერდით ჩაგუმ, როცა ქათმის ბარკალი წამით პირიდან გამოიღო და მარილს გადასწვდა.

„რატომ ძველებურად?“ გაიფიქრა ჯონქამ. იქნებ ჩაგუც გრძნობდა ცვლილებას, გრძნობდა, რომ ჯონქას ჩუმი წუხილი და შფოთვა, რაღაც მოღუენება დასჩემდა ამ ბოლო დროს.

ხორნაულმა გაბედულად ასწია თავი. დიახ, იგი ისევ „ძველებურად“ იტყვის. აქ ხომ „შთამომავლობით ინტელიგენცია“ არ უსმენს. ეს ბიჭები მასავით ჯონქები არიან, ახალი ფეხადგმული, მაგრამ კუნთმაგარნი და დიდ გზაზე მოსიარულენი.

— არჩევანში არ შემცდარან, ძია თედო, თამადად რომ აურჩევინართ, — ჯონქამ თვალი გაუსწორა თედოს, უადვილდებოდა ლაპარაკი, როცა ამ გაჭალარავებული, მაგრამ ჯერ კიდევ ჭარმაგი, მზისგან თიხის ჯამივით ბრინჯაოსფრად დამწვარი კაცის ღია სახეს შესცქეროდა.

— ამ სუფრაზე ყველაფერს გლეხის მარჯვენით მოყვანილსა ვხედავ, — განაგრძო ჯონქამ, — ჩვენ ყველანი, მე და ჩემი ამხანაგები, გლეხის შვილები ვართ. ეს დღე ჩვენთვის მუდამ მოსაგონარი იქნება, რადგანაც მიზანს მივალწიეთ და ახლა ერთმანეთს დავცილდებით, რათა ახალი ცხოვრება დავიწყოთ. მართალია, ქალაქს სასწავლებლად ჩამოსულები ჩვენ იქნებ სულ სხვა ადამიანები გავხდით, მაგრამ აი, შევკრებილვართ და თამადად მაინც გლეხი ავირჩიეთ. მე მგონია ეს იმიტომ, რომ მუდამ გახსოვს — ფესვები ხალხში გვაქვს და მიწას არ უნდა მოვწყდეთ, ხალხის ამაგი არ უნდა დავივიწყოთ, თორემ...

— ტურა წაგვიღებს, — მიეშველა ჩაგუ, ჯონქამ გაიცინა და ჯამი მოიყუდა.

— იცოცხლე, შვილო, გაგიმარჯოს, — უპასუხა თედომ.

ჯონქამ გამოსცალა ჯამი, დაჯდა და ლაზიშვილს შეხედა. ეგნატე-უღიმიოდა თავისი მკვირცხლი, ჭროდა თვალებით, თან წინაკბილებით რაღაცას ცმუცნიდა და ალბათ ამიტომაც ახლა უფრო ეტყობოდა მოხუცებულობა. ღვინომ, ეგნატეს ღიმილმა თუ საკუთარმა სიტყვებმა ჯონქა საბოლოოდ კარგ გუნებაზე დააყენეს. მას მოაგონდა როგორ შეეკამათა მაშინ ეგნატე დავით კიხისელს და გაიფიქრა, რომ ეს მოხუციც თავისიანია; მასთან შეიძლებოდა თავისუფლად ლაპარაკი, იგი ყველაფერს მიგიხვდება, იქნებ ტოლამხანაგებზე უკეთესადაც გაგიგებს.

სუფრაზე ისევ გაცხოველდა საუბარი. ნიკოს, ამ ბინის პატრონს, რძალი და ძმისშვილი ნათესაებებთან გაუსტუმრებია, რათა ლზინის ინტიმურობა არ დაერღვია. მხოლოდ ნაშუაღამევს, შეიძლება ოჯახის უფროსი რკინისგზელი ძმა მოსულიყო, ღამის ცვლაში მუშაობდა თურმე და ეტყობა, უმცროსმა ვერ გაუბედა ეთქვა — შინ აღარ დაბრუნდეთ.

ლაზიშვილი ღვინოს აქებდა, — მშვენიერი, უზადო ატენური საფერავი იყო, ხორციანი — სქელი, როგორც ბადაგი და თან ხავერდოვანი — მისი სმა არ მოგწყინდებოდა, კი არ ჰლიდა, ეალერსებოდა ენას. ძველ მევენახეს ესამოვნა თავისი ღვინის შექება, განაცხადა, რომ ეს ჯერ კიდევ ახალგაზრდა ღვინოა, თან მგზავრობაში ცოტა გალახული, დასვენება სჭირდება. მეექვსე წელიწადია მარანში ერთი პატარა ქვევრი თავკვერისა აქვს შენახული, თუ სოფელში ეწვევიან — ამოიღებს და აბა, მაშინ იგემონ რა ღვინო სცოდნია ატენის ხეობას.

მერე ქართლის სხვა ღვინოებიც მოიგონა, მუხრანისა მოსწონდა, განსაკუთრებით თეთრი, წინამძღვრიაანთ კარსაც არაუშავსო, კასპისა და მეჯვრისხევი ისევ ხელაღებით დაიწუნა, — სტუმარს ვერ დააღვინებო. ნანობდა, რომ ლიახვის ხეობაში უწინ კარგი წითელი დგებოდა, მაგრამ ფილოქსერამ გააფუჭა და ახლა ცუდი გემო დაჰკრავს, არც სუნი უფარგა, მდარეა. ისევ თავის ატენურს აქებდა, კახურსაც სჯობია და იმერულსაცაო. აქ კი ლაზიშვილი შეეკამათა, მაგრამ თედო გაჯიუტდა, გაიხსენა ყურძნის ყველა ჯიშები, რაც კი ქართლში მოდიოდა—გორულა მწვანე, თავეკერი, ჭყაპა, რქაწითელი, საფერავი და ბუდეშური, ახლა მუხრანსა და კავთისხევში ევროპული ალიგოტე, რისლინგი და პინოც გააშენეს თურმე. დაკორძებულ, მოუხრელ თითებზე დინჯად, აუჩქარებლად იმდენი საბუთი წამოთვალა, ისეთ წვრილმანებში აღმოჩნდა ჩახედული, რომ ენამჭევრმა ისტორიკოსმა ვერ გაუძლო და სიცილით ჩაიქნია ხელი.

— აგრე იყოს ჩემო თედო.

თედოს თვალის კუთხეებში მხიარული ნაკეცები გაუჩნდნენ, მან თავი გადააქნია და დაეთანხმა:

— ეგეც მართალია, მე და ჩემმა ღმერთმა.

ჯონქა შესტკეროდა ამ ქედმაგარ, ძველ მუხასავით კოჭრიან ვაჟკაცს და გული კიდევ უფრო მეტად უთბებოდა.

თედო წამოდგა და ისევ გაავსო თიხის ჯამი.

— აბა, ხალხნო, სმენა იყოს. უწინ, ჩემ ჯეელობაში—დაიწყო მან და ზუსტად ისევ იმ ადგილას შეისწორა ქამართან ხალათის კალთა, — როცა ოსტატს შეიღოს ჩაბარებდნენ ხელობის სასწავლებლად, ოსტატი სულით ხორცამდე პასუხისმგებელი იყო თავის შეგირდზე. თუ ბიჭი არ ივარგებდა, ხელმრული ან უქნარა დადგებოდა, ოსტატისთვისაც იგიეთი შერცხვენა და ხალხში თავისმოჭრა იყო, როგორც იმ უბედურის მშობლებისთვის. თუ შვილი ოჯახს ასახელებდა და რამეს შემატებდა, — მადლობა ყველაზე ადრე ჯერ მისი გამზრდელი ოსტატისათვის უნდა ეთქვათ. ჩემ გიგას მამა მუშაკაცი ჰყავს, დედა — გამრჯე, პაპა მაგისი კიდევ ოთხმოცზე მეტი წლისა იყო, როცა გარდაიცვალა, მაგრამ მთელ კოლმეურნეობას ენანებოდა, სოფელში იმაზე მუყაით და ბაღვენახების მცოდნე კაცს ვერ იპოვიდი. აბა, ჩემი ბიჭი ცუდი რაღად უნდა ყოფილიყო. მე მეგონა ეგეც მამაპაპის კვალზე თავის ბალ-ვენახში იტრიალებდა, მაგრამ სხვა გზა აირჩია. რა უშავს, თუ თითონ ივარგებს, ყველა საქმე — კარგია.

— ნუ გედარდება, მამი, თინია მაინც აგრონომი გამოვა, — უთხრა გიგამ და შუბლზე ჩამოწოლილი სქელი, თითქო მუდამ სველი შავი თმა ხელისგულით გვერდზე გადაიგდო.

— ჰო, შვილო, ოღონდ ჯერ შენი კუდრაქა დაია ბაღლია, კვირაში შეიდი პარასკევი აქვს, იქნება ხვალ, აი, რა ჰქვიან, ფილოსოფიაა რაღაც, ის მოინდომოს. მერე, რა, აკი ვამბობ, თქვენ რითა ხართ სხვაზე ნაკლები. სიტყვას ნუ მაწყვეტინებ, ისედაც გამიგრძელდა. რაცა ხარ, შვილო, პირში ქება რა საკადრისია, კარგი ხარ, ისეთ დროსაც მოვესწარ, რომ შენ რჩევა გკითხო, შენ ჭკუას დაუჯერო. ამისთვის კი მადლობა შენს გამზრდელს, შენს ოსტატს უნდა უთხრა. მართო შენ კი არა, აი შენი ამხანაგებიც. მე ვიცი, რომ ყველა ეგენი პატიოსანი და ნასწავლი ხალხია. პატივცემულო ეგნატე, ენაწითელობით ვერ გაგაკვირვებთ და უბრალოდ თქმა სჯობს, — მე როგორც მამა და ერთი მშრომელი კაცი; დიდ მადლობას გეუბნები ამ კარგი ახალგაზრდების გაწურთვნისთვის. დიდხანს იცოცხლეთ და იდღეგრძელეთ.

ეგნატე წამოდგა და თამადას გადაეხვია. ყმაწვილებიც წამოიშალნენ, ქი-
ქები ასწიეს და აღელვებულნი ხან თავიანთ საყვარელ მოხუცს შესცქეროდნენ,
ხან ერთმანეთს გადახედავდნენ და თვალით ანიშნებდნენ—ყველას უძნელდე-
ბოდა ამ წუთში რაიმეს თქმა, სიტყვას ვერ დააწყობდა, იქნებ ზოგს ხმის კან-
კალიც გამოეროდა, თანაც აუცილებლად უნდოდათ განსაკუთრებით ედღეგრ-
ძელებიანთ, გულწრფელად ეთქვათ მისთვის, რასაც ფიქრობდნენ. ბოლოს ისევ
ჯონქამ გაჰბედა, თუმც ისიც საკმაოდ წამოწითლებული იყო და წარბი
უთამაშებდა.

— ბევრჯერ უთქვამთ, რომ ადამიანს შეიძლება ყველაფერი წაართვა, —
ხმადაბლა, თითქო თავისთვის დაიწყო ჯონქამ, — ყველაფერი წაართვა, — ქო-
ნება, ღირსება, სილამაზეც, მაგრამ ცოდნას ვერ წაართმევ, ეს ყველაზე უფრო
დიდი განძია, ყველაზე უფრო დიდი წუთები კი ადამიანის ცხოვრებაში უთუ-
ოდ მაშინ არის, როცა გრძნობ, რომ ახალ, აქამდე შენთვის სრულიად უცნობ
სამყაროს მისწვდი გონების თვალით. და ის, ვინც ამ სამყაროს კარები გააღო
შენს წინაშე, ისეთივე კეთილის მყოფელია, როგორც მკურნალი, უსინათლოს
რომ თვალისჩინი დაუბრუნა და ქვეყანა დაანახა. თვითეული ჩვენგანი, პატივ-
ცემულო მასწავლებლო, თქვენ გაფასებთ არა მარტო იმიტომ, რომ წაუერთმე-
ველი განძი—ცოდნა მოგვეცით, არა მარტო იმისთვის, რომ უწინ თითქო ნახე-
ვარკაცები ვიყავით და ახლა, როცა ქვეყნის ავკარგი გავიგეთ, წარსულში
ჩავიხედეთ — მთლად კაცობას მგონი აღარაფერი გვიკლია. არის კიდევ ერთა,
რამ, რისთვისაც დიდ პატივს გცემთ, რისთვისაც განსაკუთრებით ძვირფასი
ხართ ჩვენთვის. ყოველი ახალგაზრდის ცხოვრებაში არის ხანა, როცა შეგნებუ-
ლად და თავისი ნებით, თუ უნებურად და თავისდა შეუძინებლად, ვინმესა ჰბა-
ძავს. ზოგჯერ მიბაძვის საგანი უღირსია, ძლიერი შთაბეჭდილებით მიუზიდავს
უბრალო სული, როგორც ზიზილ-პიპილები იტაცებენ ბავშვებს, ამ მიბაძვას
ან როგორც იტყვიან ხოლმე — გავლენას, — იქნებ გადამწყვეტი მნიშვნელობა
ჰქონდეს პიროვნების ჩამოყალიბებისთვის, მისი მომავლისთვის...

ჯონქა შესდგა და ფეხზე მდგარ მეგობრებს გადახედა. ისინი ჩუმად უსმენ-
დნენ. გივას ისევ ჩამოვარდნოდა შუბლზე სქელი თმა, შავი ნამგალას ფრთასა-
ვით, განიერი მხრებით ჩრდილავედა მაგიდას, ღვინის ჭიქას დასცქეროდა და შე-
ერთებულნი, ხშირი წარბები თვალებს უფარავდნენ, მხოლოდ მოკლედ შეკრე-
ჭილი უღვაშები უკრთოდა ხანდახან. ქერა, ცისფერთვალა ნიკო მოწინებით
უყურებდა ლაზიშვილს, ცალი ხელით ნერვიულად ღილებს იგრებდა ხალათის
საყელოზე, მეორეთი კი მაღლა აწეული ჭიქა ისევ ეჭირა მკერდთან, როგორც
თოფი საპატიო ყარაულში მდგომს. ჩაგუ ერთ წერტილს დასჩერებოდა მაგი-
დაზე თავისი წყლისფერი გუგებით, მაგრამ ეტყობოდა, რომ ისიც უსმენდა
სხვებთან ერთად.

— მე მეძნელება ლაპარაკი, — განაგრძო ჯონქამ, — რადგან მსგავსი რამ
ჯერ პირში არავისთვის მითქვამს. თქვენ სწორედ ის ადამიანი ხართ, პატივ-
ცემულო მასწავლებლო, რომელსაც ჩვენ ვეცდებით მივბაძოთ. ყველა, ვისაც
სწავლა-განათლება მიუღია, თავს ინტელიგენტათ სთვლის, მით უმეტეს, თუ
უმაღლესი განათლება აქვს; ჩვენ კი თქვენგან ვისწავლეთ, რომ არის ერთი,
ძნელად შესამჩნევი, მაგრამ უტყუარი ღინჯი, რომელიც „ვითომ ინტელიგენ-
ტებს“ განასხვავებს ჭეშმარიტი ინტელიგენტებისაგან, რამეთუ უთქვამთ—ყვე-
ლა ოქრო არ არის, რაცა ბრწყინავსო. ეს სინჯი ხალხისადმი სამსახურია. მე თუ
მკითხავთ, უბრალოდ ვიტყვოდი — უწინ მთაში ძლიერი ის იყო, ვისაც ხმალა
უჭრიდა, მაგრამ გმირი იყო მხოლოდ ის, ვინც თავის ძალით კისერზე კი არ

დაჯდებოდა სხევებს,—მშვიდობაში კაცი იქნებოდა უბრალო, და ოპში — თემის დამხმარე და იმედი. ახლა ძალა ცოდნაშია.

ჩვენც ვეცდებით ვიყვნეთ უბრალონი და ჩვენი ძალით ხალხის დამხმარე. სხვა რაღა ვთქვა, სტუდენტების კიდევ მრავალი თაობა გაგაცილებით ასე, მასწავლებლო...

ახალგაზრდები მაგიდაზე გადაიხარნენ და ჭიქები მიუჭახუნეს ეგნატეს. მღელვარება, ეტყობოდა, იმასაც გადაედო, მოკლე წვერს იფურჩქნიდა თითები და მადლობას ეუბნებოდა ყველას. შემდეგ მოითხოვა დამსხდარიყვნენ; მხოლოდ ნიკო დარჩა ფეხზე და ძლიერ ჩქარა, მაგრამ აბნეულად, ერთიდაიმავე ფრაზების განმეორებით, სიტყვა უთხრა. მის ხმაში იმდენი გულწრფელობა იყო, თვალებიც ისე გაუწითლდნენ, თითქოს სატირლად მოამზადაო, რომ ადვილად აპატიებდი ბუნდოვან აზრებს და უხეირო წინადადებებს.

ჯონქა კი უკვე აღარავის უსმენდა. იგი იჯდა და ატყობდა თავის თავს, რომ უცნაური ამბავი ემართება, — ყველაზე მეტად საკუთარმა სიტყვებმა ისევე ჯონქაზე მოახდინეს შთაბეჭდილება.

ზოგჯერ ხმამაღლა ნათქვამი უეცრად ნათელს გახდის იმას, რაც ჩუმ ფიქრებში ბუნდოვანი და ძლიერ დახლართული გვეჩვენება.

განა, ერთ დროს, ისე როგორც ახლა, ყველაფერი გარკვეული არ იყო ხორნაულისთავის? მას თურმე ჰქონდა თავისი მიზანი ცხოვრებაში, თავისი იდეალი. მაშ საიდან გაჩნდა ეს შფოთვა, დაბნეულობა...

„უფრო მაღლა, მაღლა უმიზნე“...

დიდი, იგი ისმენდა ქადაგებას და სდუმდა, თუმცა კარგად იცოდა რა სიმაღლეზეც იყო საუბარი, ალფეზი საკმაოდ ცინიკურად ლაპარაკობდა.

და იმ კაცის ენინანობით, ხელში შესობილ ხიწვს რომ იჩიჩქნის, ჯონქა შეუდგა ყველა იმის გამოძიებას, რაც უკანასკნელი თვეების განმავლობაში უფიქრია და განუცდია.

მანანას დაბადების დღეს იგი ჯერ კიდევ ჯონქა ხორნაული იყო. გაქვრქეშებულმა საყელომ ხელი ვერ შეუშალა — მიხვდა, რომ შეცდა, როცა აქ მოხვლისას რაიმე ახალს მოელოდა. აივანზე ყურმოკრულმა საუბარმა კი უფრო მეტიც აგონძობინა. შემდეგ იქ, კიკეთის ტყეში, ეშმაკმა უწყის საიდან მოხვედრილი, გულდასმით უსმენდა ალფეზ ჩიქოვანს; უსმენდა და ერთხელ მაინც თუ შეეკამათა? არა, რადგან, — ცოდვა გამხელილი სჯობს ხორნაულო, — როცა ცინისელის სახლი მიატოვე იმ ღამით, წამოხველ და კარი შენვე გამოიხურე — კუდი კარებში დაგრჩა. ალფეზმა სწორედ იმ კუდს, პატივმოყვარეობას რომ ეძახიან, მაგრად ჩასჭიდა ხელი, და მერე, ვინ იცის რამდენ ხანს, უკუღმართად დაგატარებდა.

„დიდების მაძიებელი“.. ჯონქამ ჩაიციხა და გადახედა თავის ამხანაგებს.

ახლა ჩაგუ ამბობდა სიტყვას; იგი მგონი ავტობიოგრაფიას ჰყვებოდა, უთუოდ იმიტომ, რომ ეგნატე ლაზიშვილი, რომელსაც იგი გადაუჭარბებლად რომ ითქვას, თავყანსა სცემდა, მშობლების შემდეგ ყველაზე მნიშვნელოვან როლს თამაშობდა მის ცხოვრებაში.

ამ ბიჭებს საკუთარი დიდი გზა ჰქონდა, მაგრამ ისინი არ იყვნენ დიდების მაძიებლები.

ალფეზიც ხომ ჰპირდებოდა დღეს ხორნაულს „დიდ საჭვეყნო გზაზე გაყვანას“...

— ის კაცი ჯონქამაც ნახა, — ჩაგუ ჯონქას მოუბრუნდა, — გახსოვს? ლუღბანაში რომ შეგვხვდა?..

— ვინ კაცი?.. — ვერ გამოერკვა ჯონქა, იგი აქამდე არ უსმენდა ჩაგუს ლაპარაკს.

— აი, ლუდხანაში რომ შემოვიდა, ჩოფურა, ბოხოხიანი... ამ ორი თვის წინ, გახსოვს? გამანთავისუფლესო, ამბობდა...

— ჰო, როგორ არა... — მოაგონდა ჯონქას; ეს სწორედ იმ საღამოს იყო, პირველი ყელსახვევი რომ გაიკეთა და მანანასთან მიდიოდა. თავის გასამხნევებლად ლუდხანაში შეიყვანა ჩაგუ. შემდეგ ჯონქამ უეცრად სხვა რამეც გაიხსენა. ეს ხომ ნამდვილად ის კაცი იყო, თეთრ ღუქანში რომ ნახა და ველარ კი იცნო, თუმც ძლიერ ეცნაურა.

— ის სარხანია, — განაგრძობდა ჩაგუ, — განაკულაკეს და მერე, ნებადურთველად საქონლის დაკვლისთვის, ჩასვეს კიდეც. მე მის თხეებს ვმწყემსავდი და დაწვრილებით ვიცოდი ყველაფერი...

„აჰ, აი თურმე ვინ ყოფილა“.. ჯონქას უწინაც ჭონდა გაგონილი ჩაგუს თავგადასავალი.

ისევ თავის ფიქრებს დაუბრუნდა ჯონქა. ავეგაროზი კი არა ჯადო იყო ის პატარა ენძელა, მკერდით რომ დაატარებდა აქამდე. გამოლოცვა სჭირდებოდა მისი ძალისაგან თავის დასახსნელად.

რღცა ჩაგუმ როგორც იქნა დაამთავრა სიტყვა, სხვებმაც რიგრიგობით აღდგებულეს ეგნატე და საკმაოდ დალაღეს, რადგან კურსდამთავრებული თუ თავის პროფესორს სიტყვით მიმართავს — მჭერმეტყველებაც უნდა გამოიჩინოს, ნაკითხოვაც, მაღალი მისწრაფებები, სიყვარული, პატივისცემა, და ბევრი სხვა რამ.

სამადლობელი ძლიერ მოკლედა სთქვა ეგნატემ და ჯონქას მოეჩვენა, რომ იგი მხოლოდ მის გასაგონად ამბობდა.

— გახსოვდეთ, ყმაწვილებო, თქვენი მოხუცი ამხანაგის რჩევა, — დააბოლოვა ლაზიშვილმა, — ის პრინციპები, რომლებიც თქვენ ახლა გაქვთ, ცხოვრებაში სასტიკ გამოცდას გაივლიან, ათასი წერილმანი ეცდება ციხის შიგნიდან გატეხვას. ვინც შეურყეველი დარჩება — მხოლოდ ის ატარებს ახალი ადამიანის საამაყო სახელს.

ჯონქამ გადასწყვიტა ცალკე ენახა ლაზიშვილი და ელპარაკა მასთან. თამადამ ისევ მოითხოვა თიხის ჯამი.

დრო მიდიოდა; თედო თანდათან უფრო ზშირხშირად ისწორებდა ვერცხლის ბალთიან ქამართან ხალათის კალთას, რასაც უსათუოდ ახალი სადღეგრძელო მოჰყვებოდა. სუფრაზე მხიარულებამ იმატა, სიმღერაც შემოსძახეს, ხოლო ტანმორჩილი ტიკტორა გახდა, დაილია! ტახტზე წოლა აღარ შეენოდა, წამოაყენეს და საკმზე დასვეს. დაფუყულმა ჯერ კიდევ ნახევრამდე საცხე მუცელზე დაიწყო თათები, იჯდა ასე, გაკოტრებულ სოვდაგარივით, ხის ჭიბი უშლიდა; თორემ წელში ორად მოიკეცებოდა.

ნაშუალამევის მეორე საათი დაიწყო და ეგნატე წამოდგა, ბოდიში მოიხადა — ხვალ დილით გამოცდები მაქვსო. ჯონქამ განაცხადა, რომ სახლამდე გააცილებს; ეგნატე წინააღმდეგი იყო, მაგრამ ჯონქა გააჯიუტდა, კუთხეში მიყუდებული კაუჭიანი ყავარჯენი მოუძებნა და გაჰყვა.

გარეთ გაზაფხულის წყნარი ღამე იყო, მთვარის სინათლეზე, აგურის ქარხნის მიწები შორს, სახლების სახურავებზე ისროდნენ გრძელ ჩრდილებს. თალხ არშიებდად ეშვებოდა ჩრდილი შენობის კედლებზე, ქუჩას მიჰყვებოდა კუპრის შავი ნაკადივით.

მთვარის სხივებსა და ელექტრონის სინათლეში ეძინა ვაკეს. სიჩუმეში ხმა-
მალლა ისმოდა ეგნატეს ყავარჯნის რაკუნის ასფალტზე.

— სხვა, ჯონქა, — უთხრა ეგნატემ, — შენ ახლა საით აპირებ სამსახურს?
ფშავში?

ჯონქა ფიქრობდა. რა პასუხი უნდა გაეცადა მანამ მიჰყვებოდა უსიტყვოთ.
სანამ არ შეატყო, რომ კიდევ დუმილი უკვე უზრდელობა იქნებოდა. გადასწყ-
ვიტა სიმაღლე ეთქვა:

— ფშავში დამნიშნეს, მაგრამ უარი ეთქვი...

ჯონქა მოელოდა მომდევნო კითხვას, რომელიც დღეს ათჯერ მაინც მის-
ცეს — რატომ?

მოლოდინი არ გამართლდა, ეგნატე ისე მშვიდად მიაჩვენებდა ჯონს,
თითქოს ასფალტს სიმაგრეს უსინჯავდა.

ჯონქამ გაიფიქრა, რომ იგი ამ წუთში ან იდიოტად ჩასთვალეს, ან ამ კაცს
სულაც არ აინტერესებდა სად იმსახურებს მისი ერთიათასთავანი სტუდენტი.
მაგრამ ჯონქას ახლა ძლიერ უნდოდა ლაპარაკი და მტკიცე ხმით, პასუხს რომ
მოითხოვს, იკითხა:

— თქვენ რას მირჩევთ?

ეგნატემ ჩაახველა და ცოტახანს არაფერი სთქვა.

— თუ ფშავში არა, მაშ სად აპირებდი? — თავის მხრივ იკითხა მან.

— თითონაც არ ვიცი...

ეგნატე შესდგა და მიაჩერდა ჯონქას.

— შენ რალაც მოგსვლია ამ ცოტახანში.

— თქვენ გინდათ სთქვათ, რომ გავგიჟებულვარ, — გაიცინა ჯონქამ.

ეგნატემ არ უარყო, ისევ გაჰყვა ქუჩას, მხოლოდ ყავარჯენი ახლა ილლი-
აში ეჭირა და მის ჩრდილს კული გაუჩნდა. ჯონქამ ერთხელ კიდევ სცადა
აელაპარაკებია იგი.

— მე მინდა ვიცოდე, — სთქვა ხორნაულმა — რა აზრისა ხართ თქვენ
სრულყოფილ ადამიანზე. მაინც, როგორი უნდა იყოს... იქნებ ეს სულელური
კითხვაა, და აქ არაფერ უშაშია, მაგრამ...

— რა მოგახსენო, — ეგნატემ ილლიდან გამოიღო ჯონი და ისევ აახმა-
ურა, — ვის როგორ ესმის. მე ვფიქრობ — სწრაფვა სრულყოფისაკენ, მთლი-
ანობისაკენ თითქო ბუნების კანონია. როგორი უნდა იყოს? — ეგნატე გაჩუმდა
და მალა ასწია ჯონი, — პირველი პირობა — გონება და გული მუდამ თანხმო-
ბაში იყვნენ, აზრმა ისეთი რამ არ გაიფიქროს, რომ გული სინდისის ქენჯნამ
შეაწუხოს, ან გული უინიანობას არ გადაჰყვეს, როცა გონება სხვას გეუბნება...

ჯონქამ გულჯიბე მოსინჯა. ავეაროხი უკვე აღარ იყო.

ნელი ნაბიჯით მიდიოდნენ ისინი დაძინებულ ქალაქში. ეგნატე აუჩქარებ-
ლად ლაპარაკობდა და ჯონის რაკუნით აღვიძებდა კარებთან მთვლემარე ლა-
მის დარაჯებს.

როცა მის ბინას მიღწიეს და გამოემშვიდობნენ ერთმანეთს — ეგნატემ
სთხოვა ჯონქას ამ დღეებში მასთან შეეგლო, ფშავზე რალაც მასალები სჭარ-
დებოდა. ჯონქა დაჰპირდა და წამოვიდა.

იგი ახლა პირდაპირ საერთო საცხოვრებლისაკენ გაემართა, რადგან უკვე
გვიან იყო. ორიოდე საათით თვალს მოატყუებდა და ისევ ადგებოდა, — ექვსი
საათისთვის სოლოლაკში უნდა ყოფილიყო.

იმავე ქუჩებით ბრუნდებოდა უკან ხორნაული და ჩვეულებრისამებრ გზაში ფიქრობდა. სიარულის დროს უფრო ადვილია ფიქრი. ჯიბეებში ხელჩაწყობილი, თავადებული მიდიოდა დაცარიელებულ ქუჩებში.

მას უკვე გული აღარ აძლევდა ნებას ალფეზთან მისვლისას, ხვალ დილით აღრე ადგომაც ეზარებოდა, მაგრამ სიტყვა მიცემული ჰქონდა, დაპირება უნდა შეესრულებია.

X

ჯონქამ ზანტად გახედა გზას.

ისეთი ამინდი იდგა, რომ კაცს არ გინდოდა, რამეზე გეფიქრნა, შეწუხებულიყავ. თეთრი დუქანი შორს დარჩა და ფარაჯიანი თანამგზავრი ჩუმად მოაბიჯებდა გვერდით.

დილის მზე თვალს დაგახრეინებდა, სახეზე გეალერსებოდა. გზის პირზე ბალახი ცვარით იყო მოფრქვეული, ასველებდა ფეხსაცმლის წვერებს.

ჯონქას გაუკვირდა, როცა თეთრ დუქანთან ეს ფარაჯიანი, ნაყვავილარი კაცი დაუხვდათ და დაუბატიყებლად ამოვიდა ავტოში.

— სხვა არავინ მოდის? — ჰკითხა ზორნაულმა, რადგან მაშინვე იცნო ჩაგუს მტერ-მოყვარე სარხანია, რომელიც უთუოდ ახლაც ამ შარშანდელი ბუზებით სავსე ფუნდუქში მსახურობდა.

— არა, — მშვიდად მიუგო სარხანიამ, ფარაჯის კალთები აიკეცა და უკანა სკამზე მოეწყო. თავდაჯერებული ქცევის მიუხედავად იგი ნაკლებად ჰგავდა რევიზორს, ამიტომ ჯონქა ახლა შოფერს მიუბრუნდა.

— კიდევ ერთი კაცი უნდა წამოსულიყო ჩვენთან, არა?..

— მერე რა ვიცი, — მკვახედ მიუგო შოფერმა და მანქანა დასძრა. ჯერ კიდევ გარაყიდან გამოსვლისას სჩანდა უკმაყოფილო ამ ალიონზე მგზავრობის გამო, ჯონქას აღარ გაუგრძელებია გამოძიება, „მივალთ და ვნახავთ“ — გაიფიქრა მან.

მერე ფარაჯიანმა სადღაც, საურბე გზაზე გადაახვევინა შოფერს, კარგა ხანს ტყით მიდიოდნენ აღმართზე, უნაგირა გორაკებთან გავიდნენ და სარხანიამ განაცხადა, რომ „აწი ფეხითა სჯობს“. შოფერმა უსიტყვოდ, როგორც კი მგზავრები მიწაზე გადავიდნენ, ავტო უკან მიაბრუნა და გააქროლა.

ახლა უკვე ერთ საათზე მეტი იყო, რაც ისინი მარტო მიდიოდნენ ამ გზაზე ფეხით.

ჯონქას ეზარებოდა ლაპარაკი. მზე სასიამოვნო ჟრუნტელს ჰგვრიდა, გუნაწყვეტილივ ისმოდა ჭრიჭინების ხმაური, თითქო მიწა, მცხუნვარე მზით შეწუხებული, იშმუშნებოდა და წუწუნებდა ამ ჭრიჭინების პირით.

მწვანე ხელიკი გაისრიალებდა ზოგჯერ. ტოროლა შეფრთხილდებოდა მალა, მერე ფრთებგაშლილი წამოვიდოდა და მხოლოდ იმ ერთ წუთს, როცა ეცემოდა, ძირს მოდიოდა — უსტვენდა თავის მოკლე და მხიარულ სიმღერას.

— შორს არიან მეცხვარეები? — იკითხა ბოლოს ჯონქამ.

ჩოფურამ მუბლი ხელით დაიჩრდილა და ბოხონი უკან გადაიწია.

— აგერ, ამ ხევს გადაღმა უნდა იყვნენ.

ჯონქამ თვალი მოავლო მის ფარაჯას და მოაგონდა პირველი შეხვედრა ამ კაცთან, ლუღხანაში, როცა ჩაგუსთან ახალ კოსტუმს ასველებდა.

— თქვენ ჩაგუს იცნობთ, არა? — სთქვა ჯონქამ, თითქო თანამგზავრს ამით ასიამოვნებდა.

— სირიას? როგორ არ ვიცნობ იმ დედამკვედარს... — ბოხობიანმა ჩაიცი-
ნა, — უნდა ერიდოს იმას კაცი, — დარიგებით დაუმატა მან.

— რატომ?..

— მაგან დამოღუპა, მაგ სულდაღლმა.

ჯონქა დაინტერესდა, თუმც დაწვრილებით იცოდა ყველაფერი.

— მისი მამა ჩემსას იყო გაზრდილი, — განაგრძო თანამგზავრმა, — მე
რომ არ ვყოფილიყავი საჭმელი ჭადი არ ექნებოდათ, მარა ის იყო რომ კარ-
გად ვაღამიხადა ჩაგუმ. სულ მაგან და მაგის ძმა ბიჭებმა, კომკავშირელებმა
შომიწყეს განკულაკება და მერე კიდევ დამიჭირეს და გადამასახლეს.

სარხანია ცოტახანს ჩუმად მიაფართხუნებდა ფარაჯის გრძელ კალთებს,
მერე დაუმატა:

— რალა დავიმალო, ჩვენი კაცი ხარ, — საქონელი გადავრეკე ლეჩხუმში...

— მერე? — ერთი წუთით ვერ მიხვდა ჯონქა.

— მერე და დავკალი.

— ჰოო...

ესეც შენი რევიზორი. ამ კაცთან ერთად მიდის ჯონქა რალაც საქმის
გასაკეთებლად.

— ერთი ეს მითხარი, — ჯონქა დაიხარა, ბალახი მოგლიჯა და ნედლი
ღერო მოსინჯა კბილებით, — ერთი ეს მითხარი — რა საქმეზე მიდიხარო
თქვენ იქ დღეს?

— ო, მაგას კარგად მოფიქრება უნდა.

— მაინც?..

ბოხობიანმა ჩაიყინა.

— ისე, არც მე ვიცოდი აჭამდე. ხომ გენდობიან მეცხვარეები?

— გენდობიან? რა მხრივ...

— ხომ მიგვიშვებენ ახლო, ლაპარაკს გაგვიმართავენ...

— რა თქმა უნდა, თუ მართლა და ჩვენებური, ფშაველი მეცხვარეებია,
ახლო მიგვიშვებენ კი არა, აღარც გამოგვიშვებენ, ისე გაეზარდებათ ჩვენი მი-
სვლა.

— აჰ, მაგ ღმრეთმა ნუ ქნას, რომ აღარ გამოგვიშვან.

— რატომ, კაცო...

— რატომ და აბა მოკლედ გეტყვი და ნუ გაგიკვირდება, უკვე გვიან-
ია, — სარხანია დაბლა იცქირებოდა, თითქო ბალახებში ჩავარდნოდა რაი-
მე, — შენ პირველი არა ხარ, რომ ასეთნაირად... სულ სხვანაირად, იქნებ შენ
რომ არ ელოდი ისე შეტრიალდა საქმე, მარა რას იზამ, ნუ გაგიკვირდება,
რაკი გამოგზავნეს და დღეს ჩემთან წამოხვედი — უარი აღარ შეიძლება. არც
არავინ დაგიჯერებს.

ჯონქამ გაოცებისაგან ნაბიჯს დაუკლო და ისე მიაჩერდა ამ კაცს.

— ჰოდა, მოკლედ გეტყვი, — განაგრძობდა სარხანია, თან მიწაზე ურ-
მის კვალს თვალს არ აშორებდა, — ჩვენ ახლა მივალთ მეცხვარეებთან და
მუსიაფს გაუმართავთ. როცა ლაპარაკში გაერთობიან, შენ ან მე, რომლის-
თვისაც უფრო მოსახერხებელი იქნება, ან ორივე, ამოვიღებთ, აი ამას,
უყურე...

მან ფარაჯის ორივე ჯიბეებიდან ამოაძვრინა პატარა შუშები, მსხლის
ფორმისა, შავი, მომწვანო სითხით სავსე.

— ერთს გაჰკრავ წკიპურტს თავზე და ისე თხელი მინაა — ხელად მო-
ტყდება. მერე უნდა შეუშინეველად დაიჭირო ცხვარი, ვითომ ეჭიდავები ან ღუ-

მას უსინჯავ, ერთი-ორი წვეთი უნდა გამოისხა ეს წამალი პეშვზე და დრუნ-ჩზე მოუსვა ცხვარს. ასე, ჭულ ცოტა, ათ ცხვარს მაინც უნდა გაუქეთო, ზოგი თითონ აგილოკავს ხელს, ზოგს ბალახს, როცა სჭამს ზედ უნდა მოუპკურო.

— კი მაგრამ, რისი წამალია?

სარხანამ მხრები აიჩეჩა და კატასავით შეანათა თავისი კროლა თვალები ჯონქას.

— რა ვიცი, უშვილობის მალამო რომ არ იქნება შენც მიხვდები... მწყემსებმა არაფერი შეგვატყონ თორემ... შაბაშ.

ჯონქა გაოგნებული მიბიჯებდა შარახე. იგი ვერ ბედავდა დაეჭვებულიყო.

მოაგონდა ის დღე, როცა ფუნდუქში მოხვდა პირველად. ვილაც პასუხისმგებელი მუშაკი ბრუნდებოდა ბეთანიის დასასვენებელ სახლიდან და ალფეზსა და გიორგის გრძელი საუბარი ჰქონდათ მასთან, ცალკე კარდაზმულ ოთახში. შემდეგ, უცნაურად ხანმოკლე ნადირობა კიკეთის ტყეში. მერე უცნაური დავალება და დაპირებები. ჯონქა მოუთმენლად მიუბრუნდა თანამგზავს.

— კი მაგრამ, ხომ უნდა ვიცოდეთ რა მიზნით კეთდება ყოველივე ეს...

სარხანამ ისევ აიჩეჩა მხრები.

— რას იზამ, ასეთია დავალება.

სწორედ ამ დროს საურმე გზა ხევისპირს მიაღვა და გაღმა, შინდორზე გაფენილი ცხვარი გამოჩნდა. ჩანგლებიანი ნაგაზები ყევით გამოქანდნენ მგზავრებისაკენ. ნიაგმა მოიტანა მატყლის მსუყე სუნი და ფარის ყრუ ხმაური.

— ჰა, ჩაიდუ ჯიბეში, — მიაჩეჩა წამლიანი შუშა სარხანამ.

— არა, — ჯონქამ მოიცილა გამოშვებული ხელი.

იმავ წუთს ნაგაზებს მწყემსი ბიჭები გამოუდგნენ გასარეკად და სანამ ჯონქა რაიმეს თქმას მოასწრებდა, სარხანამ დაიძახა:

— ჰეი, მეცხვარეებო, აქეთ მოდით, მეზობლები გესტუმრენ...

ნაგაზებმა მწყემსებს გამოუსწრეს, ხევაღმა გამოცვიდნენ და მოსულებს შემოუტყეს. ერთი ჭრელი ნაგაზი, მოზვრის ოდენა იყო, ყელზე ვეებერთელა ჩანგლები უჩხრიალებდნენ, ისე აკაპუნებდა ადლის სიგრძე შუანებს, რომ ჯონქამ და მისმა თანამგზავრმა ჩაბუქნეს და ამაოდ ეძებდნენ ქვებს სველი ბალახით დაფარულ მიწაზე.

მწყემსებმა კომბლებითა და შოლტის ტკაცუნით მოაშორეს ძაღლები სტუმრებს.

ჯონქამ ერთი მათგანი, თალფაქიანი ახალგაზრდა ბიჭი იცნო.

— გამარჯვება ლექსო.

— გაგიმარჯოს, — ბიჭმა უთუოდ ვერ მოიგონა ვინ უნდა ყოფილიყო ეს ქალაქურად გამოწყობილი ჰაბუკი, — მობრძანდით, — დაუმატა მან.

— სარქალი ვინა გყავთ, — შეეკითხა ჯონქა.

— მელანთ თევდორე.

— მართლა?.. — ჯონქას გაეხარდა, კარგად იცნობდა ამ მოხუცს. ამ დროს სარხანა გვერდით ამოუდგა, და შუშა სწრაფად ჩაუდო შარვლის ჯიბეში. ჯონქას არაფერი უთქვამს, ალმაცერად მოჰხედა მხოლოდ. იგი უკვე თითქმის ყველაფერს მიხვდა. ახლა გულში ჩუმად ღელავდა იმ კაცივით, რომელმაც თავის ბინაში შეპარული ჭურდი დაინახა, იცის რომ არ უნდა იყვიროს, თორემ ნაადრევად დააფრთხობს, მაგრამ მოულოდნელობისაგან ვერაფერი მოუხერხებია.

— აგერ, სარქალი იქა დგას, — უჩვენა მწყემსმა კომბლით გაღმა, ფარის ნაპირთან გაჩერებულ მოხუცზე.

— სარქალო, — დაუძახა ბიჭმა, — აბა აქეთ მოდექ, შენა გკითხულობენ.

— ჩვენ თითონ მივიდეთ, უფროსი კაცია, — სთქვა სარხანამ.

თევდორე კომბალზე დაყრდნობილი იდგა. მას შეერთებული ჰქონდა თეთრი წვერი, თმა და ულვაში. ჭამარზე ადლიანი, შეატარა ხანჯალი და ტყავის მათარა ეკიდა. ისეთი სიმშვიდე და თავდაჯერება გამოსჭვიოდა ამ მოხუცის სახიდან, რომ უნებურად პატივისცემასა და კრძალვას იგრძნობდი.

მოხუცი ყურადღებით ათვალიერებდა მოსულეებს, სანამ მიუახლოვდებოდნენ. შემდეგ მიესალმა და ჰკითხა — რაზედ გარჯილხართო.

— ჩვენებურების ნახვა მომინდა, პაპავ, — უთხრა ჯონქამ, ამ წუთში იგი ისე გახარებული იყო მოხუცის ნახვით, რომ თითონაც სჯეროდა რასაც ამბობდა.

თევდორემ იცნო ჯონქა და სახე გაუნათლდა.

— ბალო, შენ ლუკას ბიჭი არა ხარ?

მწყემსები გარს შემოეხვივნენ მათ. ყაფარა და მხრებგანიერი მათეც მივიდნენ. ყველა სათანადოდ ართმევდა ხელს ჯონქას, გულლიად უღიმოდა, მერე გადაგებოდა გვერდზე და თავიდან ფეხამდე ათვალიერებდა.

ურთიერთ ჩვეულებრივი მოკითხვის შემდეგ თევდორე წინ გაუძღვა სტუმრებს და ბატკნებთან მიიყვანა.

თეთრი მატყლის ქუდებით იყო მოფენილი მწვანე მინდორი. ორი-სამი თვის ბატკნები უკვე მოლონიერებული ფეხებით დაბაკუნებდნენ, კიკინით დასდევდნენ დედეებს. ირგვლივ ცხვრების ბლავილი და მათი ფეხის ხმის მსუბუქი შრიალი იდგა. ზოგჯერ ძაღლის ყეფა, მწყემსის შეძახილი ან შოლტის ტაკუჟნი თუ გამოერეოდა ამ ყრუ ხმაურში. შეუმჩნეველად, წყნარი ძოვნით მიჰყევოდა ფარა მინდორს და უკან სტოვებდა ჩლიქებითა და წვრილ ხურმასავით მზინავი დენგრით ჩაშვებულ მიწას.

თევდორემ ერთი ბატკანი დაიჭირა და ხელში აიყვანა. ბავშვივით მოეფერა ეს უხეში ვაჟაკი პატარა ცხოველს, ვარდისფერი ქაჩაჩი გაუსინჯა წინა ფეხებზე, გაქერქეშებული თითი პირში ჩაუღო და მოაწოვინა, უთუოდ თავის შვილებს არ მოჰფერებია იგი ასე.

მისი შვილებიც, მამასავით მხრებგანიერნი, წვერულვაშით შებანჯგლულნი, მალალი ცხვრის ქუდებით, რომელშიც შუა ზამთარშიც დაგცხება კაცს, იდგნენ და სიხარულით გაჰყურებდნენ ფარას.

— ავ თვალს არ შეეხედება, შვილო, — უთხრა ჯონქას თევდორემ.

ხორნალს უსიამოვნოდ გაჰკრა გულში და ბოხოხიან თანამგზავრს გადახედა. იგი ახალგაზრდა მწყემსებში ჩამდგარიყო, ფარაჯის ჯიბეებში ჩაეწყო ხელები, ქუდი უკან გადაეწია და უთუოდ ოხუნჯობდა, — მწყემსებს მზით გაშვებულ სახეებზე თეთრი კბილები უელავდათ.

— ეგ კაცი ვინ არის, ჯონქაო? — უთხრა სარქალმა.

— თეთრ ღუქნიდან წამომყვა გზის მაჩვენებლად, — მიუგო ჯონქამ და ბრაზით გაიფიქრა:

— „რევიზორი!..“

იგი უცნაურ მდგომარეობაში იყო. დროც არ ჰქონდა მოეფიქრებია როგორ მოქცეულიყო, მეცხვარეები განუწყვეტლივ ელაპარაკებოდნენ, ქალაქის ამბებს ჰკითხავდნენ.

თევდორემ ახლა ყოჩების სანახავად წაიყვანა სტუმრები. ორი-სამი ისეთი წყვილი მყავსო, იკვებდა მოხუცი მწყემსი, არც შირაქში და არც თრიალეთზე მათი ტოლი ფალავანი არ მოიძებნებაო.

ჯონქამ გადასწყვიტა თვალი არ მოეშორებია სარხანასთვის, თან წაიყვანა, სადაც წავიდოდა. ახლაც მკლავში ხელი მოჰკიდა და გაიყოლია.

ჭედლებსა და ყოჩებს ცალკე აძოვებდნენ. ისინი მართლაც იმოდენი იყვნენ და ისეთი მკვრივი ტანი ჰქონდათ, რომ ბიტიუგის ცხენებს უფრო წააგავდნენ, ვიდრე ცხვრებს. განსაკუთრებით ერთი ჟღალი ფერისა გამოირჩეოდა. უცხო ტანსაცმელში გამოწყობილი ადამიანების დანახვაზე მან ბალახის ძოვას თავი მიანება და მიაშტერდა მათ, გამომეტყველებას მოკლებული, მსხვილი თვალებით. ჟღალა მატყლით მზის ქვეშ ოქროს ვერძსა ჰგავდა ბორცვზე შემდგარი.

სარხანიამ ალერსით დაუსტვინა და გაემართა ცხვრისაკენ. ყოჩმა ჯიუტად დახარა თავი მოლოდინში, ორი გრეხილი რქა რკინის რვალებივით ჰქონდა მიკრული ფართო კეფაზე.

— მოეცა, ყინჩო, თორუ იქნება მიწა ვათხრევენოს, — სიცილით უთხრა სარქალმა. სარხანიამ დაუჯერა, ფარაჯის კალთები აიკრიფა და გვერდზე გადავა.

მწყემსებმა მეორე, თეთრი ყოჩი გამოათრეეს რქით, ოქროს ვერძს დაუპირისპირეს და ხელი ჰკრეს უკანიდან. თეთრი გაჰქანდა, მოისმა მძლავრი ჯახანი. დაიწყო ჭიდილი, რომელსაც არავითარი მსაჯული არ ესაჭიროებოდა, ორივე ფალავარი მეტისმეტად კეთილშობილი რაინდი იყო; ყოველგვარ წესებს იცავდნენ, საშინლად ურტყამდნენ ერთმანეთს თავებს, ჩლიქებით მიწას სჩიჩქინდნენ და ჯონქამ, რომელსაც უკვე დიდი ხანი იყო აღარ ეყურებია ყოჩების ჭიდაობისათვის, გაიფიქრა, რომ ცხვრებს თვალები წამოსცვივდებოდათ, ან ტვინი შეერყეოდათ.

— ჰაი, თქვე ცეტებო, თქვენა, — დასძახა თევდორემ, — დაიცა შიშაგებში გარიოთ, იქ ვნახავ თქვენ ვაჟეაცობასა, კისერს დაგიბოშებენ სქელდუმიანები. მწყემსებმა ჩაიციინეს.

— ყველის საქმე როგორა გაქეთ, პაპავ? — ჰკითხა ჯონქამ.

— კარგად, წელს ცხვარი მადლიანად იწველება, ყუათიანი ბალახია, ქარცხვსა სძოვს...

სარქალმა კარავში შეიყვანა სტუმრები და უჩვენა შეყველებული რძით სავსე ქვაბი, რომელიც შუაცეცხლზე იდგა. რძის ორთქლით იყო გაჟღენთილი ჰაერიც და კარვის კედლებიც. ერთმანეთზე ყველით სავსე გულები ეწყო. ქვაბთან ორი მწყემსი ტრიალებდა. შემოსასვლელში, მიწაზე გაშლილ ნაბადზე კოჭები ეყარა.

— ერთი ამათ დამიხედეთ, — სთქვა სარქალმა, — ბალები ცხვარში ვედარ მოგვყავს, სკოლას მოსცდებიან, ეხლა ამათ დაუწყიათ ბალებივით კოჭების თამაში.

ისევ გარეთ გამოვიდნენ, კარავთან ჩამოსხდნენ ქვებზე. იქვე პატარა, ჯერ კიდევ ყურმოუჭრელი ბუთხუზა ლეკვები დარბოდნენ, მურა დრუნჩებით ეღებოდნენ ყველაფერს და იღრინებოდნენ თავის გასართობად.

— აბა, შვილო, ახლა შენ გვითხარი ქვეყნის ამბავი, — სთქვა თევდორემ და ჩიბუხი ამოიღო, — ნასწავლი კაცი ხარ, ჩვენს სოფელში ახლა შენზე უფრო ნასწავლი ვინდა იქნება. მამაშენი ლუკაი ბედნიერია, აგრემც დაურჩი. კარგაა შვილო, ნათქვამია, უსწავლელს ჯაბანიც დაჩაგრავსო, — მოხუცმა რბი-

ლი ტყაყის ქისაში ჩაპყო ჩიბუხი და წყნარად გასტენა, — ერთი ახალი გაზეთი გექნება, ომისა ხომ არაფერი ისმის, წაგვიკითხე შენს განარებას.

ჯონქას გაზეთი არ ჰქონდა. მან სარხანაიას გადახედა. იჯდა ეს გაიძვერა, ქული ცხვირამდე ჩამოეწია და იღმიჭებოდა. ჯონქამ სირცხვილიც იგრძნო და ბრაზიც.

იმ ხნის განმავლობაში, რაც აქ მოვიდნენ, ჯონქას ერთი კითხვა უტრიალებდა თავში: რა უნდა ყოფილიყო ის შავი მომწვანო წამალი?

იგი მზად იყო ყოველივე ცუდი ეფიქრა, მაგრამ ალფეზი? ნუ თუ ალფეზი სჩადის ასეთ საქმეს.

შემდეგ ისევ მოაგონდა ალფეზთან საუბარი. მაღლა, სულ მაღლა. იქნებ ესეც გზა იყო სიმალლისაკენ.

ჯონქას მწარედ ჩაეცინა გულში. პატარა ბატკნების დახოცვა, ამ ხალხის გაუბედურება, დღედაღამ, აედარშიც ნაბადშეფარებული ფეხზე რო დგას და თავს დასტრიალებს მარჩენალ ცხერის ფარას...

თითქოს და მისი ფიქრის საპასუხოდ სარხანაია ლიღინით წამოდგა ფეხზე და ფარისაკენ დააბირა წასვლა.

— სად მიდიხარ, — დაუძახა ჯონქამ, — მოდი აქ დაჯექი.

და იგრძნო, რომ მკვახედ გამოუვიდა. სარხანაიამ აგდებულად მოჰხედა.

— გავიარ, შე კაცო, ხომ არ დავიკარგები.

— არა, მოდი აქ დაჯექი.

— გაუშვი, იქნებ უჭირს მაგ კაცსა, — სთქვა სიცილით ყაფარამ.

სარხანაია მობრუნდა და ლიღინით წავიდა.

— შენ არ გესმის? — თითქმის დაუყვირა ჯონქამ, თითონაც წამოდგა, წამოეწია და მკლავში ხელი ჩააგლო...

სარხანაიამ გაიღიმა სხეების დასანახავად, თვალები კი ბრაზით გადმოეკარკლნენ.

— გაღირიე? — უთხრა ჩურჩულით, — ეჭვს აიღებენ... რომ ჩავეარდეთ, დაგვხვრეტენ ორივეს.

— მოიტა აქ წამალი.

— ხომ გაქვს შენ ერთი შუშა.

— მოიტა მეორეც.

— რად გინდა...

— მოიტა.

— მითხარი რად გინდა, კაცო, ასე როგორ შეიძლება...

— მოიტა მეთქი...

— დავალებას შესრულება უნდა, ძმაო...

— ვერ შეასრულებ.

— რაო?

ნაყვავილარს სახე გაუფითრდა, მეჩხერი წვერით დაფარულ ლაწვებზე მხოლოდ ფოლაქების მსგავს ხორცმეტებს შერჩათ შავწითელი ფერი. ერთ წუთს თვალების ხამხამით შეჰყურებდა ხორნაულს, შემდეგ ხმაშეცვლილმა სთქვა:

— გამიშვი ხელი, შენ შენთვის, მე ჩემთვის. წავალ და რაც გინდა ჰქენი...

ჯონქამ იგრძნო, რომ სიხარულით დაახრჩობდა ამ კაცს. მეორე ხელიც ჩააგლო მაჯაში, ტურხზე იკბინა და ისე უთხრა:

— ვერსად ვერ წახვალ.

სარხანია მ გაიბრძოლა, გაინთავისუფლა ცალი ხელი და ჯიბისკენ წაიღო. მაგრამ ჯონქამ წელზე შემოხვია მკლავები, ჰაერში ასწია, მიწაზე დაანარცხა და თითონაც თან გადაჰყვა. რამდენჯერმე გადაგორდენ მიწაზე, ასე ჩაბლუჯულები.

მწყემსები მოცვივდნენ, გააშველეს და ფეხზე წამოაყენეს ორივენი.

— რასა ძიძგილაობთ, ყინხო... ეკითხებოდნენ გაკვირვებით.

— დაიჭით ეგ კაცი, არ გაუშვათ, — დაიძახა აქლოშინებულმა ჯონქამ, — ცხვრის მოწამვლას აპირებდა ეგ...

სარხანია მ გაიწია, მაგრამ მაგრად ეჭირათ.

— რა ამბავია, შვილო, ცხვართან რა ხელი აქვს... — შემფოთებული კითხულობდა თევდორე.

— აი, წამალი, — ჯონქამ ჯიბეზე ხელი მოისვა, მაგრამ შუშა იქ აღარ იყო, იგი დაიხარა ძირს და სწრაფად იპოვნა, — ბალახებში გადავარდნილიყო ჭიდაობის დროს.

— ერთიც მაგასა აქვს, გაჩხრიკეთ...

სარხანიას ფარაჯის ჯიბეში ჩასტყდომოდა ბოთლი და რუხი ქსოვილი მწვანედ გაქლენთილიყო.

— ამ ადგილს მიწა მოაყარეთ, ცხვარი არ მიაკაროთ, კარგად ნახეთ სად დაიღვარა წამალი...

მწყემსები გოაცებულნი იდგნენ, ხან ბალახს დაჰყურებდნენ, ნან ამ უცნაურ სტუმრებს შესცქეროდნენ.

— პაპავ, ორი კაცი უნდა გამატანო თოფიანი, ამას ქალაქში ჩავეყვან, — ჯონქამ თვალთ ანიშნა სარხანიაზე; იგი ორივე მკლავით ისევ ეჭირათ მხარბეკიან მწყემსებს.

სარხანია მ ხმადაბლა, მაგრამ მაინც გასაგონად, მყრალად სასოწარკვეთილად შეიგინა.

XI

სიცხე იყო და გიორგის მაინც ბეწვის საყელოიანი, თბილი პალტო ეცვა; ალფეზი უკვე ველარ იტანდა მის დანახვას. ბეწვის საყელოდან ისე იყურებოდა გიორგი რქის სათვალეებით, თითქო გომბეშო მოსდგომიაო ტალახიან თხრის პირს.

ყოველთვის ცუდი ფერი ჰქონდა გიორგის, მაგრამ ახლა უცნაურად ჩასცვივდნენ საფეთქლები. დაწითლებულ ქუთუთოებზე ეტყობოდა, რომ სიცხე უნდა ჰქონოდა. იგი სწრაფი ნაბიჯით შემოვიდა კაბინეტში, კარები მაგრად მოიხურა, სავარძელში ჩაეშვა და მუხლებზე ტყავის დიდი პორთფელი დაიდო.

— გაიგე?

ალფეზმა მაგიდაზე დადებულ ტელეფონისაკენ წაიღო ხელი, თითქო ეშინოდა საიდუმლოება კაუჩუკის ყურსაც კი არ მოესმინა. მან კითხვით შეხედა გიორგის.

— დავით კიბისელი წუხელ დაუპატიმრებიათ.

ალფეზმა უეცრად იგრძნო საშინელი სურვილი — მაგიდიდან აეღო მარმარილოს მძიმე დაფა, სამეღნეების დასაწყობი, გადასწვდომოდა მაგიდას და

ისე ჩაესრისა ეს სათვალეებიანი კაცი საეარძელში, როგორც გომეზოს ან სხვა რომელიმე ქვეწარმავალს გასრესენ ხოლმე, ზიზლით, თვალის არიდებით, მხოლოდ ჭყლეტის ხმას გაიგონებენ, თორემ აღარც მიხედავ იმ ადგილს.

— მერე ჩემთან რა მოგარბენინებდა?

— თუ რაიმე ქალაღები გაქვს — უნდა დასწვა.

— არ მჭირდება დარიგება, ბავშვი არა ვარ.

— ვიცით, გამოცდილება მართლაც და არ გაკლიათ... — გიორგის დაწითლებული ქუთუთოები აუხამხამდნენ, მან პორტფელი დააგდო მაგიდაზე და აცახცახებული ტუჩები მოკუმბა. ალფეზი პირველად ხედავდა მას გაბრაზებულს.

— ნეტავი ვიცოდე რისი იმედითა გაქვს ასეთი კანდიერი ტონი, თქვენ... — გიორგიმ ასე აუწია ხმას, რომ ალფეზმა კარებისკენ მიიხედა, — ხომ იცით, რომ ახლა ერთი გზა გვაქვს, პატივცემულო, იქნებ პროფესორ ციხისელივით მხოლოდ დროებით თანამშრომლობდით ჩვენთან?... სასაცილოა პირდაპირ, ციხისელსაც უთუოდ თქვენსავით გარკვეული, „წმინდა პოლიტიკური“ მიზნები ჰქონდა, როცა პრეპარატს ამზადებდა ცხვრის ეპიდემიით დასაავადმყოფებლად...

— ყოველ შემთხვევაში, — ალფეზმა საყელო შეიხსნა, რადგან სუნთქვა ეკვროდა, — მე არ ვეფარებოდი რაღაც არსებულ თეორიებს.

— მე თქვენ გეტყვით ახლა, როცა უკვე აღარ ხართ საჭირო, რას წარმოადგენთ თქვენ, ალფეზ, — გიორგიმ ცხვირსახოცში ჩააფურთხა და ტუჩები მოიწმინდა.

ალფეზმა მშვიდად დაიწყო გულზე ხელები. მას ბრაზით უთრთოდნენ კისრის კუნთები, მაგრამ დაცინვით შესცქეროდა მოსაუბრეს.

— რას იზამ, ნიშნის მოგებით რომ მელაპარაკებით, უნდა იცოდეთ — ჩემზე აღრე თქვენ დაგზერეტენ.

გიორგიმ ისევ ჩააფურთხა ხელსახოცში.

— ვინ იცის, იმასაც ფიქრობთ, რომ რაკი ცუდად წავიდა საქმე — გაგვკეთ და თავი დაიძვინოთ, მაგრამ ამაო ოცნებაა, ბოლშევიკებს თქვენ ვერ მოატყუებთ. პირისპირ დაგვაყენებენ დაკითხვის დროს.

გიორგი უეცრად შეიკუმშა მთელი ტანით, ნიკაპი ღრმად ჩამალა ბეწვის საყელოში. ერთ წუთს დაფიქრებული იჯდა, თვალები გაუშტერდნენ. შემდეგ სწრაფად წამოდგა ფეხზე, პორტფელი იატაკზე გადმოუვარდა მუხლებიდან.

— წავედი.

პორტფელი აიღო და კარის სახელურს მისწვდა. კარი თითონ გაიღო, ტალანში ხაკისფერ ტანსაცმელიანი, რევოლვერიანი კაცები იდგნენ.

გიორგიმ ერთი მოხედა ალფეზს უკან.

ჩიქოვანს ორივე ხელები მაგიდის უჯრაში ჩაეწყო და ოდნავი სიფითრე გადაჰკრავდა სახეზე.

გიორგი გავიდა ტალანში და თან კარი გაიხურა, თუმცა აშკარა იყო, რომ ხაკისფერ ტანსაცმელიანები ჩიქოვანის კაბინეტში აპირებდნენ შესვლას. იგი ერთ წუთს შესცქეროდა მის წინ მდგომ უცნობ სახეებს, შემდეგ ნაბიჯის გადადგმა დააპირა, მაგრამ... შეაჩერეს:

— მოითმინეთ, თქვენ დაპატიმრებული ხართ.

როცა შინსახკომიდან გამოვიდნენ, ჯონქამ სოლოლაკამდე მიაცილა მწყემსები, გამოემშვიდობა და რუსთაველის გამზირისკენ გამობრუნდა.

მან უკვე იცოდა ალფეზ ჩიქოვანის დაპატიმრება. იგი დარწმუნებული იყო, რომ კიდევ ბევრი ახალი ამბავი დაუხვედებოდა ქალაქში და ახლა თვალთქვეშა ეძებდა ნაცნობებს გამეღელთა შორის.

უკვე დაიწყო სიციხეები თფილისში. სასახლის წინ ხეივანის ფოთლებს მტვერი დასწოლოდა და გაეყვითლებია. ასფალტი ზოგჯერ ცომივით იხნიქებოდა ფეხქვეშ, სივდებოდა და ბორცვად ამოზიდულიყო აქა-იქ.

ხორნაული არაჩვეულებრივ სიმსუბუქეს გრძნობდა დიდხნის სულთმძიობის შემდეგ. უნდოდა სულ ხმამაღლა ელაპარაკა და უმიზეზოდ სიცილი დაეწყო, როგორც ფშველ მწყემსებთან ერთად სჩადიოდა წელან, ქუჩაზე მიმავალი.

ოპერის თეატრამდე ჯონქას რამდენიმე გამზირელის გარდა ნაცნობი არავინ შეხვედრია. ბოლოს ერთგან თვალი მოჰკრა ციციხო ამილახორის შუქურა ქუდს, მაშინვე გზა გადაუქრა და მიესალმა.

— რა არის თქვენსკენ ახალი, ციციხო? — ჰკითხა მან ქალს ხელის ჩამორთმევისთანავე.

— რა უნდა იყოს, ჯონქა შენ ალბათ ჩემზე უკეთესად იცი ყველაფერი.

— არა, მე ეს ორი-სამი დღეა სახლიდან არ გამოვსულვარ, — გულმართლად იცრუა ჯონქამ, — ჩამოვრჩი ცხოვრებას.

— ორი-სამი დღეა? მაშ იქნებ არც ის იცი, რომ მანანა გათხოვდა, ჯონქას ძლიერ არ გაკვირვებია. იგი უკვე გადაეჩვია გაწითლებას, ახლა მხოლოდ თვალის ქუთუთოები აეწვა.

ხომ მოელოდა, წინასწარ გრძნობდა, რომ ასე უნდა მომხდარიყო.

— არ იცოდი, ჯონქა?

— არა, არ ვიცოდი, — ციციხო გამომცდელი თვალთ უყურებდა. მას ჩვეულებად ჰქონდა მოსაუბრის მკლავზე დაყრდნობით წელში ოდნავ თავისუფლად მოხრა და გვერდიდან ცქერა; უთუოდ იმიტომ რომ იშვიათად თუ იპოვიდა თავისი სიმაღლის მოსაუბრეს; თანაც ამგვარი ქცევა მის ტანს უფრო მეტ სინაზესა და მოქნილობას აძლევდა.

ჯონქას უნდოდა სრული გულგრილობა გამოეჩინა.

— შენ, ციციხო? შენ როდისღა გათხოვდები?

— მგონი აროდეს.

— მართლა?

— შენ რას იტყვი, ჯონქა, შევძლებ თუ არა მე თავისუფლად ვიცხოვრო და თანაც სახელი არ გავიტეხო?

— რას ეძახი თავისუფლად ცხოვრობას ან სახელის გატეხვას? — ჯონქას უკვე აღარ უნდოდა ამ ქალთან ლაპარაკი.

— მაშ მანანა გათხოვდა.

გათავდა ზღაპარი.

— მე ვერ ვივარგებ მრჩევლად, ციციხო, — დასკვნა ჯონქამ.

ცოტა ხანს კიდევ ისაუბრეს, ჯონქას უნდოდა ეკითხა ვინ იყო მანანას ქმარი, მაგრამ თავი შეიკავა. როდესაც უკვე გამომშვიდობებას აპირებდნენ, ციცინოს უეცრად მოაგონდა:

— მართლა, შენ არც ის გეცოდინება, რომ ძია დავითი დააპატიმრეს.

ჯონქამ არც ეს იცოდა.

— შენ წარმოიდგინე, წინა დღით მანანამ და თამაზმა ხელი მოაწერეს და მოსკოვს გაემგზავრნენ, მეორე ღამეს კი დავითი დააპატიმრეს... ამბობენ, რომ დიდი მავნებლობა აღმოუჩენიათ.

ჯონქასთვის თანდათან ყოველივე ნათელი ხდებოდა.

— ნახვამდის ციცინო.

— ნახვამდის...

მაშ ასე, მანანა მოსკოვს გაემგზავრა.

თავლებული, ფიქრიანი თვალებით მიდიოდა ბიჭი ქუჩაზე. იგი არ გრძნობდა გულისტკივილს. ყოველივე ისე წარიმართა, როგორც მოელოდა და თავის გატაცებისათვის არ უნდოდა სისულელე ეწოდებია. ჯონქა შეეცადა მოეგონებია მანანას ღიმილი, ისეთი ღიმილი, როგორიც მხოლოდ მანანამ იცოდა. შეეცადა და ვერ იპოვა, ისევ ის ცივი, ზოგჯერ მაცდური, დამცინავი, უცხო გამოხედვა მოაგონდა, ბოლო დროს, უბრაოდ ყოფნისას რომ ჰქონდა მანანას. მან თავისთავს უღალატა, შეიცვალა. რომელი იყო ნამდვილი მანანა, ის პირველი, თეთრი იასამანი, თუ მეორე, გამოცვლილი? რასაკვირველია პირველი. მაგრამ იგი გაჰქრა. და ჯონქამ ისევ თითონვე გაუღიმა თავის წარსულ სიყვარულს. მას ახსოვდა, ყველაფერი ახსოვდა და საოცარია — მოგონება მაინც არ იწვევდა ტკივილს.

გათავდა ზღაპარი.

პატარა ენძელა კი, უფოთლო ენძელა, წელიწადში ორჯერ ამოდის. თუმცა მეორეჯერ მხოლოდ შემოდგომით, როცა ფოთოლცვენა დასრულდება და სადაცაა უნდა დაიწყოს ჭირხლი, ცივი ნისლი. მაგრამ რა საჭიროა ეს სიმბოლიკა. ჯერ მაისია: ჯონქასთვის მაინც, — ენძელები ისევ ამოვლენ. მარტის ენძელა თუ დასჭენა, — მზეს ვერ გაუძლო უთუოდ.

ჯონქა ფიქრებიდან გამოერკვა, მან გადასწყვიტა ახლა პირდაპირ ეგნატე ლაზიშვილთან წასულიყო.

მოხუცი პროფესორი სახლში დაუხვდა. მის ოთახში ისევ ისეთი უხერხული სისუფთავე იყო, როგორც ყოველთვის. გაპრიალებულ იატაკზე მაინც დარჩებოდნენ ლაქები, რაც უნდა გულდასმით გაგეწმინდა ფეხსაცმელი შესასვლელში. ჭერამდე იყვნენ აღმართული ოთხივე კედლის გასწვრივ წიგნის კარადები. მაგიდაზეც წიგნები ეწყო, ტახტზეც, დერეფანშიც, მაინც არ ეტეოდა და რამდენიმე იატაკზეც მოესვენებიათ კუთხეში.

სისუფთავე და წესრიგი მეფობდა მთელ ბინაში, მაგრამ გამოცდილი თვალი შეიტყობდა, რომ მარტოხელა კაცი ცხოვრობდა აქ.

ეგნატე სათვალეებით იჯდა მაგიდასთან. გაყვითლებული ხელნაწერებ-ფართალივით ჰქონდა გაშლილი.

— ოჰ, ჯონქა, შემოდი, შემოდი. — იგი სავარძლიდან წამოდგა და ხელი ჩამოართვა.

— კარგი ჰქენ, რომ მინახულე.

მოხუცს უთუოდ გულწრფელად გაეხარდა ჯონქას მისვლა, ჭროლა თვალები კეთილად უღიმოდნენ სათვალეებ ქვეშ.

— სხვა, ჯონქა, ახალს რას იტყვი?

ჯონქას ახალი ის უნდა ეთქვა, რისთვისაც მოვიდა აქ.

— ახალი ის არი, რომ მე უკვე გადავწყვიტე — სთქვა მან.

— გადასწყვიტე?..

— დიად, ჩემს სოფელში დავბრუნდე მასწავლებლად.

ეგნატე ადგა, პატარა აიენის კარებთან მივიდა და ქალაქს გახედა. იგი ასე იქცეოდა ყოველთვის, როცა ფიქრი უნდოდა.

— ყოჩაღ, ჯონქა. მე ვიცოდი, რომ შენ ადრე თუ გვიან, აგრე უნდა მოქცეულიყავ. — ეგნატე მობრუნდა და ისევ მაგიდასთან დაჯდა.

— ადამიანი ისე სიყვარულით და პატივისცემით არვის მოიგონებს, როგორც კარგ მასწავლებელს, — ეგნატემ ჩაფიქრებით დაუწყო თითებით ვარცხნა მოკლე წვერს, — ზოგჯერ შემთხვევით წამოცდენილი რამ ისე ღრმად ჩაიმარხება გულში, რომ შემდეგ თითონვე აღარ გახსოვს — საიდან გაჩნდა ეს უძლეველი ლტოლვა თუ ინტერესი ცხოვრების რომელიმე მხარისადმი, შენ მაშინ კარგადად სთქვი, მართლაც რა უნდა იყოს იმაზედ უფრო დიდი სიხარული, როცა ამჩნევ თუ როგორ გაუღე ბუნების კარი ადამიანებს, როგორ უფართოვდებთ ბავშვებს თვალები. სამუდამოდ აღიბეჭდება მათ ხსოვნაში ის, რასაც ინტერესით, მონდომებით გადასცემ. თუ შენ გსურს გახდე სრულყოფილი, მთლიანი პიროვნება, ამის მიღწევა შეიძლება მხოლოდ ხანგრძლივი, შეგნებულ თვითაღზრდით და ყველაზე უკეთესი პირობა ამისათვის არის თვალყურის დევნება სხვების აღზრდაზე. უბრალო ჩვევები სკოლის სკამიდანვე ანსხვავებენ ადამიანებს ერთმანეთისაგან. მასწავლებელი ყოველთვის წაბადვის საგანია ბავშვებისათვის. იქ უნებურად დააკვირდები შენს თავს.

ჯონქა იდაყვით დაყრდნობოდა მაგიდას, ხელები თავზე შემოედო, და თმებში დაემალა, ყურადღებით უსმენდა.

— ხომ გაგიგონია ჯონქა, — განაგრძობდა ეგნატე, — ზოგიერთ ოჯახზე, გვარზე, ან უფრო იშვიათად, — სოფელზედაც იტყოდნენ ხოლმე — პატიოსანი ხალხიაო. ეს იმიტომ, რომ ერთი გამორეგია მათ შორის კეთილშობილი, ძლიერი ნებისყოფით, გავლენა მოუპოვია ახლობლებზე და მთელი თაობა მის კვალს გაჰყოლია. ასეთი უნდა იყოს მასწავლებელიც. ახლა ეს მითხარი, როდის აპირებ გამგზავრებას.

— სულ მალე. უთუოდ ვეღარც განახავთ წასვლამდე. სახელმწიფო გამოცდებს კი შემოდგომაზე ჩავაბარებ.

— მაშ მოიცა, მე შენ სამუშაოს მოგცემ. იქ, სოფლად უკეთესად, უფრო გულდამჯდარად შეიძლება კითხვა და რაც მთავარია — წაკითხულზე ფიქრი.

პროფესორმა დაიწყო წიგნების ჩხრეკა, რამდენიმე მათგანი ამოარჩია და წინ დაუწყო ჯონქას. შემდეგ დავალება მისცა, სთხოვა მისი ახალი შრომისათვის ისტორიული გადმოცემების შეგროვება.

ბოლოს, გამომშვიდობებისას, კიბემდე გამოაცილა და მოეხვია.

— წერილები მოიწერე ჯონქა, არ დამივიწყო, როცა კი ჩამოხვიდე, უსათუოდ მოდი ხოლმე, მინახულე...

ჯონქა გახარებული გამოვიდა გარეთ.

გადასწვიტა ვაკეში, სტუდენტთა ქალაქამდე ერთხელ კიდევ ფეხით გასულიყო.

როცა უნივერსიტეტის თეთრ შენობასთან წაიარა, გაჩერდა მოპირდაპირე მხარეს, ვარაზის ხევთან და დიდხანს უცქერდა.

მზით განათებული დიდი ფანჯრების იქით, დერეფნების სიღრმეში, სახეები გაიელვებდნენ ზოგჯერ. ბაღში, სადაც მელიქიშვილის ძეგლი იდგა, ფართო კიბეებზე და კარებში სტუდენტები ირეოდნენ.

ჯონქამ განაგრძო გზა სტუდენტთა ქალაქისაკენ. ნაბიჯი მსუბუქი ჰქონდა და თანაც მშვიდი.

მას მოაგონდა თავისი ოჯახი, რომელსაც მალე ნახავდა. დედა, კალთაზე რომ მუდამ ნიგვზის ხის ქერქის სურნელი ჰქონდა; ქერაულვაშა, ჯმუხი ფშაველი მეცხვარე — ლუკა ხორნაული. შემდეგ თვალწინ დაუდგა ის ორსართულიანი, რიყის ქვით ნაშენი სახლიც, სადაც მათი სოფლის სკოლა იყო. ქვევითა სართულის ფანჯრებს სულ ფიცრები ჰქონდა მიკრული, რადგან მინებს ბავშვები ამტვრევდნენ შურდულებით. აივანი იორის ტოტს გადასცქეროდა, მდინარეზე გადახრილ წნორებს ფოთლები დარშიც სველი ჰქონდათ ლოდებზე აქაფებულ ზვირთებისგან.

ჯონქამ ასწია თავი და გახედა ქუჩას. პირველად იგრძნო ამ რამდენიმე წლის განმავლობაში, რომ ის რიყის ქვით ნაშენი სახლი ძლიერ ახლობელი იყო მისთვის. ყველა ოთახი, შერყეული კიბის საფეხურებიც კი დაწვრილებით ახსოვდა.

თეიმურაზ ჯანგულაშვილი

სიბლაკა ჩვენი ქვეყნის ქალიშვილებზე

მაისის ციდან რამდენიც წვიმის წვეთები ვარდება,
იმდენი სიტყვა რომ მქონდეს — გულში გაშლილი ვარდებად, —
მაინც ვერ ვიტყვი სამშობლოს გმირთა ღირსეულ დიდებას,
მათზე მომღერალს უთუოდ შოთას კალამი სჭირდება.
ბედნიერ ქვეყნის შვილებო, მკერდით მიარღვევთ გრიგალებს,
ნეტავ რა ძალა გაგიძლებთ შევარდნებს დაურიდალებს?
არასდროს მიიფერფლება ცეცხლი გულებში ჩაღვრილი,
ცაში დაჰქრიახართ ამაყად ფრთებზე ვარსკვლავებდაყრილნი.
სამშობლოს გაღიმებაა თქვენი სიტურფე ქებული,
მზე გიელვარებთ თვალებში და ყვავილების კრებული.
გზრდით ბრძენი მამის აღერსი — სიცოცხლის წყარო ანკარა,
ვის უნახია ცხოვრება ამღერებული ამგვარად!
მტერს თქვენი ძალა უტეხი ძილშიაც დაეზმანება,
ბრძოლა გჩვევიათ ლომური, სამშობლოს ლამაზმანებო.
შრისხანე ძალით ჩააქრობთ ყველა ვერაგის ავთვალებს, —
ეს სტრიქონები, ლამაზნო, თქვენს სადიდებლად ავთვალე!

მ რ ი ლ ე ქ ს ი

* * *

ტყე რას ნიშნავდა არ ვიცოდი, იას ვეძებდი,
ვნახე ია და იამ თვალში სინათლე მტყორცნა,
დაფიქრდი ბავშვი გულჩვილი და გაუბედავი;
სხვა გზა ვერ ვნახე და აღებეჭდე იაზე კოცნა.
ნაკოცნი ია პატარა ბავშვს სახლში მიმქონდა,
დედის სარკის წინ რომ დამედო კონა იისა;
ტყე ჩურჩულებდა, სასიამო ნიავი ჰქროდა,
და დღე ვათენდა ტყის და ბავშვის სიყვარულისა.
გზაზე შემომხვდი, ჩამლულუნე:—მაჩუქე ია...
ვაჟმა გოგონას, მე უარი ველარ გითხარი,
თუმცა ხედავდი, რომ გიჩვენე თვალეზი მღვრია,
შაინც წაიღე ია ჩემი და გაიხარე.
ჩვენი ბავშვობა, ჩვენი ყრობა თვით ია იყო,
გულეზიც იამ შეაერთა, ვარდის გულეზი,
დავიზარდენით... სიყვარული ორად გაიყო,
და დღეს იმ იის ნაფუძრიდან გებულბულები.
ჩემთან არა ხარ, მე დაგტოვე თუ შენ წახველი,
ეს ვის რად უნდა, საიღუმლო ჩვენშივე დარჩეს,
თუმცა ოდესმე ბარათების ვინმე მნახველი
გაიგებს ამა საიღუმლოს და გამოაჩენს.
წლები წასულან და წასულან, საით წავიდა?
შენ სად იყავი, არ ვიცოდი გულს გეფიცები,
შემხვდი, გიცანი, რით გიცანი? ტკბილი ხმითა და
შენი ლამაზი, ახოვანი მკერდის ფიცარიო.
შეგხვდი, მიამა და სიაშე არ მსურს ჩაფთვლო,
ყრმობის დღეები რადგან წუთით შენ გააცოცხლე.
თვალწინ მეხატვის ახლა, კარგო, ის ტყე, ის მდელი,
სადაც პირველად იას ვაკოცე.

* * *

იმ სახლთანა ვარ, სადაც ოქროს დღენი ატარე,
იმ აივანთან, იმ სარკმელთან, თმას რომ იწნავდი,
სადაც გიხილე თვალმაყვალა, ტანად პატარა,
სად ციმციმებდი ნათელ სახით, როგორც წმინდანი.

შემოგეჩვიე და ორთავეს ჩრდილით გვფარავდა
შენს აივანთან მოშრიალე თუთის რტოები,
და მიტაცებდა, მიტაცებდა ალისფერადი
ზაფხულის ძილით მოთენთილი ქუთუთოები.

დღესაც აქა ვარ, იმ თუთასთან, იმ აივანთან,
ასე მგონია გადმოძებდავ კვლავ თმებდაწნული,
არ მჯერა, არა, ის დღეები თუ გაიფანტა,
ალარ შემხვდები ტანწერწეტა, კობტა ქალწული.

საღამოვდება, ამაოა ლოდინი ახლა,
შევრჩი ოცნებას... ახლობელი აქ არვინ არი,
ეზოში შენი ჩაის ვარდიც არ მოსჩანს ბალთან
და სდგას მოწყენით ის თუთის ზე, ის აივანი.

პ რ ხ ი

ქ.

შემოდგომის ღამეში ქარის ფრთები გამოიბეს წვიმის წვეთებმა; მწყრე-ბივით ეცემოდნენ ფანჯრის მინებს და ქვეით მისრიალებდნენ.

ფანჯარასთან იდგა მღვდელი. შიშითა და სიძულვილით გაჰყურებდა ექსკავატორს, რომელზედაც ქანაობდა შუქქარბი ელნათური.

ოთახში ქრაქი ბოლავდა.

ორი კვირის წინათ მან ინახულა კოლხიდშენის უფროსი და სთხოვა: ჩემს ეზოში ნუ გაიყვანთ არხს, საფლავიდან ნუ ამოჰყრით ჩემი ცოლისა და შვილის ძვლებს, საცაა სიკვდილი მომნახავს და იქამდე მაცალეთო.

ახალგაზრდა, შავთვალწარბა უფროსმა დინჯად უპასუხა:

— ბეგლარ! თქვენს ეზოში არჩის გაყვანით მთელს სოფელს დავიცავთ წყალდიდობისაგან. ახალ სახლს აგიშენებთ, მიწის უკეთეს ნაკვეთს მოგცემთ. სხვა, მეტი არაფერი შეგვიძლია.

თან ეტირებოდა და თან ბრაზი აღრჩობდა ბეგლარს, როცა უკან ბრუნდებოდა.

შელამებამდე ზღვის პირას იჯდა.

ჰორიზონტზე გიგანტური თეთრი დათვებივით იზმორებოდნენ ღრუბ-ლები.

ბეგლარი სევდიანად თვალს ადევნებდა პატარა, ყელშავ თოლიას, რომელიც ეცემოდა ზვირთებს და თევზს იჭერდა. თოლიამ წყლიდან ძლივს ამოათრია „სულტანკა“. შეფართხალდა თევზი, ნისკარტიდან დაუსხლტა და ბეგლარის წინ გაადინა ტყაპანი. მცირე ხანს თოლია ერთ ადგილზე დასტრი-ალებდა, და მერე ზღვის ნაპირს გაჰყვა ფარფატი.

ამოიოხრა. ფანჯარასთან მიითრია სკამი და დაებჯინა, მოაგონდა ძმა ლევანი: მაღალი, აწოვანი ჟანდარმი; ესტუმრებოდა ხოლმე და ღრეობდნენ. განთიადისას მთვრალი ლევანი გარეთ გამოდიოდა. ბარბაცებდა, წარბებს თვალეზზე იფარებდა. ბოლჩიდან ამოიძრობდა „ბერლინ გერმანიას“ და გლეხების ქათმებს ესროდა. ბეგლარსაც რამდენჯერ ჩაუცვამს თავისი შვილის — ბოქაულის ტანისამოსი, წვერი ყაბალახში დაუმალნია (რომ გლეხებს ვერ ეცნოთ) და სროლაში შესჯიბრებია ლევანს! შევიწროვებული გლეხები სხვა სოფლებში გადასახლდნენ. ბეგლარის ბინა ამისათვის დარჩა განმარტოებით.

ემდუროდა წარსულს: რად მიმატოვე წუთისოფლის ამ ბნელ, გაუვალ ღამეშიო. და ეჩვენებოდა, რომ ზღვაური კი არა, შავი, ბებერი, თვალმბწირპლიანი ძალი ჩამოსკუპებულიყო ბუხრის მილზე და გულლამიან ღრუბლებს შეჰჰმოვდა, თითქო ისიც დაკარგულ პატრონს უხმობსო.

შეგორდა ბინძურ საბანში. ზედ დაკონკილი ანაფორა წაიხურა და ხვრინვა ამოუშვა.

ექვსოთახიან სახლში დარბოდნენ ვირთაგვები.

წვიმა ატანდა ქერს და რიტმიულად არხევდა აქა-იქ გაბმულ აბლაბუდას; ქსელზე დარბოდნენ ობობები, მსხვერპლს ეძებდნენ.

იატაკზე და კედლებზე დაფუსფუსებდნენ ხოქოები. მძინარე, ბებერ კატას ხოქო შეაცოცდა ყურზე. წითური ყური ზანტად გაიქნია კატამ და ვირთაგვის ზურგს მიანარცხა ხოქო. შეშინებული ვირთაგვა შედგა უკანა ფეხებზე და რამდენიმე წუთის განმავლობაში უმზერდა კატას.

II.

დილით მღვდელი ამონალის საწყობთან იდგა და ამოძირკვის ოსტატესაუბრებოდა:

— ამოვადგებ მუხის ფესვებს და მომავალ წელს მთელ ეზოში დავრგავ მანდარინებს. აბა მაშინ შევეჯიბროთ მე და კოლექტივის წევრები. ახლანდელი მთავრობა მე თქვენზე ნაკლებად არ მიყვარს, შვილებო.

ულვაშ-მოპარსულმა, შუახნის ოსტატმა ამონალი მიაწოდა და უთხრა:

— თუ არ იცით ხმარების წესი, მე გავასუფთავებ თქვენს ეზოს. ამონალთან ხუმრობა არ შეიძლება.

— როგორ არ ვიცი, შვილო. რომ საჭირო იყოს, შენისთანა ოქრო კაცს როგორ მოვერიდები!

მადლობა გადაუხადა ოსტატს და ჩქარი ნაბიჯით გასწია შინისაკენ.

ძონძებში გახვია ამონალი და ტახტის ქვეშ შეინახა.

III.

ექსკავატორი სთბრიდა არხს. ფოლადის კბილებს ხარბად ასობდა მიწას და ღამეს, ზურგიტ მიჩოჩავდა ბეგლარის სახლისაკენ.

ჭაობის წყალი ეშვებოდა არხში და წყაროსავით ხმაურობდა.

ექსკავატორთან მღვარი ბრიგადირი ეხვეწებოდა სახე-გამურულ, გაძვალტყავებულ მემანქანეს:

— შენი გულის ჭირიმე, ვანო, დაწეკი სამალარიო სადგურში. მოგკლავს, შე ოჯახქორო, ციება. რომ გიყურებ—ვიტანჯები. გეგმას უშენოდაც როგორმე შეეასრულებთ.

— ციებას როგორ შევეუშინდები? ციება და მე დავძმობილდით, — ხუმრობდა მემანქანე ვანო უდავიჩენკო და ქანჩს ატრიალებდა ბერკეტის ჭანჭიკზე.

როცა ძალა დაატანა ბრიგადირმა, გული მოუვიდა ვანოს, ხელი აუკანკალდა და ჭანჭიკი ჩაუვარდა ტლაპოში.

— არსად არ მივდივარ. ხუთი დღე დამრჩა თვის ბოლომდე. გეგმას შევასრულებთ და მერე ვილაპარაკოთ,—ჩაიდუღუნა, ექსკავატორი გააჩერა და ძირს ჩამოხტა ჭანჭიკის საძებნელად.

ბრიგადირმა ხელი ჩაიქნია; — როგორც გენებოს ისე მოიქეციო. გადახსნა ცალსულსანი თოფი, ჩასდო შიგ ვაზნა და არხს გაჰყვა.

ცეცხლფარეშმა ღურუ ოჩიგავამ დაჰკეტა ქვაბის ონკანი, დაიხარა და შეგრულად შეესიტყვა მემანქანეს:

— ვიცი, ვანო, რაც გაწუხებს. ქალს თხოულობ და იმისათვის არ გინდა საავადმყოფოში დაწოლა.

— ჰო, ამ თვის ბოლოს უნდა ვითხოვო. — უხერხულად ჩაელიმა, შეაყრყოლა, კბილები დააკაწკაწა და დასძინა: თუ საუკეთესო სტახანოველი არ გახდები — არ გამოგყვებიო, მითხრა ლუბამ, მაგრამ ეს მაინც არ არის შთავარი.

უდავიჩენკოს შეყვითლებულ თვალებში წყენა გამოიხატა. ელნათურის შუქში შენიშნა ეშმაკური ღიმილი ცეცხლფარეშის წვერგაუპარსავ სახეზე და თავათ გაუბრწყინდა სახე.

— კარგად რომ ვმუშაობთ, ღურუ — მიხარია. იცი რასა ვგრძნობ...

მემანქანე იხედებოდა თავისსავე სულში, სიტყვებს ეძებდა.

ღურუმ თვალები მოწკურა და წასჩურჩულა:

— აი, ფული როცა ბევრი გვაქვს, ყველასთვის ყიდულობ საჩუქრებს და გინარია.

— სწორედ ეგ არის! — აღფრთოვანებით შეაწყვეტინა სიტყვა, ქანჭიკი ამოიღო ტლაპოდან, ავიდა ექსკავატორზე და ისევ აამუშავა.

ბრიგადირმა წარმოიდგინა ეკვალიბტისა და მანდარინის თვალუწვდენი, აშრიალებული ბალები და ინატრა: ნეტავ კიდევ მაცოცხლა ასი წელიო.

შედგა.

შორს შველი უხმობდა შველს.

მას მოაგონდა ყელმოღერილი შველი, ორი ღღის უკან რომ გამოვარდა არხთან და დაიბნა.

თოფი ძირს დაუშვა. ეწადა მისულიყო შველთან, ჩაჰხუტებოდა, მისი ყელი მოეფხანა და ეთქვა: რად გიკანკალებს მუხლები, მშვენიერო? დამშვიდდი, მე აღარ გესვრი თოფსო.

ათრთოლებული შველი და თვალებ-ალეჩისიანი ბრიგადირი მისჩერებოდნენ ერთმანეთს.

შველს შუბლზე დაეცა თხმელის ხიდან მოწყვეტილი ფოთოლი. ახტა, ბარდს გადააფრინდა და ტყეს შეაფარა თავი.

ბრიგადირს ახარებდა ჭაობების ამოშრობა და თან ტკივილსა ვრძნობდა. ხომ დადგებოდა დრო, როცა ვერც შველს და ვერც თხმელის ტყეს ველარ ნახავდა კაცი! თითქო იმ შველთან, იმ თხმელის ხეებთან ერთად ისპობოდა მისი სიცოცხლის ის ნაწილი, რომელიც იქ გაეტარებინა.

ლამეში და ტყეში შველი ისევ უხმობდა შველს.

ჭაობებიდან მომსკდარი წყალი არხში კვლავ გალობდა წყაროსავით.

ხეებს შორის უცებ გამოჩნდა კატერპილარი. ტახვიით გარბოდა. საწვავი და საცხები მასალით დატვირთულ მარხილს ექსკავატორისაკენ მიასრიალებდა მიწაზე.

IV.

ულრან ტყეში დაძუნძულებდა ძუ მგელი, ზღვაურთან ერთად ყმუოდა, წამწამებით სთხრიდა ღამეს, როგორც თხუნელა მიწას და დარდიან თვალებს გზას უკაფავდა სინათლისაკენ.

ბეგლარს ილიაში ამოედო ამონალი, გაწოლილიყო თხმელის სველო ფოთლებით დაგებულ მიწაზე, მიხობავდა ექსკავატორის ზურგისაკენ და ფიქრობდა: მაშხალასავით რომ აენთოს და არ ააფეთქოს ექსკავატორი? რომ შემამჩნიოს ცეცხლფარეშმა ან მემანქანემ?

მან იცოდა, რომ ექსკავატორის აფეთქება განადგურებისაგან ვერ იხსნიდა მის ეზოს; ერთი თუ გაფუჭდებოდა, მეორეს დააყენებდნენ. მას კარგად ესმოდა, რომ სჩადიოდა მძიმე ბოროტმოქმედებას, რომლის გულისათვის დახვრეტდნენ, ან გადაასახლებდნენ და მაინც რაღაც ძალა ძალუმად ეზიდებოდა ექსკავატორისაკენ.

მუხლუხებთან წუმწუშა ამოიღო ბეგლარმა და გაიყინა. შიშმა შეიპყრო: სინათლეს მოჰკრავენ თვალს და თავს დამატყდებიანო. მან უცებ წარმოიდგინა ტყვიით გაპობილი საკუთარი შუბლი, თავისი თავი შეეცოდა და მოუდუნდა სხეული. უსაზღვრო სიყვარული იგრძნო ბეგლარმა იმ ღობილ, დამპალ ტოტებით და ფოთლებით მოფარდაგებულ მიწისადმი, რომელზედაც იწვა. უნდოდა უკან დაბრუნება, გაპარვა, მაგრამ იწვა მოდუნებული და ვერ ინძრეოდა.

გრუხუნებდა ექსკავატორი. მისმა კბილებმა მიწის სიღრმიდან ამოაგდო გველი. გველი შხრიალით ჩაცურდა ბეგლარის გვერდით და იქვე მაყვლის ბუჩქს მიაშურა.

ექსკავატორი დაიძრა და ბუჩქს გადაუარა.

იოსებ მჭედლიშვილი

ოიანა-ბუიანა

(ისტორიული ტრაგიკომედია 4 მოქმედებად და 7 სურათად)

მოქმედნი პირნი:

რევაზ—მოურავი ქიზიყისა საქართველოს მეფის დროს.

ოიანა-ბუიანა — მეფის მასხარა, ქიზიყელი გლეხი, ბერიკების ხელმძღვანელი.

ხიზო, კიკო, რიკო,
დოყო, ბოყო, როყოყო } — ბერიკები.

ბერიკა ტახი, ბერიკა ვირი, ბერიკა ქალი, ბერიკა სიძე, ბერიკა პატარძალი, ბერიკა აბდულ-მირზა. ბეგო მაწუნწარას-ძე—ჯამბაზი (ოიანა-ბუიანას მიერ გაზრდილი ობოლი ქიზიყელი გლეხი).

მეძავ-მანანა—რევაზის ძმების მიერ ქუთაისში ნაყიდი მონა-ქალი.

სანთო—ოიანა-ბუიანას ასული.

თაფლო—რევაზის შინაყმა ქალი.

ბაძო—თავისუფალი გლეხი.

ჯაჯო—ბაძოს მოხუცი მამა.

უთრუთ—რევაზის შინაყმა გლეხი.

სიდო—უთრუთის დედა.

თადე—პატარა ტანის გლეხი.

სანდრია—ყმა, მეჩონგურე ბიჭი.

მოტირალი დედაკაცები—ხალხიდან.

ტიბუირა—აზნაური, რევაზის ციხე-კოშკის უფროსი.

ფეშანგი—თავადებული ახალგაზრდა თავადი, გარყვნილი და მოჭიშპე რევაზისა.

ჯაქარია და ოთარი—რევაზის ძმები.

ბატონიშვილი—მეფის პირმშო, ბატონი კახეთისა, ხალხის მიერ ცხვარიკამიად წოდებული.

კამარგელი (აზნაური)—მეფის საიდუმლო აგენტი რევაზის წინააღმდეგ.

ქილიფთარი—ბატონიშვილის მოსამართლე.

ორი შიკრიკი—ბატონიშვილისა.

დარაჯი, ჯალათი თორლა, მედოლე ლეკი, შავი კაცი—(მოკიდავე), იფრინდა, დიდ-ბულნი, თავადები, მოხელენი, გლეხები, ყმები, ყმა-ქალები და სხვანი.

მოქმედება არის ქიზიყში საქართველოს მეფის დროს მეცხრამეტე საუკუნემდე.

მოქმედება აირველი

ქოდალო. რევაზის ციხე-კოშკი. დილა-ბინდია. შორიდან მოისმის ოლოლის ხმები. ბერიკები ასახიერებენ ხალხურ თქმულებას ოლოლზე. ციხის კარებში დგას დარაჯი.

— მენხორეე...

— უუუ...

— იზოვენე?..

— ვერა, ვერააა...

— ხა, ხა, ხა, ხა, ხა!

დარაჯი — საკვირველია! ამ დროს ოლოლის ძახილი არ გამიგონია ჩემს სიცოცხლეში. მაგრამ სიცილი რაღაა? ავი სულეები ხომ არ არიან? საცაა მზე უნდა ამოვიდეს და რა უნდათ ამ დროს ავ სულეებს?... ციხეს მივხედო, არავინ გამეპაროს, თორემ ბატონები სულს თვალებიდან ამომჩიქნიან. (თან ათვალე რებს, თან თავისთვის ლილინებს):

მამაჩემიც ზღარაჯობდა ამ ციხეს.

ციხეში კი იმისი ძმა ტყვეობდა.

მეც, ვინ იცის, იმნაირ ტყვეს ვდარაჯობ,

ვის გულშიაც ჩემი ძმობა მზეობდა...

გარედან — ხა, ხა, ხა, ხა, ხა.

დარაჯი — კიდევ... ვინ უნდა იყვნენ?

ხმები გარედან — (როგორც ბაყაყებმა იციან გუბეში):

— გატეხილია, გატეხილია.

— ყუაში! ყუაში!..

დარაჯი — ეს ბაყაყები რაღაა?

ხმები — დამპალა...

— ლაყაა...

(შემორბიან ურიაშული ბერიკები. წინ შემოუძღვით ტახი. ჯამბაზ-ბეგოს აქეთ-იქედან ხელს თავში აკერენ და ყვირიან „დამპალა, ლაყა“. ხიხოს მოპყავს აკიდებული ვირი. ნილაბში არიან).

ხიხო — ჰააცე ვირო! (დაარტყამს სახრეს).

ვირი — ეი, რატო იგრე მართლა ვირსავითა მცემ!

ხიხო — მაშ კარგი და მუტრუქსავით აგადებ! (კიდევ დაარტყამს).

ვირი — ეჭვი, ფრთხილად: თორემ თუ გიჩვილე ბატონთან!

ბერიკები — ხა, ხა, ხა, ხა, ხა. (ტახი დააკაპუნებს).

ხიხო — შენ ეი, ტურუხანავ! (შიდის ტახისაკენ).

ტახი — მე თავი დამანებე, თორემ სათითესავით წამოგიცვამ ეშვზე.

დარაჯი — ვინა ხართ თქვენა?

ხიხო — ჩვენა? მოხუცი ზაზო და მანდილოსნები სათვალავში არ ჩაიგდე-

ბა. დანარჩენებს კი ეხლავ გაგაცნობ: (მიიღებს გულზე თითს) ხიხო! (მერე

გააცნობს სხვებს): კიკო, რიკო. ეს ერთი დასტა. ეხლა მეორე: დოყო. ბოყო,

როყოყო და ესეც ბეგო მაწუნწარას-ძე. ვირსა და ტახს შენც კარგად იცნობ—

დანარჩენები წარამარა ხალხია. მხოლოდ ოიანა-ბუიანაღა გვაკლია.

დარაჯი — მე თქვენ გიჩვენებთ ოიანა-ბუიანასა! გამშორდით აქედან!

ხიხო — აყუღდე მაგ ციხის კარებს. პატიმარი არ გაგეპაროს... ბიჭებო,

აგე, აგე, აგე! ჰხედავთ? მოდის!

კიკო — არა, მოზობდავს.

რიკო — მოქიქიქივებს.

ხიხო — რა უნდა იყოს?

კიკო—ზღარბია.

რიკო—ტურაა.

დოყო—ტურა კი არა კიბორჩხალაა.

ბოყო—თხუნელაა, თხუნელა.

როყოყო—რას ამბობთ კაცო, ეგ ხომ ქიანქველების ხელმწიფეა.

ხიხო—ხელმწიფე კი არა, ახლა დედოფალი მომიგონეთ — მუტრუკია.
(შემოდის ტიბურა).

კიკო—მაიმუნი ყოფილა.

ტიბურა—რაო?

(ბერიკები ვითომ ვერ დაინახავენ ტიბურას, ზურგს შეაქცევენ, შექუჩდებიან ერთად და რალაცას აშენებენ ჰაერში).

ხიხო—ვაშენებთ!

კიკო—ვაშენებთ!

რიკო—ვაშენებთ!

დოყო—თარაზო!

ბოყო—აჰა!

როყოყო—შიმშა!

ბოყო—აჰა!

ყველანი—აშენდი კედელო, დაუნგრეველო!

ხიხო—ავიდა!

კიკო—ავიდა!

რიკო—ავიდა!

ყველანი—(მღერიან)

მანავისა ციხეო,
ალარ ჩამონგრეო,
ზურაბის დატანებით
თავი გაიმკვიდრეო...
დედისერთა ზურაბო!
უნდა დაგადულაბო!

დოყო—კირი!

ბოყო—აჰა!

როყოყო—აგური!

ბოყო—აჰა!

ხიხო—ავაშენეთ, ავაშენეთ!

დოყო—ქვა მომაწოდე.

ბოყო—რომელი?

დოყო—ნიშა-ნიკორა და საყურეებიანი! ქვა არ იცი?.. მომაწოდე!

ყველანი—ავიდა კედელი, დაუნგრეველი... ხარისა!

(შედგებიან ერთმანეთის მხრებზე, ვითომ მეორე სართულს აშენებენ).

ყველანი—(მღერიან).

დედისერთა ზურაბო!

უნდა დაგადულაბო!

ხიხო—მეორე სართული ადის.

ყველანი—ავიდა! ავიდა! აშენდა! (ჩამოცვივიან უეცრად) ვააა... დაინგრა!
(მღერიან) ვაიმე, აშენებული დაგვენგრა კედელი, ვაიმე!

ტიბუირა—ნეტა რა ააშენეს, ან რა დაენგრაო? ნაცრის ნასახიცი კი არ-
სადა ჩანს, რომ ნაცარქუქიები მაინც ვუწოდო.

ზაზო—ვაიმე, ვაიმე... ეს რა გიჟებში ჩავევარდი! ამათი იმედით ეს ქა-
ლებიც კი ამედევნენ და ესენი... განა რასმე გამიკეთებენ ბატონთან?!

ტიბუირა—რის გაკეთება შეუძლიანთ ამ თავიდან ფეხებამდე მასხრებს.

ხიხო—(ვითომ მხოლოდ ეხლა შეამჩნია ტიბუირა) აბა ეს ვინლა არის.
ნემსიყლაპიასავით რომ წამოგვადგა თავზე. ცოტა იქით დადექ, თვალში არ
ჩამივარდე!

კიკო—ერთი უყურეთ: სათულე დემეტრევა ყასაბს ამის გატყავებაზე.

რიკო—ბიჭებო, საქათმიდან გამომძვრალ ტურასავით არ მიურბის თვა-
ლები?

დოყო—ქუდი ქამა-სოკოს მიუგავს!

ბოყო—ხმალი რა საქანლის კირკალივითა ჰკიდიას!

როყოყო—რამსიგძე ფრჩხილები აქვს! რწყილებს ხომ არ ატყავებდი სა-
ლორეში, ძმობილო?

ტიბუირა—დახე ამათა! (ტახი დააკაპუნებს).

ხიხო—არ შეიძლება, მაგ ფრჩხილებით შენს ბატონს რევაზს ჰკუის ქა-
ვილები დაუთამო?

ტიბუირა—ბატონზე ჩუმაღ, თორემ!..

კიკო—თორემ რა უნდა მიყო, ჩამოხვეტილ ჩურჩხელასა ჰგეგხარ!

ტიბუირა—ჰაი თქვე შეჩვენებულეზო! (მათრახს ასწევს. ტახი წინ გა-
ურბენს და დაუკაპუნებს) მასხრები რომ არ იყოთ, გველის ფხაში გაგაძე-
რენდით!

კიკო—ო-ჰო-ჰო-ჰო-ჰო! რა გაბრაზება სცოდნია აი ამ ხიხოს ღიპივით
(დაარტყამს ღიპზე ხელს ხიხოს).

ხიხო—ვაიმე დედავ, მუცელი!

კიკო—მუცელი, შენ ნუ მომიკვდები, სულ ვარიების ჰამით გექნება გა-
ნებვირებული!

ხიხო—მუცელი დედავ, მუცელი!

კიკო—საწყალი!.. რა დაგემართა?

ხიხო—ორსულადა ვყოფილვარ და... მუცელი!

ყველანი—ჰარიკათ, ბებია!.. გავაჩენინოთ!

ხიხო—არ მინდა, შიგ იყოს! (წააქცევენ და აჩენინებენ წიხლის და-
ჰერით).

კიკო—გააჩინე!

ყველანი—გააჩინე!

ხიხო—ვაიმე დედავ!

ყველანი—გააჩინე!

ხიხო—გაიქედა კაცო, ვაიმე!

ყველანი—გააჩინე! გააჩინე!

ხიხო—დავიწვი და დავიხრაკე დედავ. ნულა ეწევით კაცო, ძირხვენა ხომ
არ არი! ვაიმე!

ყველანი—ჩნდება, ჩნდება!

ხიხო—გული წამივიდა... ვაიმე!

ყველანი—ჰა-ტა-ტა-ტა-ტა! ჩნდება, ჩნდება—გაჩნდა! ჰუ, რა მწარე
გაჩნდა! შავი ბოლოკი!

(გამოიღებენ შავ ბოლოკს).

სიხო—(გახარებული წამოხტება) მართლა მწარე გაჩნდა? მაშ სიფთაზე მართვით ბატონს...

ტიბუირა—კიდევ წასწვდით ბატონსა? (ტახი დააკაპუნებს).

ბოყო—ბიჭებო, აგე—მართლა მოდის.

ყველანი—მოდის...

დოყო—რა პირქუშად მოდის! გაჯავრებული მოდის. გავიპარნეთ და, სანამ სიბრაზის ოფოფები არ გაუფრინდებიან, ნუ შევჭვდებით. (ფეხაკრეფით გადიან).

ტიბუირა—მეც გავეცლები. (დარაჯს) თუ მიკითხოს ბატონმა, მოახსენე: ციხე-კოშკს ჩამოუვლის და აქვე გეახლება-თქო. (გადის).

დარაჯი—(მღერის) „მამაჩემიც სდარაჯობდა ამ ციხეს“... (შემოდის რევაზი).

რევაზ—არავინ მოსულა?

დარაჯი—ტიბუირა გახლდათ ბატონო, ციხე-კოშკს ჩამოუვლის და გეახლებათ. (შემოდის ფეშანგი).

რევაზ—აქ რას დადიხარ?

ფეშანგი—ქალს მოვკარ თვალნი!

რევაზი—საკუთარ ცოლს ვერ უპატრონე და სხვებს დასდეგ?

ფეშანგი—მე რას მედავები თავადო. სადავო შენს ძმასთანა გაქვს, ზაქარიასთან. გაყრილობაში მას მეტი ერგო მიწაც და ყმაც.

რევაზ—კიდევ რას იტყვი?

ფეშანგი—მე აღარაფერს, მხოლოდ ზაქარია მოგახსენებს: საქართველოს მეფეს მივემხრობი და რევაზს დავამხობო.

რევაზ—მეფეს როგორ მიემხრობა, როცა თვითონ დამაჭერინა იმისი გამოგზავნილი ოიანა-ბუიანა.

ფეშანგი—მაშ რაღად შეიფარა იმავე მეფის გამოგზავნილი აზნაური კამარგელი შენს წინააღმდეგ?

რევაზ—შენ ვისზე ამბობ, შე ფაშატი ცხენის ბუზალაკო, როცა შენ უფრო უმსგავსი მტერი ხარ ჩემი?

ფეშანგი—შენს ჯავრს შენივე ძმა ამომყრის. შენსკე წამოვიდა... აგერ, მობრძანდება კიდევც... იმას მიე ეგ პასუხები. (გადის)

რევაზ—ჩემს გასაბმელ ბადესა ჰქსოვენ ჩემს სახლში, მაგრამ სანამ მოჰქსოვენ, ყველას გავუჭექყ თავსა (შემოდის ზაქარია). ეს ციხე-კოშკი მე მერგო, აღარ მომშორდებით?

ზაქარია—განა იმიტომ მოვატყუე ბატონიშვილი და იმიტომ დაგეხმარე მეფის წახდენაში, რომ ეგეც გეთქვა ჩემთვის?

რევაზ—მეტის ღირსი ხარ!

ზაქარია—რაღა?

რევაზ—იმაღ, რომ მოწილე გამიხდი სამოურავოსი.

ზაქარია—საკუთრად გნებავდა, არა?

რევაზ—მნებავდა და მნებავს კიდევც!

ზაქარია—მაშ იძრე ხმალი!

რევაზ—ღიახაც, ამის მეტი სხვა სამართალი არ არის ჩვენს შორის: ან შენ, ან—მე! (იძრობენ ხმალს, შემოესწრებათ ტიბუირა).

ტიბუირა—დიდებულნო! რასა ჰჩადით?.. ღვიძლი ძმები ხართ!.. სირცხვილია!.. (ჩადგება შუაში). მე მომკალით, ოღონდ გაშველდით!

რევაზ—ოჰ, ჩემ სახლს იქით შემზვედროდი! ან დედაჩემის შვილი არ იყო!

ზაქარია—შენც რომ არ იყო დედა-ჩემის შვილი...

რევაზ—გაგათავებდი!

ზაქარია—სულ ლუქმა-ლუქმად გაქცევდი! (გაღს).

რევაზ—ტიბჭირ, მოიყვა აქ კამარგელი.

ტიბჭირა—თორღვა. (შემოდის თორღვა) გამოიყვა კამარგელი. (თორღვა შედის ციხეში).

რევაზ—ტიბჭირ!

ტიბჭირა—რას მიბრძანებ, დიდო ბატონო?

რევაზ—შენ ერთგული აზნაური ხარ ჩემი?

ტიბჭირა—დიახ, ბატონო.

რევაზ—მაშ როგორ მოჰხდა, რომ მტერი შემოგებარა გალავანში?

ტიბჭირა—მაპატიე დიდო ბატონო, შეუცდომელი ღმერთიც არ არის.

რევაზ—აბა პირდაპირ მიყურე... შენს თვალეში მარტის დღესავით ქანაობს გული.

ტიბჭირა—თვალეზე რომ შეიძლებოდეს, ბატონო, ადამიანის დაფასება, შეძებ-მანანას ანგელოზად ჩავთვლიდით. ჩემზე ერთგულს სხვას ვერ იშოვნის ამ ქვეყანაში. (თორღვას გამოჰყავს კამარგელი).

თორღვა—კამარგელი, დიდო ბატონო.

რევაზ—ტახტის აზნაურო... კამარგელ...

კამარგელ—რა გნებავს?

რევაზ—ამ წიგნსა სცნობ?

კამარგელი—მერმე?

რევაზ—ეს წიგნი საქართველოს მეფის მიერ არის მოწერილი ოსესთან და შიგა სწერია: მოიძბრე თავადიშვილნი, აზნაურნი, თავისუფალი გლეხები და ყმები, რომ დავამხოთ ქედმაღალი და ურჩი დიდებული ქიზიყისა რევანიო. შენ მოიტანე ეს წიგნი?

კამარგელი—დიახ, მე მოვიტანე!

რევაზ—ისე ამაყად კისრულობ, თითქოს სიკეთე მოგეტანოს ჩემთვის..

კამარგელი—სწორედ ეს არის საამაყო, რომ სიკეთე არ მოგიტანე!

რევაზ—რაკი ასტა, შენისთანა ამაყების ადგილიცა მაქვს. ოსე, რომელთანაც მოწერილია ეს წიგნი, უკვე მოვსპე. მასთან ერთად გავანადგურე ყველა ჩემი მტრები და შენი გზაც იქით არის! წაიყვათ და ისე გააჭრეთ. თითქოს არც კი ყოფილიყოს.

კამარგელი—ოოხ, შე მტარვალო! გაუმადლარო სვავო! ქვეყნისა და ზალხის მოლალატევ! მაწამე, მაწამე, მაგრამ იცოდე: საქართველოს მეფე არ შეგარჩენს ღალატს! (კამარგელი ძალით გაჰყავთ, რევაზს მოელანდება მეფე).

მეფის ლანდი—მოლალატევ!

რევაზ—ტყუილად მელანდება (დაცინვით) საქართველოს მბრძანებელო! შე შენი არ მეშინიან! შენ მოურავობა ჩამომართვი და შენი ცხვარიჭამია შვილი გამოჰგზავნე კახეთის ბატონად, მაგრამ ისე აეუბლეს თვალებს, საკუთარი თავისაც ველარაფერი გაიგოს.

მეფის ლანდი—განანებ!

რევაზ—უჩემობამ წაგახდინა თუ არა? რატომ არ დაუდებ შეპინშაპს მარტო? (მეფის ლანდი გაჭრება. რევაზი დაფიქრდება)... მაგრამ რომ გამოასწოროს მეფემ თავისი საქმეები და შვილების გულიც მიიბრუნოს? მაშინ? მაშინ საქმე გამოძნელებდა... არა! მე ბატონობას (შემოდის ტიბჭირა). ვერა-

ვინ წამართმევს, და კამარგელის გზა მოლაღატეთა გზაა!.. (ტიბუირას) შენ ამბობ, ერთგული ვარო?

ტიბუირა—დიახ, ბატონო!

რევაზ—მაშ ის რა იყო, ბატონიშვილის წვეულებაზე რომ შენ დაგანახელა თამადად ფეშანგიმ?

ტიბუირა—იმან დამასახელა და ჩემი რა ბრალია!

რევაზ—ფეშანგიმ მითხრა, ტიბუირამ დამარიგაო. ბატონობას მეცილები, აზნაურო? სულ მათიტელასავით გაგაგლეჯ მაგ წვერებს!

ტიბუირა—მაპატიე ბატონო, მე უბრალო ვარ!

რევაზ—მოყვრის პატივისცემა ვიცი, მაგრამ არც მტრობაში ჩამოვეუარდები ვისმე. (გაღის).

ტიბუირა—როდემდის უნდა იყოს ასე? მამაჩემიც ამ დღეში იყო? პაპაჩემიც? როდემდისღა უნდა იყოს ასეთი უკულმართი ეს წუთი-სოფელი?.. ვაჰ სოფელო, რაშიგან ხარ... რას გვაბრუნებ, რა ზნე გჭირსა?

(თორღვას შემოაქვს კამარგელის თავი)

თორღვა—აი, ბატონო, გავათავე ჩემი საქმე.

ტიბუირა—ნუ დამანახვებ, თორღვა, ნუ, მჯერა. წაიღე და რევაზის პირდაპირ ჩამოაცვი მარგილს. დეე, იმან უყუროს და დასტკბეს. (თორღვა გაღის). გაიგებს ვინმე, რა ხდება მზის ყოველ ამოსვლამდე ამ გაღავანში? (დაინახავს ისევ რევაზს) ვაი ჩემს თავს! ისევ მობრუნდა. ნეტავ რა მოაგონდა?.. რისთვის მობრუნდა?

(შემოდის რევაზი).

რევაზი—ტიბუირ.

ტიბუირ—ბრძანე ბატონო. (ამ დროს აქეთ-იქიდან შემოჰყოფენ თავს ბერიკები. რევაზი ჯერ ვერა ჰხედავს).

რევაზ—გაზაფხულის დღესასწაულზე, ბატონიშვილის გასართობად საქობოდან ბერიკები მყავს დაბარებული.

(ბერიკები შემოდიან)

ბერიკები—ხა-ხა-ხა-ხა-ხა.

ტიბუირა—ესენი თქვენზე ადრე გეახლნენ, დიღო ბატონო.

ხიხო—არა მეთქი!

კიკო—„არა“ კი არა—ჰო! სწორედ იქ იწვებოდა, იქ!

ხიხო—სადა?

კიკო—რუმბებთან!

ხიხო—რუმბებთან კი არა—მეძავ-მანანასთან.

კიკო—არა!

ხიხო—ჰოო მეთქი!

კიკო—არა—რუმბებთან!

ხიხო—მეძავ-მანანასთან! (ეტაკებიან ერთმანეთს. თან სცემენ, თან იძახიან „რუმბებთან“, „მეძავ-მანანასთან“).

როყოყო—ხა-ხა-ხა-ხა-ხა. ძიგი-ძიგი მამალა შენ იცი და მაგანა!

რევაზ—რას სჩადით თქვე მასხრებო, თქვენა?

ხიხო და კიკო—არაფერს, მხოლოდ ვჩხუბობთ.

რევაზ—რისთვის?

ხიხო—ეს ამბობს, რუმბებთან ეძინებოდა წუხელისაო.

კიკო—ეგ კიდეე გაიძახის, მეძავ მანანასთანაო.

რევაზ—ვისა?

ხიზო—ვისა და ჩვენს ჩინებულ ბატონს, რევაზსა.
რევაზ—ჰა-ჰაი თქვე მასხარ-ფშუტებო, თქვენა! იმიტომ დაგიძახეთ, ისევ შე დამცინოთ? სულ მათრახით ავაჭრელებთ!

ხიზო—უკაცრავად! უმაგისოდაც საკმაოდა ვართ ჭრელები! ამიტომ აუჭრელებლად წავალთ უკან. წავიდეთ ბიჭებო.
ყველანი—წავიდეთ!

(მიდიან)

რევაზ—მოიცათ! (მობრუნდებიან) მასხრად ავდება და დაცინვა შეიძლება... მხოლოდ ბატონის მტრებისა, თქვენ კი შე დამცინით... აღარ გაჰბედოთ!

ყველანი—გვესმის ბატონო.

რევაზ—აბა შემომხედეთ, ვინა ხართ!

ხიზო—არავეინაც არა ვართ!

რევაზ—როგორ თუ არავეინაც არა ხართ? კიდევ დამცინით?

ხიზო—არა, ბატონო, შენ კი არ დაგცინით, ჩვენს თავს დაეცინით: არავეინაც არა ვართ.—ჩვენა ვართ მხოლოდ ბერიკის უტვინო ფეხები.

რევაზი—თავი სადღაა?

ხიზო—აი ამ ციხეშია დამწყვედელი: ოიანა-ბუიანა, ხარიტონა გლესხ რომ ეძახდნენ წინათ.

ყველანი—გაანთავისუფლე!

რევაზ—იმიტომ მომიმწყვედიეთ ამ ციხის კართან?

ყველანი—გაანთავისუფლე ბატონო!

ხიზო—უიშისოდ ვერაფერს ვითამაშებთ—გაანთავისუფლე!

რევაზ—ძაან ბევრსა მთხოვთ!

ხიზო—ძაან ბევრსა გთხოვთ და თუ არ მოგეცემ, ვერ ვითამაშებთ: უიშისოდ უთაფონი ვართ... წავიდეთ ბიჭებო.

ყველანი—წავიდეთ. (გადიან).

რევაზი—ბატონი შვილმა იცის, რომ მისთვის გასართობ სანახაობას ვაწყობ და ესენი რომ მართლა წავიდნენ, შევრცხვები კაცი. არა სჯობია გავენთავისუფლო ოიანა-ბუიანა? (ეძახის) არ გეყურებთ? მობრუნდით! მობრუნდით! (ბერიკები ისევ შემოდიან).

ხიზო—რას გვიბრძანებ დიდო ბატონო?

რევაზ—გავენთავისუფლებ.

ყველანი—ჰაე-ჰაე-ჰაე-ჰაე! (ასტეხენ ყვირილს, იხდიან ნიღბებს და ცაში ისვრიან, თითქოს ქორმა წიწილა წაიღოვო და ბოლოს ერთ ადგილს დააფრინდებიან ყველანი).

რევაზი—რა მოგივიდათ, გაჰგიყდით?

ხიზო—არა, ყვავს კაკალი გავავდებინეთ.

რევაზი—დახე ამათა! მაინც დამცინიან... ვინ არის ეს მოხუცი?

ხიზო—ახალგაზრდა ბერიკა გახლავთ: ოთხმოცდა ხუთ წელიწადში ერთხელ გამოდის ხოლმე საბერიკაოდ...

კიკო—ღიახ, ღიახ: მაგან სიბერეში გაიქნია კული და მხოლოდ ერთი კაკალი ღა აქვს ჩამოსავლები.

ზაზო—დიდო ბატონო (ჩაუფარდება ფეხებში).

რევაზ—გიცნობ მოხუცი. ისიც ვიცი, რისთვისაც მიგორდები ფეხქვეშ. მაგრამ ვერ გავენთავისუფლებ შენს შვილს ბაძოს. მას რომ თავისუფლების

ფასი სკოლნოდა—თავისუფალი იყო. მან მოახლე გოგო მომტაცა ძალით... (თავლო მანდილს მოიხდის და მივა თავდახრით).

თავლო—არა, ბატონო, ძალით კი არა, ჩემის ნებით გავყე. გაანთავისუფლე, ბატონო, ბაძო და გამანთავისუფლე მეც... ძალიან ვეხვეწები... ძალიან... (ჩაუფარდება ფეხქვეშ).

რევაზ—მისი განთავისუფლება მხოლოდ ათასი კირმანაულით შეიძლება. **ზაზო**—სადა მაქვს ბატონო! ჩიტის სკლინტი აბაზიანი მგონია.

სანთო—გაანთავისუფლე, ბატონო, ბაძოც.

ყველანი—გაანთავისუფლე...

რევაზ—როგორ წამომიარეს აქეთ-იქიდან... ის მანდილოსანი ვინლაა?..

ბეგო—ოიანა-ბუიანას ქალი გახლავთ: სანთო.

რევაზ—სანთო? მშვენიერი გოგონა ჰყოლია!.. მამაშენს გავანთავისუფლებ.

სანთო და ყველანი—გაანთავისუფლე, ბატონო, ბაძოც.

რევაზ—მაგის განთავისუფლებაზე შემდეგ ვიფიქრებ, გაზაფხულის დღე-სასწაულები რომ გათავდება, ეხლა კი წადით სახალვათო კოშკში, ჩამოჰხადეთ თქვენს ვირს ბარგი-ბარხანა და მოემზადებით ოიანა-ბუიანას შესახვედრად. (ბერიკები გადიან) ტიბური, გამოიყვანე ციხიდან ოიანა-ბუიანა.

ტიბურა—ბატონი ბრძანდები (გადის).

რევაზ—ჩემს სასარგებლოდ გამოვიყენებ მასხარას.

(ცოტა ხანს შემდეგ გამოდის მასხარა, ოიანა-ბუიანა. ისე გამოდის, როგორც ბნელიდან სინათლეში გამოდიან ხოლმე—ბრძმასავით. ხელში უჭირავს პურის ცომისაგან შეთიხნილი თავისი პირვანდელი სასაცილო სახე).

მასხარა—ვინა ხართ აღამიანი!.. ვინ იცით ამბავი ჩემი ობოლი ქალისა, ჩემი სანთოსი?.. ექვს თვეზე მეტია, უპატრონოდ დავტოვე... ვერაფერსა ვხედავ ბნელიანი თვალებით სინათლეში... ვინა ხარ შენა?

რევაზ—ველარა მცნობ?

მასხარა—ვერა! (დააკვირდება). მაგრამ რო გაკვირდები, მაგონდება: შარშან ერთი დიდი თავადი კამეჩივით დაეწაფა ღვინით სავსე ქვევრსა და შიგ ჩავარდა—იმას მაგონებ. ის ხომ არა ხარ?

რევაზ—(თავისთვის, გაბრაზებული) შეჩვენებულე! ციხის კარს არ გადმოსცილებია და იქიდანვე დამკინის. (მასხარას) შენ ჰეი, წინდაუხედავად რომ ლაპარაკობ! როგორც გატყობ, კარგა ვერ მიცნობ კიდევ!

მასხარა—(ვითომ ეხლა იცნო) შენა ხარ რევაზ, მოურავო ჭიზიყისა?... ვიცნობ. ვიცნობ...

რევაზ—ეგ რა გიჭირავს ხელში?

მასხარა—ჩემი პირვანდელი სახეა. იმ ტალახისაგან შევითიხნე, პურად რომ მიგზავნიდი საკანში.

რევაზ—რად გინდა მერე?

მასხარა—საჭიროა: კაცმა თავისი თავის არც უწინდელი და არც მერმინდელი სახე არ უნდა დაიფიქოს. მეც იმიტომ გავაკეთე: უნდა სარკეში შევიხედო და თუ წინანდელს აღარა ვგეგარ... რა გინდა ჩემგან?

რევაზი—არაფერი. თავისუფალი ხარ.

მასხარა—თავისუფალი?

რევაზი—დიახ, თავისუფალი.

მასხარა—მადლობას მოგახსენებ.

რევაზ—უკეთესის თქმა არ შეგეძლო?

მასხარა—რაცა ვთქვი ისიც იმიტომ კი არა, გამანთავისუფლე, იმიტომ, რომ ამდენხან ციხეში ჯდომით დამასვენე... თავისუფალი რომ ვყოფილიყავი, ასჯერ მაინც მომიხდებოდა ქოდალოდან ტფილის ჩასვლა შენი ლალატის...

რევაზ—ხმა! გაგანთავისუფლე, მაგრამ ერთის პირობით: ლალატზე კრინტი არ დასძრა!

მასხარა—ნეტაი ჩემს თავისუფლებას!

რევაზი—გესმის?

მასხარა—მესმის, ბატონო, მაგრამ განა ქვეყანამ არ იცის, რომ ხალხი გაჰყიდე და მეფობა გინდოდა?

რევაზ—ხმა ჩაიწყვიტე, შე ბენიაე, შენა!

მასხარა—უტაცრავად: დიდი ხნის დასვენებული ენა ლალობს სუფთა ჰაერზე.

რევაზი—ბეშტიავ! ლაგამი მაგრა უნდა ამოსდო მაგ მოლალურს ენასა და ხალხში გასვლამდე ისე გასწურო, რომ მეტი სათქმელი აღარა დაგრჩეს-რა!..

მასხარა—აკი თავისუფალი ხარო!

რევაზ—თავისუფლებას რომ საზღვარი არა ჰქონდეს, ხელიკი ბედელს დაეუფლებოდა. ამიტომ ჩემს მიერ მოცემულ საზღვრებში უნდა ჩასტიო შენი ენა და მოიქნო ისე, როგორც მე მსურს. ოხუნჯობის ნება გაქვს, მაგრამ ბატონის მხილება... არ გაჰბედო.

მასხარა—სადა ბატონო, სადა?

რევაზი—გაზაფხულის დღესასწაულზე. ბატონიშვილისათვის ბერიკობა უნდა მოაწყო.

მასხარა—ბატებმა ჭამონ...

რევაზ—ვინა?

მასხარა—კლანჭა ბალახი.

რევაზ—არ დაგავიწყდეს... გესმის, რას გეუბნები?

მასხარა—მესმის... შენი შიშისაგან ყველაფერი მესმის.

რევაზი—თუ წამოგცდა ჩემი განდგომის შესახებ, მარგილზე ჩამოგაგებ ქათმის თავსავით.

მასხარა—ეგ მჯერა, ნამდვილად მჯერა.

რევაზ—გჯერა და ჩემი ყოველი წარსული...

მასხარა—ქებით მოვიხსენიო, არა?

რევაზი—დიახ, დიახ!

მასხარა—და ისე გამოგიყვანო, თითქო ანგელოზი იყო, არა?

რევაზი—მოიტა ხელი!

მასხარა—არა! ხელს ვერ მოგცემ... ამ ხელით სხვადასხვა მცოცავებსა ვეყლებდი ჩემს ტანზე საპყრობილეში—ჭუჭყიანია.

რევაზი—რა მწარე ენა გაქვს!

მასხარა—არც შენა ბრძანდები თაფლივით ტკბილი.

რევაზი—ხუმრობა იქით გადავდოთ და თუ ჩემი ერთგულება გინდა...

მასხარა—ყიდევ მავალე რასმე?

რევაზი—ბევრს არაფერს: ჩემი ვაყრილი ძმების მომხრე თავად ტეშანგს ისე უნდა უტბინო, აღარ დაუამდეს.

მასხარა—დიდი სიამოვნებით. მოიტა ხელი! (მისცემს ხელს) მაგრამ რომ გადავიმტერო?

რევაზი—ჩემს იქით ნურაფრისა გეშინიან.

მასხარა—სიტყვას მაძლევ?

რევაზი—აჰა ულვაში. (გამოიძრობს ულვაშს და მისცემს) საცა გაგიჰკირდეს, ახსენე ჩემი სახელი და იქ გავჩნდები... წადი, გამოიტანე შენი ბარგი, სახალვათო კოშკში გელიან შენი სოფლელი ბერიკები. (რევაზი გადის).

მასხარა—რა ეშმაკის კერძად მინდა ეს უნამუსო ძაღლის ბალანი (დაადგდებს ძირს რევაზის ულვაშს და ფეხით შესდგება). თავისუფლებას კი... გამოვიყენებ. (შედის ციხეში. შემოდიან ბეგო და სანთო).

ბეგო—რატო არ გამოუშო ნეტა აქამდე?

სანთო—მოგვატყუეს ალბათ... წავიდეთ, ის თავადი მაინც ვნახოთ...

ბეგო—ვინ თავადი?

სანთო—რა სასაცილოდ მიყურებდა! თან მიყურებდა, თანაც ტუჩებს აკმატუნებდა მსუნავი კატასავით... არ იცი? ფეშანგი.

ბეგო—სანთო! ჰხუმრობ, თუ მართლა აჰყოლიხარ იმ თავადას?

სანთო—ვინ იცის? იქნებ ვხუმრობ, მაგრამ ხანდახან დიდი საქმე ხუმრობით იწყება ხოლმე... მამაჩემი არ გამოუშვან და არც ის თავადი ვნახო?..

ბეგო—ერიპაა...

სანთო—რა გიკვირს? ახალგაზრდა გოგო ვარ, ახალგაზრდა ბიჭია, ცოტაოდენს გავასულელებ.

ბეგო—იმან რომ გავასულელოს?

სანთო—აგერ, მე მათვალეირებს. აბა ერთი-გვერდზე გავუვლი და შენ უყურე, რას იზამს... (გაეა ხტუნვით).

ბეგო—რა დროს ეგენია ქალო... ეს დასაქცევი: ან ჩემი გამოჯავრება უნდა, ან მართლა გასულელდა... მაგრამ რა კარგია, როცა ჩემთან არის ხოლმე! (სანთო ისევ შემოვარდება შეშინებული).

სანთო—ბეგო, მიშველე! დამინახა თუ არა პირდაპირ ჩემსკენ წამოვიდა. (ბეგოს მიეკვრება გვერდზე და იყურება ფეშანგისაკენ).

ბეგო—აი, ეგრე იყავ... ჩემთან არა სჯობია? ხელს ველარავინ გახლებს. (შემოდის ფეშანგი).

ფეშანგი—მანდ ვის ელით?

ბეგო—შენს წასვლას!

სანთო—(მოსწყდება ბეგოს და გაიქცევა).

ბეგო—ისევ გაფრინდა...

ფეშანგი—რა კარგი ჩასაკნატუნებელია! (გასდევს სანთოს კვალს).

ბეგო—ვილაცა მოდის ციხიდან. (გამოდის მასხარა გულა-ნაზდით).

მასხარა—ბეგო!

ბეგო—ჩემო ხარიტონ! (გადაეხევეტიან).

მასხარა—როგორა ხარ მეგობარო, ჩემო გაზრდილო?

ბეგო—ისევ ძველებურად: ვაითა და ვიშით.

მასხარა—ქეყანა როგორაა?

ბეგო—ისიც ძველებურად: ისევ დაბეზლება, მეჭრთამეობა, მდაბალთ ჩაგვრა და მაღალთ კინკლაობა.

მასხარა—სად არიან რევაზის ძმები: ოთარი და ზაქარია?

ბეგო—ხელთ იგდეს არეული დრო და გაიყარნენ, მაგრამ ჯერ ისევ ქოდალოში იმყოფებიან. ოთარს სიღნაღი ერგო, ზაქარიას—ჭერემი და რევაზს—ქოდალო. ყმების გაყოფაზე კინალამ ერთმანეთი დახანჯლეს. რევაზს მეფობის იმედი ჰქონდა, მაგრამ გაუტყრუვდა.

მასხარა—გარყვნილი და ბედოვლათი ფეშანგი?

ბეგო—კონკილასავითა ქანაობს სასისხლოდ გადამტერებულ რევაზსა და მის ძმებს შორის. ცოლი გაექცა და კახპებს დასდევს... აღარავის ასვენებს... შაგრამ შენა? შენ როგორა ხარ, ჩემო გამზრდელი.

მასხარა—რა მიჭირს: საკმარისად დავჭკვიანდი ციხეში. შაგრამ მიაძმე, რა მოჰხდა ჩვენი დაშორების შემდეგ?

ბეგო—როდესაც ქალაქიდან ბატონიშვილთან გამოგზავნილი დახმარების სათხოვნად რევაზზე დაგიჭირა, ჩვენ, რამდენიმე ახალგაზრდამ, მაინც ჩვენი არ დავიშალეთ და წავედით მისაშველებლად...

მასხარა—ყოჩად ბეგო, ყოჩად!

ბეგო—ბრძოლის ველი მოვრწყეთ სისხლით. ყველა ბრძოლებში ვიყავით და ბოლოს, როცა მეფემ მთიულეთისაკენა ჰქნა პირი და ქალაქი იცლებოდა, ავლაბრის ხიდან შემომესმა შენი სანთოს ხმა...

მასხარა—სანთო ცოცხალია? მითხარი ჩქარა!

ბეგო—მოგახსენებ... შემომესმა სანთოს ხმა—შველასა მთხოვდა. მეფეს მოვასხენე და მან მითხრა: რადაც უნდა დაგიჯდეს, უშველე რამე, სანამ შაჰი ქალაქში შემოვაო. იმ წამსვე შემოვისვი ცხენწინ და გამოფერინდი ქიზიყისაკენ.

მასხარა—სად არის ეხლა? მითხარო ჩქარა.

ბეგო—ჩვენთან არის.

მასხარა—წამიყვა! წამიყვა! წამიყვა!

ბეგო—შაგრამ...

მასხარა—რა?..

ბეგო—არაფერი... თვალყური გეჭიროს: ფეშანგი უთვალთვალებს.

მასხარა—ფეშანგი? ფეშანგს ისეთ მახათს გავუყრი გვერდებში, ველარა-სოდეს ველარ გამოიძროს. წავიდეთ. (შემორბის სანთო).

სანთო—მამაჩემო!

მასხარა—შვილო! (გადაეხვევიან ერთმანეთს).

ბეგო—ნეტაეი მეც გამომაცდევინა შვილის სიყვარული და!..

ორმოცდამეხუთე

გახარებული გლეხკაცობა მიდის სანახაობისაკენ. ბანებზე ვადმომდგარან ქალები, დედაკაცები და ბავშვები.

ხმები—გამოუშვიათ ბიჭებო, გამოუშვიათ.

—ოიანა-ბუიანა, გამოუშვიათ.

პირველი გლეხი—აჰა! ძლივს არ გამოცხვა ობლის კვერი!—ჩვენი ხარიტონა გლეხი გამოუშვიათ (შემოდის ტიბუირა).

—წავიდეთ, მივეგებოთ.

ტიბუირა—როგორ უხარიანთ გლეხებს მასხარას განთავისუფლება? ნეტა რად უყვართ ასე? (დაინახავს ფეშანგს) ფეშანგიც მოდის. მაგან ჯერ დამასახელა თამადად, მერმე დამაბეზლა ბატონთან, ტიბუირამ დამარიგაო. ძალიან კარგი, ძალიან კარგი. (ფეშანგს) ფეშანგ, ჩქარა გადმოდგი, რა უკანა გრჩება ფეხები. (შემოდის ფეშანგი).

ფეშანგი—ისე მელაპარაკები, თითქოს მე აზნაური ვიყო და შენ თავადი. ძალიან გაგათამამა რევაზმა.

ტიბუირა—შენ კი არ გაბათამამე?

ფეშანგი—როგორ?

ტიბუირა—რათ დამასახელე თამადად ბატონიშვილის წვეულებაზე აზნაური?

ფეშანგი—შენი პატივისცემა მინდოდა.

ტიბუირა—ჰოდა აკი მოგახსენებ...

ფეშანგი—შენ კი უსინდისოდ მომეჩქეცი: წამოსდექ და გამანადგურე: არც ნიჭი მაქვს თამალობისა და არც ვიკისრებ აზნაური იქ, სადაც რევაზი ბრძანდება.

ტიბუირა—რაც იყო—იყო. დაივიწყე, მაგრამ რათა ხარ დღეს უხალისოდ?

ფეშანგი—მედა-ჩემმა-ღმერთმა, გული არ მომწვეს სანახაობისათვის.

ტიბუირა—რატომო?

ფეშანგი—იმიტომო, რომ რევაზი იქ იქნება და სადაც ის არის, იქ მე კარგად ვერა ვდგევარ ფეხზე: გული მიელავს, თავბრუ მეხვევა და მებნევა დავთრები.

ტიბუირა—შიაფურთხე ყველაფერს. გავიცინებთ, გავიღრიჭებით. ცისა და მიწის ქორწილს ვნახავთ.

ფეშანგი—მანც რომ მართალს მეუბნები. (გამხიარულდება) უყურე, მოშაირე და შეძავი მანანაც მისუნსულებს სანახაობაზე. შაირებს იტყვის, საჩუქრებს მიიღებს და მუშტარსაც იშოვის. (შემოდის მანანა) ურმით სალამი მანანას.

მანანა—საურმე ვზა გაფუჭებულია და ხევში არ ჩასცვივდეთ. (გაირბენს და გავა).

ფეშანგი—რა გაცვეთილია!

ხმები—ბატონიშვილი მობრძანდება. (ტიბუირა და ფეშანგი გადიან. შემოდის გლეხები, ხალხი).

გლეხები—(ჩუმად ერთმანეთს)

ჩვენი ცხვარიჰამია ბატონიშვილი მობრძანდება.

— თითო ჰამაზე თითო ცხვარი არა ჰყოფნის.

— ჩუმათ!

(შემოდის ბატონიშვილი. მის შემოსვლაზე გლეხები ქუდებს ძირს დაჰყრიან და გულზე დაჯვარდინებული ხელებით დაიხრებიან სალმის ნიშნად).

ხალხი—სიცოცხლე და დღეგრძელობა ბატონიშვილს.

ბატონიშვილი.—აბა სად არის თეატრონი, ქილიფთარ?

ქილიფთარ—აქეთ ბატონიშვილო.

ბატონიშ.—მაშ ძაან გამაცინებენ?

ქილიფთარ—უეჭველად!

ბატონიშ.—რა კარგი იქნება! ჰა-ჰა-ჰა-ჰა-ჰა! რა ხანია აღარ გამიცინია. ვინ მოუყვანია რევაზს, ქილიფთარ?

ქილიფთარ—მამაშენის ბენია მოუყვანია ქალაქიდან, ოიანა-ბუიანა.

ბატონიშ.—ჰა-ჰა-ჰა-ჰა-ჰა! რამდენს ვიცინებთ. ხომ არ მატყუებ ქილიფთარ?...

ქილიფთარ—რასა ბრძანებ ბატონიშვილო! მოსამართლე გახლავარ და განა მოსამართლე ტყუილს იტყვის?

ბატონიშ.—როგორ არ იტყვის ქილიფთარ. მოსამართლეზე მეტი ტყუილი ვინ იცის! მაგრამ მე დამავიწყდა, რომ შენ მოსამართლე ხარ.

ქილიფთარ—შენ კი არა, ბატონიშვილო, ხანდახან მეც დამავიწყდება ხოლმე, მაგრამ რა უშავს?

ბატონიშ.—მაშ ჩემთვის მოიყვანა რევაზმა ქალაქიდან მასხარა?

ქილიფთარ—ღიას, ბატონიშვილო.

ბატონიშ.—აი პატივისცემაც ასეთი უნდა! ამიტომ რევანს ხატებს ვაჩუქებ და ქიზიყის მოურაობასაც დავუბრუნებ, მამაჩემმა რომ ჩამოართვა... ხომ არა ვტყუი ქილიფთარ?

ქილიფთარ—არა ბატონიშვილო, ქრისტიანულ სიმართლესა ბრძანებ.

ბატონიშ.—ჰო, მაშ!.. ჰა?

ქილიფთარ—არაფერი.

ბატონიშ.—აბა, საით წავიდეთ ქილიფთარ? წინ გამიძეხი.

ქილიფთარ—აქეთ ბატონიშვილო.

ბატონიშ.—რა კარგი იქნება. ჰა-ჰა-ჰა-ჰა-ჰა! თავი არ გამანებო ქილიფთარ. აბაშიძიანთ იმიტომ გამომატანეს შენი თავი იმერეთიდან, რომ ყური მიგდო (გადიან).

სახალგათო კოფი

(მასხარა ბერიკებს არიგებს. ნიღაბილილები არიან. ნიღბები ხელში უჭირავთ და ასწორებენ).

მასხარა—გაიგეთ, რა გითხარით?

ყველანი—გავიგეთ, მაშ!

მასხარა—აბა, რა გაიგეთ?

ხიხო—ყველაფერი ისე უნდა გავაკეთოთ, როგორც გვასწავლეს.

მასხარა—ბარაქალა! კარგა გავიგიათ. ხომ დაისწავლეთ კიდევ?

ყველანი—მაშ! მაშ!

მასხარა—არ მომატყუოთ და თხლეშეჭამანდი არ გამოიყვანოთ, თორემ თქვენვე შეგაჭმევთ.

ყველანი—ქადას გამოვიყვანთ, ქადას.

მასხარა—ქადას თუ გამოიყვანთ, თქვენ აღარავინ შეგაჭმევთ... ისე გამოიყვანეთ, რომ შიგ გულში მოჰხედეს. ბატონები მონების ტანჯვით ატარებდნენ ღროს. ისეთი ღროც იყო, როცა თავის გასართობად მხეცს მიუყრიდნენ ხოლმე მონებს გასასრესად. ჩვენც მონები ვართ დღეს და ვეცადოთ თვითონ ჩვენ. გავსრისოთ ის მხეცი, რომელიც დაბუდებულია ჩვენი მაცურებელი ბატონების გულში—ჩვენ უნდა ვებრძოლოთ თეატრონს იქით მოკალათებულ მხეცს. რა ვთქვი, გაიგეთ?

ყველანი—გავიგეთ! გავიგეთ!

მასხარა—მაშ შევიდა თქვენს ყურში?

როყოყო—შევიდა და აქ დაგვიბუღდა, თავებში.

მასხარა—ეცადეთ თავიდან კუჭში არ გადაბუღდეს, თორემ იქიდან გარეთ გამოვა ისევ.

ყველანი—მართალია... (დარცხვენით იცინიან).

მასხარა—ეს როგორ მიბრეცილა შენი ბერიკო, ხიხო?

ხიხო—ბატონის საბძელს დავამგვანე, შენი ჭირიმე.

მასხარა—ამას კი უღვაშებზე ლობიო ჩამოსწუწია.

კიკო—მაშა! გლუხკაცი იმიტომ გაჩენილა, თავის სიცოცხლეში სულ ლობიო შეჭამანდი ჭამოს.

მასხარა—ეს ყოყინას რქები რაღასა ჰნიშნავს შენს ბერიკოზე, როყოყო?

როყოყო—იმასა, მეზობელო, რომ ჩვენი დიდებულ-აზნაურები კამეჩბივითა ყრიან და იცოხნებიან, ლაფში ჩაფლული ურემი კი შინ მიტანილი ჰგონიათ... მემრე ამ რქებზე კვერიას წამომატებეთ, თავს გავიქნევ და ვნახოთ საითა მხრიდან დაეცემა მიწაზე: კარგი მოსავლიდან თუ ცუდიდან.

მასხარა—ბარაქალა! კარგია! აბა ეს რაღაა, დოყო, შენი ბერიკოსათვის რომ შუბლზე ნიორი მიგიკერებია ღილივით?..

დოყო—ეგ ჩვენი ცხოვრების სიმწარისა და სიმყრალის ნიშანია, მეგობარო.

მასხარა—ბოყო, ეს თხის წვერები და მაიმუნის ცხვირი რაღაა შენს ბერიკოზე?

ბოყო — ეგა? ეგა... ეს ჩვენი უსაქმო ბატონების სიყვარულია, ამზანავო.

მასხარა—კარგია. რიკო, შენს ბერიკოს კი უღვაშები მოჩხუბარ კატას მიუგავს.

რიკო—ჩვენს მოჩხუბარ მოურავებს დავაჯავრე, შენი ჭირიმე.

მასხარა—მაშ, მზადა ჰყოფილხართ!

ყველანი—მზადა ვართ, მაშ! (ლაპარაკის დროს თან ფანდურს უკრავენ და ზედ მღერიან კუპლეტებს).

აზნაურების საქმეა
გვერდზე დახურვა ქუდისა,
ქალებში გავლა-გამოვლა,
გადაკიდება ჩხუბისა.

ბიჭო, ჩვენი თავადები
უწრუწუნებენ ქორებსა,
ნეტაი მოვესწრებოდეთ,
ტყეშა დასდევდნენ ღორებსა.

(შემდეგი იქნება)

კლასიკური მემკვიდრეობა

ბაირონი

ჩაილდ ჰაროლდის მოგზაურობა

მე-3 ქაზიდას

29

მე მინდა, ერთი რომ ვაღიღო მხნე მეომარი,
თუნდაც მიჭრიდეს, ვით მეხოტბეს, ნაკლებად ენა, —
ერთი იმიტომ, ნათესავი ჩემი რომ არი,
მეორეც — რადგან შევამთხვიე მის მამას წყენა,
მესამეც — უფრო ამალღდება სიმღერა თქმული
იმნაირ პირზე, ვინც ღირსებით სხვებზე სრულია.
სასტიკი იყო ჭიდილი და შეტევა მტრული...
არ განგმირულა იქ უმეტეს ნათელი გული,
უცდრე, ჰოუარდ უშიშარო, შენი გულია!

30.

შენს გამო ბევრი ქვითინებდა თავდაღებული
და მწუხარებით გაიბზარა მრავალი გული.
ხოლო როცა მე ხე მჩრდილავდა ამწვანებული,
რომელიც ხარობს იქ, სადაც შენ დალიე სული, —
ვხედავდი, ველი საამური გარს გაშლილიყო,
ზედ რომ გაზაფხულს დიდი შრომის გაეგლო კვალი;
ბევრი ფრინველი მისის ეშხით მოფრენილიყო;
მაგრამ ვიბრუნე პირი მისგან, რაც ჩემს წინ იყო,
მისკენ, ვინც ველარ დაბრუნდება ვერაფრის ძალით.

31

თვალწინ დამიდევ შენ და კიდევ სხვა ათასები,
ვისთა ნათესავთ მოეწამლათ სიცოცხლე გშვიდი;
შესვეს იმდენი მათ ნაღველით სავსე თასები,
რომ დავიწყება იქნებოდა წყალობა დიდი.
მთავარანგელოზს შეუძლიან, არა დიდებას,
საყვირით მკედართა გაღვიძება. სახელი გმირის
მხოლოდ მცირე ხნით თუ მოუტანს გულს დამშვიდებას,
ბოლად კი ვერ შესძლებს ცეცხლოვანი წვის არიდებას, —
ის, ვინც დამარხა სასახელო, ზედმეტად სტირის.

ვტირით და ბოლოს გველიმება,—ლიმილით ვტირით.
 ზემი მიცურავს, თუმც აფრები დაწყვეტილი;
 გვიან ეცემა ხე, თუმცა მას ხმელი აქვს ძირი;
 სდგას კვლავ დარბაზი, სახურავი კი ახილია;
 ასკდება კედლებს უქონგუროს წვიმა და ქარი;
 ზორკილი რჩება, დამიწდება შიგ მოქცეული;
 დღე მიდის, თუმცა მზეს აპკვრია ღრუბლების ფარი.
 ასევე გულსა მწუხარება დაამსხვრევს მწარი,
 და კვლავ სიცოცხლეს გააგრძელებს ის, დამსხვრეული.

ზღვით, რომ სარკე, დამსხვრეული, სახეს იძლევა
 ერთს და იმავეს ყველა თავის ანარეკლებით
 და მით უფრო მეტს, რამდენადაც უფრო იმსხვრევა, —
 აგრეთვე გულიც დაკოდილი მკვეთრის ეკლებით,
 თავდავიწყებას მოინატრებს და დამსხვრეული
 ცხოვრობს უძილო მწუხარებით, უძილოდ, მცხრულად;
 ხდება ნელინელ, თუმც არ არის წლებით ძლეული;
 თანაც არ უჩანს არაფერი გამორკვეული,
 რადგან ამ ტანჯვის გამოთქმისთვის არ შესწევს ძალა.

სიცოცხლის წლებმა მწუხარებით არ იცის კლება,
 წამებისაგან მოწამლულის წვრილის ფესვებით
 დიდხანს გრძელდება სასიკვდილო ტოტების კვება.
 ტანჯვაში სიკვდილს მოვუწოდებთ გულაკვნესებით,
 თუმცა ვართ უკვე მის შემზარავ ხელს შეჩვეული,
 რომელიც, მკვდარი ზღვის ნაპირის ვაშლების დარად,
 პირს რომ შევახებთ, მყის იშლება ფერფლად ქცეული.
 ღებენის საათი რომ შევსცვალოთ წლად თვითეული,
 რიცხვი სამოცი დასათვლელად უთუოდ კმარა.

კაცს დაუთვალა მედავითნემ ცხოვრების წლები,
 ვინ გაიფიქრა—მეტიაო მისთვის ეგეცა?
 სიცოცხლე მიჰქრის წინ ისედაც გაშლილის ფრთებით,
 და რად ისურვე შენ, ვატერლო, მისი შეკვეცა?
 შენ მოგმართავენ მილიონთა ენები ქებით
 შვილნიც ქების ვალს ამ სიტყვებით გადაიხდიან:
 „მოკავშირეთა ერებმა აქ იშიშვლეს ხმლები,
 ამ ველზე ჩვენთა წინაპართა ჰმარხია ძელები“, —
 და თუ ეს დარჩა მარტოოდენ—ესეც დიდია.

აქ ძირს დაეცა კაცთა შორის ყველაზე დიდი,
 რომლის გონება ერთმანეთის საპირდაპიროს
 ჰბადებდა ლტოლვებს, ის ერთგვარად უწყებდა ჭიდილს
 საქმეებს ვიწროდ შემოფარგლულს თუ უნაპიროს...
 უკიდურესო ყველაფერში! ვერ თავსდებოდა
 ზომიერების ჩარჩოებში ბუნება შენი,
 თორემ გვირგვინი ხელმწიფისა არ ვერგებოდა,
 ხოლო, თუ გერგო, საბოლოოდ ის შეგრჩებოდა.
 ო, კანდიერო, შენ ქვეყანა სასტიკად ფშვენი!

ქვეყნის დამპყრობო, ქვეყნისავე ტუსალი გახდი!
 გარდიქცა საგნად უმეტესის განცვიფრებისა
 შენი სახელი ახლა. ოდეს დაჰკარგე ტახტი
 და მარტოოდენ ხარ ტიკინა იმ დიდებისა,
 რომელიც იყო მოლაქტუცე ვასალი შენი
 მანამდე, ვიდრე მას მიაჩნდი რისხვის ღვთაებად,
 ვიდრემდის შენთვის ბრწყინვალეობით ვილოდნენ დღენი.
 მაშინ მეფეებს შენდამიმართ მონურის რწმენით
 თვალნი დაეხშოთ და ენები შიშით დაებათ.

ო, სულერთია მცირე იყავ შენ, თუ დიადი!
 ებრძოდი ერებს, ხან გარბოდი საომარ ველით,
 ხან ხელმწიფეებს ფეხს ადგამდი გულით ზვიადი,
 ხანაც უბრალო ჯარისკაცის ცხოვრება ძნელი
 გზვდებოდა წილად. იმპერიის დამმონებელსა
 ვერ დაგეთურგნა საკუთარი წვერილმანი ვენება,
 გონება თვისი ვერ შეგეცნო სხვის გამგებელსა;
 უნდა გცოდნოდა საბრძოლველი ცეცხლის მგზნებელსა,—
 პედის ვარსკვლავი რომ ინთება, ისევე ჰქრება.

მაგრამ გვაჩვენე საკვირველი შენ მოთმინება —
 სიბრძნე, რომელსაც ხელოვნური არ ჰქონდა ფერი,
 ღრმა სიამაყე, გულცივობის გამოვლინება,
 ჩასაც, ვით ნაღველს და ძიმწარეს, ითვისებს მტერი:
 როცა გარშემო მოძულეთა მოდგა რკალები,
 რომ სასაცილოდ გაეხადნათ დაცემა შენი,
 შენ გაიღიმე მომთმენის და მშუადის თვალებით.
 პედი, რომელიც გიმშვენებდა თავს ბრწყინვალეობით,
 გაგშორდა, მაგრამ ვერ გიხილეს ცრემლების მღვნი.

შენ უფრო ჭირში, ვიდრე ლხინში, აღმოჩნდი ბრძენი:
 პატივმოყვარე, მაშინ ისე გამკაცრდი გულით,
 რომ ჩვეულებრივ ზიზღისა და დაცინვის ჩენით
 უმზერდი ხალხსა, და ეს იყო მოქცევა ბრძნული.
 მაგრამ ბაგეზე ეს ღიმილი რად შეგჩა მარად?
 თუ კი ქვეყანა წაიგება, ან მოიგება.
 ღირებულება მისი უნდა მიგვაჩნდეს მტკნარად;
 შენებრ ეს ბედი ვინც ირჩია, შენსავე დარად
 ყველანაირად უნდა ამაში და შხამიც იგება.

რომ შენი ხვედრი ყოფილიყო კოშკით დგომა,
 ბოლოს დაკემა, სადმე კლდეზე განმარტობით,
 შეგძლო ზიზღით აგეტანა ბედისგან წყრომა,
 მაგრამ შენ ხალხის ალტაცებით და სასოებით
 შექმნილ კიბეზე აღიმართე ბრწყინვალე სვეტად —
 იქ, სადაც თავბრუ დამსხმელია ერთი წამიცა.
 მოქცეულიყავ შენ ფილიპეს შვილივით ნეტა!
 რატომ მიჰბაძე დიოგენსა? ვრცელია მეტად
 კასრად ცინიკოს ხელმწიფისთვის ეს დედამიწა.

მაგრამ ცოცხალ სულს ეჯავრება ცხოვრება წყნარი,
 აი მიზეზი შენი მწარე დამარცხებისა.
 მძვინვარებს ძალა ცეცხლოვანი, ძარღვებში მდგარი, —
 მტერი სასტიკი ზომიერი სურვილებისა.
 ის, თუ კი ერთხელ აინთება, აროდეს ჰქრება;
 მალალ ბედისკენ მისწრაფება მისი დიდია.
 სიმშვიდის გარდა, არაფრისგან მოელის ვნება.
 ესაა, გული ცხელებით რომ იწვის და დნება,
 საბედისწერო მისთვის, ვისაც ის უკიდია.

გაგიჟდა ხალხი ამითი, და სიგიჟე ესე
 სხვებსაც შეჰყარეს. მეფეები, დამპყრობელები,
 დამფუძნებელი სექტებისა, მტრობას რომ სთესენ,
 პოეტები და სახელმწიფო ხელმძღვანელები,
 გულთა იდუმალ წყაროების ამქუხარებით,
 ასულელებენ თავის თავზე უფრო ჰკვიანებს.
 ამათ შეშურთ! მათში ერთმაც გულის კარები
 ხალხს რომ გაუღოს და უჩვენოს ღრმა იარები,
 დიდების ნატვრით სულს არვიღა დაიზიანებს.

სუნთქვა იმათი მოელვარე, ქარიშხლის ფრთებზე.
 სხედან ისინი და ბოლოს კი ძირს ვარდებიან;
 ფანატიკურად ბობოქრობენ საბრძოლველ ხმებზე,
 მაგრამ, საშიშარ მოვლენებს რომ გადურჩებიან,
 სიცოცხლეს მათსას ეფინება ფერები მკრთალი.
 მაშინ, როდესაც დასრულდება მათი ქმედება,
 თანდათანობით ეკარგებათ ღონე და ძალი;
 ამგვარად, საკვებს მოკლებული ჩაქრება ალი,
 ასევე, უქმად მიგდებულ ხმაღს ჟანგი ედება.

მას, ვისაც ასვლას დიდ მწვერვალზე არ უშლის დაღლა,
 თხემი დახედება თოვლითა და ნისლით ბურვილი.
 ვინც კაცთა მოღმას დაეუფლა, ასული მადლა,
 მეფობს მისდამი დაბლა მტრობა და სიძულვილი.
 ნათელს ასხურებს მას ზემოდან მზე დიდებისა,
 ქვემოთ მიწა და ოკეანე გაშლილა ფართოდ,
 ირგვლივ თვალსა სჭრის ელვარება ყინულებისა
 და ხმა გაისმის ქარტეხილის გააფთრებისა.
 ჯიბლო უძნელეს ზეასვლისთვის ეგ არის მარტო.

თარგმანი ინგლისურიდან კონსტანტინე ჭიჭინაძისა.

პოლი და პირი

ნაწილი

1738 წელს ამ კუნძულზე გუბერნატორ დელაბურდონეს ჩამოსვლიდან სამი წლის შემდეგ, ქალბატონ დელატურს აცნობეს: გუბერნატორს თქვენთვის მამიდას წერილი აქვს გადმოსაცემიო. ქალბატონი დელატური მაშინვე გაეშურა პორტ-ლუისაკენ. სრულიად არ სწუხდა იმას, რომ ცუდად ჩაცმული მიდიოდა. მოსიყვარულე დედისთვის. სულ ერთი იყო, რას იტყოდნენ ადამიანები მასზე. ბატონმა დელაბურდონემ მართლაც გადასცა წერილი, რომელშიც მამიდა სტუქსავდა მას, ღირსი ხარ შენი ბედისა, ვილაც ავანტიურისტს, გარყვნილს რომ გაჰყევით. ვნებამ თავისი სასჯელიც მოიტანაო. შენი ქმრის უდროოდ სიკვდილი სწორედ ღვთის სასჯელი არისო: კარგად მოიქეცი, რომ კუნძულზე გადასახლდი და საფრანგეთში ოჯახს შერცხვენა ააცილინეო; კარგ ქვეყანაში ცხოვრობ, სადაც ზარმაცების გარდა ყველა ქონებას იძენსო. გალანძღვის შემდეგ მამიდა წერილს თავის ქებით ათავებდა: რათა თავიდან ამეცილებინა, იწერებოდა, ის დაშლუბველი შედეგები, რაც ქორწინებას მოჰყვება, სამუდამოდ უარი ვთქვი გათხოვებაზეო; ნამდვილად კი მამიდას გაუთხოვრობის მიზეზი პატივმოყვარეობა იყო, მას სურდა აუცილებლად დიდგვაროვანს გაჰყოლოდა, მაგრამ მამიდას დიდი სიმდიდრის მიუხედავად, მეფის კარზე, სადაც მხოლოდ ქონებას აფასებენ, ისეთი არაფერი გამოჩნდა, რომელსაც ამ მახინჯ და გულქვა ქალთან დაკავშირება მოესურვებინა.

ბარათის მინაწერში ის უმატებდა: ყველაფერი რომ ავწონ-დავწონე, ბატონ დელაბურდონეს მიემართე, განსაკუთრებული ყურადღება მოგაქციოსო. მართლაც, ეთხოვნა ბატონ დელაბურდონესათვის საერთოდ გავრცელებული ჩვეულების მიხედვით, მაგრამ ეს ხშირად მფარველს აშკარა მტერზე უფრო საშიშს ხდის. რათა მამიდას გუბერნატორის წინაშე თავისი უგულობა გაემართლებინა, პირფერობდა, ქალბატონი დელატური მეცოდებო, ნამდვილად კი მას ცილს სწამებდა.

ქალბატონი დელატური, რომელსაც ყველა პატივისცემითა და ყურადღებით ეპყრობოდა, მამიდას მიერ ამხედრებულმა ბატონმა დელაბურდონემ ცივად მიიღო. ქალბატონმა დელატურმა გუბერნატორს თავისი ოჯახის მდგომარეობა მოახსენა, გუბერნატორმა კი ამაზე მხოლოდ უხეში დაუმთავრებელი პასუხი გასცა:

— ვნახავ... უნახოთ... დროს ვაცალოთ... ბევრბა გაპირებულნი. რატომ აწუხებთ ასეთ პატივსაცემ მამიდას? თქვენი ბრალია.

ქალბატონი დელატური გულმოკლული და გამწარებული დაბრუნდა შინ. სკამზე მოწყვეტილად დაეშვა, მაგიდაზე მამიდას წერილი დააგდო და თავის მეგობარს მიმართა:

— აი ხუთმეტი წლის მოთმინების ჯილდო!

რადგან მხოლოდ ქალბატონმა დელატურმა იცოდა კითხვა, მან წერილი აიღო. და წაუკითხა ერთად შეკრებილ ოჯახის წევრებს. წერილის კითხვის დამთავრებისთანავე მარგერიტმა ცოცხლად უთხრა თავის მეგობარს:

— რაში გპირდებით თქვენი ნათესავები? განა ჩვენ ღმერთმა მიგვატოვა? ჩვენი მამა მხოლოდ ის არის. დღემდე განა ბედნიერად არ გვიცხოვრია? მაშ რატომ დამწუხრებულხართ? ვერ ყოფილხართ გულადი!

როცა დაინახა, რომ ქალბატონი დელატური სტიროდა, ყელზე შემო-
უხვია და გულში ჩაიკრა:

— ძვირფასო მეგობარო! ძვირფასო მეგობარო!— ეძახოდა მარგერიტი, მაგრამ თვითონაც აქვითინდა და ხმა ჩაუწყდა.

ამის მნახველი ვირჟინი ცრემლად იღვრებოდა. ხან დედის, ხან მარგერიტის ხელებს ჰკოცნიდა და გულში იკრავდა, პოლი კი სიბრაზით თვალანთებული ყვიროდა; მუშტებს ჰკუმშავდა, ფეხებს აბაკუნებდა. არ იცოდა ჯავრი ვისზე ეყარა. ამ ხმაურობაზე მარიმ და დომინგომაც მიიბრინეს და ქოხში მხოლოდ ოხვრა-კენესა, მწუხარე წამოძახილები გაისმოდა:

— ოჰ!.. ქალბატონო!.. კეთილო ქალბატონო! ჩემო დედავ!.. ნუ სტირი!..

მეგობრობის ასეთმა ნაზმა გამოხატულებამ ქალბატონ დელატურს ღარდი გაუფანტა. პოლსა და ვირჟინის ხელი მოხვია და დამშვიდებული სახით უთხრა:

— შემო შეილებო, თქვენა ხართ მიზეზი ჩემი ტანჯვისა, მაგრამ ჩემი სიხარულიც ხართ; ოჰ, ძვირფასო შეილებო! უბედურება მხოლოდ შორიდან მეწვია. ბედნიერება კი ჩემს გარშემოა.

პოლმა და ვირჟინიმ დედის ნათქვამი ვერ გაიგეს; მაგრამ, დედა რომ დამშვიდებული დაინახეს, გაუღიმეს და ალერსი დაუწყეს. ასე განაგრძეს ბედნიერი ცხოვრება; ეს ამბავი მხოლოდ ქექა-ქუხილი იყო კარგ ამინდში.

ბავშვების კეთილი ბუნება დღითიდღე ვითარდებოდა. ერთ კვირადღეს, როდესაც დედები პამპლემუსის ეკლესიაში იყვნენ წასული, ქოხის გარშემო გაშენებულ ბანანებთან მივიდა ვიღაც ზანგის ქალი. სიგამზდრისაგან ჩონჩხად-ქცეულს ტანისამოსის მაგივრად წელზე ხამი ტილოს ნაფლეთები ეკიდა. ზანგის ქალი საუზმის მზადებაში გართულ ვირჟინის ფეხებთან დაეცა და უთხრა:

— ჩემო ახალგაზრდა ქალბატონო, შემობრალეთ, ერთი საწყალი მონა ვარ, ბატონს გამოვექეცი; თვე არის, რაც ამ მთებში დავეხეტები, ცოცხალ-მკვდარი შიმშილისაგან. მონადირეებისა და მათი ძაღლების დევნას თავი ძლივს დავალწიე; ჩემს ბატონს გავექეცი, რომელიც „შავი მდინარის“-პირე-ლი ახალმოშენა, — და ღრმა კრილობებით დასერილი, მათრახნაცემი ტანი უჩვენა.

— თავის დახრჩობა განვიზრახე, — დაუმატა ზანგის ქალმა, — მაგრამ ვიცოდი, რომ თქვენ აქ ცხოვრობთ, და ვთქვი, რადგან ამ ქვეყანაზე კეთილი თეთრები კიდევ არიან, ჯერ თავის მოკვლა საჭიროა არ არის შეთქი.

ალეღვებულმა ვირჟინიმ უპასუხა:

— დამშვიდდით, უბედურო ქმნილებავ! ჭამეთ, ჭამეთ, — და მიაწოდა ოჯახისათვის დამზადებული საუზმე, რომელიც მონა ქალმა სულ ცოტა ხანში გაათავა მთლიანად.

ვირჟინიმ უკვე გამძღარ ზანგის ქალს უთხრა:

— საბრალოვ! მე მსურს ბატონთან წამოგყვეთ და თქვენი პატიება ვსთხოვო; რომ დაგინახავთ, შეებრალებით. მიმიყვანთ მასთან?

— ღვთის ანგელოზო, — მიუფო ზანგის ქალმა, — თქვენ ყველგან წაგყვებით, სადაც ინებებთ.

ვირჟინიმ ძმას დაუძახა და სთხოვა თან გაჰყოლოდა. ლტოლვილმა ზანგის ქალმა ისინი ტყის ბილიკებით წაიყვანა; მალალი მთები გადაატარა, რომლებზე ასვლა ძალიან გაუჭირდათ; ფართო მდინარეებზე ფონით გადავიდნენ. ბოლოს შუაღლისას გორაკს მიაღწიეს „შავ მდინარესთან“. იქ დაინახეს კარგად ნაგები სახლი, დიდი პლანტაციები და მრავალი მონა, რომლებიც სხვადასხვა სამუშაოს ასრულებდნენ. ბატონი კი, პირში ყალიონ-გაჩრილი, მონებს შორის დასეირნობდა. ხელში ინდური ლერწმის ჯოხი ეჭირა. მალალი, ხმელი კაცი იყო, შავგვრემანი. ჩაღრმავებული თვალები და გადაბმული შავი წარბები ჰქონდა. აღევლებულ ვირჟინის პოლისათვის ხელი მკლავში ჩაეკლო; ასე მიუახლოვდა ახალმოშენეს და სთხოვა: მონა ქალს აპატიეთო; ზანგის ქალი იქვე იდგა. პირველად ახალმოშენემ ყურადღება არ მიაქცია ღარიბულად ჩაცმულ ბავშვებს. მაგრამ, როდესაც შენიშნა ვირჟინის მოხდენილი ტანი, ქუდ-ქვეშ-მშვენიერი ქერა თავი, გაიგონა მისი ნაზი ხმა, რომელიც ისე უთრთოდა, როგორც მთელი სხეული, ახალმოშენემ პირიდან ჩიბუხი გამოიღო, ჯოხი ცისკენ აიშვირა და საშინელი ფიცი წარმოსთქვა: ღვთის არა და თქვენი გულისათვის კი მონას ვაპატიებო. ვირჟინიმ მაშინვე ანიშნა მონას, რომ ბატონს მიახლოვებოდა, თვითონ კი გაიქცა, პოლიც თან მიჰყვა.

ბავშვებმა აირბინეს გორაკი, რომელიც იქეთობას გადაიარეს. მწვერვალზე რომ ავიდნენ, დაღლილობა, შიმშილ-წყურვილი იგრძნეს. ხის ძირას დასხდნენ. მზის ამოსვლიდან ხუთი ლიე გაიარეს მშვივრებმა. პოლმა უთხრა ვირჟინის:

— ჩემო დაო, ნაშუადღევია. შენ გვია და გწყურია, აქ საჭმელს ვერაფერს ვიშოვით, გორაკიდან დავეშვათ და მონების ბატონს ვთხოვოთ საჭმელი.

— ოჰ! არა! ჩემო მეგობარო, — უპასუხა ვირჟინიმ. — იმ კაცმა ძლიერ შემაშინა. მოიგონე, რას გვეუბნება ხოლმე დედა: ბოროტი კაცის პური პირს ზრეშით აესებსო.

— მაშ, როგორ მოვიქცეთ? — სთქვა პოლმა. — ამ ხეების ნაყოფი არ იქმევა? არ არის აქ თაფლინდის, არც ლიმონის ხე, რომ მათი ხილით წყურვილი მოვიკლათ?

— ღმერთი შეგვიბრალებს, — უპასუხა ვირჟინიმ. — მას ესმის პატარა ჩიტების ხმაც, რომლებიც საკვებს სთხოვენ.

ესა სთქვა თუ არა, მოესმათ მახლობელ კლდიდან გადმომჩქეფარე წყაროს ჩხრიალი. წყაროსთან მიიბრინეს. კრისტალივით გამჭვივრვალე წყლით წყურვილი რომ მოიკლეს, წყაროს ნაპირთან ცოტა წიწმატი დაკრიფეს და ჰამეს.

ბავშვები აქეთ-იქით იცქირებოდნენ, უფრო ნოყიერ საჭმელს დაეძებდნენ. ვირჟინიმ ტყეში ხეებს შორის ახალგაზრდა კომბოსტოსნაირი პალმა შენიშნა. კომბოსტო, რომელსაც ეს ხე ფოთლებს შორის კენწეროზე ისხამს,

კარგი საკვები ხილია. თუმცა ხის ტანი ადამიანის ფეხზე უმსხოსი არ იყო, მისი სიმაღლე სამოც ფუტს აღემატებოდა. მართალია, კომბოსტოსნაირი პალმის ტანი მხოლოდ ბოჭკოს კონას წარმოადგენს, მაგრამ მერქნის ცილა ისეთი მაგარი აქვს, რომ საუკეთესო ნაჯახის პირს არ მიიკარებს; პოლს კი ჯიბის დანაც არა ჰქონდა. აზრმა გაუელვა, პალმისათვის ძირში ცეცხლი გაეჩინა. მაგრამ მეორე დაბრკოლება წამოიჭრა, არც კვესი ჰქონდა და, სხვათა შორის, ვეჰვობ, რომ კლდეებით ასე დაფარულ კუნძულზე ერთი კენჭი ტალი მოიპოვებოდა. ადამიანს რომ გაუჭირდება, ხერხს მიმართავს, და ხშირად ყველაზე უფრო სასარგებლო გამოგონება ყველაზე უფრო გაჭირვებულ ადამიანს ეკუთვნის. პოლმა გადასწყვიტა ზანგისებურად გაეჩინა ცეცხლი: წვეტიანი ქვით გახვრიტა ხის ხმელი ტოტი, რომელიც ფეხქვეშ ამოიღო; მერე ამავე ქვის მახვილი პირით მეორე სხვა ჯიშის ხის ხმელ ტოტს წვერი წაუმახვია. ამ ტოტის წამახვილებული წვეტი ფეხქვეშ ამოდებული ტოტის ნახვრეტში ჩასდო და ხელებს შორის სწრაფად დაატრიალა... ცოტა ხანში იმ ადგილას, სადაც ხის ტოტები ერთმანეთს ეხებოდნენ, პოლმა ბოლი და ნაპერწკლები შენიშნა. მან ხმელი ბალახი, ხის ტოტები მოაგროვა და პალმას ძირში ცეცხლი შეუწოთო. ძირგამომწვარი ხე მალე დაეცა დიდი გრიალით.

ცეცხლი პოლმა გამოიყენა აგრეთვე კომბოსტოსათვის გრძელი, მჩხვლეტავი, გამაგრებული ფოთლების შემოსაცლელად. ვირჯინიმ და პოლმა ნახევარი კომბოსტო უმაღ შეჭამეს, მეორე ნახევარი კი—ნაცარში შემწვარი. ორივე ერთნაირად გემრიელი გამოდგა. ამ ღარიბ სადილს სიხარულით შეექცეოდნენ, თან იხსენებდნენ კეთილ საქმეს, რომელიც ამ დილას გააკეთეს, მაგრამ სიხარული მწუხარებად შეეცვალათ, როდესაც წარმოიდგინეს, როგორ შესწუხდებოდნენ დედები ბავშვების დაგვიანებით. ეს ფიქრი არ ასვენებდა ვირჯინის. ღონეზე მოსული პოლი კი ვირჯინის არწმუნებდა: ჩვენს დედებს მალე დავამშვიდებთო.

ნასადილევს დიდ დაბრკოლებას წააწყდნენ: აღარ ჰყავდათ შინ მიმყვანი მეგზური. პოლმა, რომელსაც არაფერი აოცებდა, უთხრა ვირჯინის:

— ჩვენი ქოხი სამხრეთისაკენ არის, ხომ ხელაგ სამწვერვალთან მთას, ამ დილას რომ გადავიარეთ; ჩვენ ის უნდა გადავლახოთ; მაშ, გავსწიოთ, ჩემო მეგობარო.

ეს იყო ერთი იმ მათაგანი, რომელსაც „სამტუძას“ ეძახიან იმიტომ, რომ ამ მთის სამივე მწვერვალს ტუძუს მოყვანილობა აქვს.

ბავშვები „შავი მდინარის“ განმარტოებული გორაკის ჩრდილოეთ მხარეს დაეშვნენ და ერთი საათის სიარულის შემდეგ მიაღწენ განიერ მდინარეს, რომელმაც გზა გადაუღობათ. კუნძულის ეს დიდი ნაწილი, მთლიანად ტყეებით დაფარული, დღესაც არ არის საკმაოდ შესწავლილი, და აქ ბევრ მთასა და მდინარეს ჯერ სახელებიც კი არა აქვს... მდინარე, რომლის ნაპირსაც ბავშვები იყვნენ, აქაუბრული მიჰქროდა. მისმა ხმაურობამ ვირჯინი შეაშინა, წყალში ფეხის ჩადგმა ვერ გაბედა, რათა ფონს გასულიყო. მაშინ პოლმა ვირჯინი ზურგზე შეისვა, მდინარეში ჩავიდა და ასე გადაიყვანა სრილა ქვებზე, თუმცა ტალღები ფეხებში სცემდა.

— ნუ გეშინია, — ეუბნებოდა ვირჯინის, — შენთან რომ ვარ, თავს ძალიან ღონიერად ვგრძნობ. „შავი მდინარის“ — პირელ ახალმოშენეს შენთვის რომ უარი ეთქვა თავისი მონის პატიებაზე, მე მას შევებრძოლებოდი.

— როგორ?—სთქვა ვირჟინიმ—ამოდენა კაცს, ასეთ ბოროტს? რა მდგომარეობაში ჩავადგე! ღმერთო ჩემო! რა ძნელია კეთილი საქმის გაკეთება! ავისა კი რა ადვილი!

პოლი რომ ნაპირს გავიდა, ვირჟინი ზურგიდან არ ჩამოუსვამს, ასე უნდოდა მისი წაყვანა. თავს არწმუნებდა, ამნაირად შევძლებ „სამძუძა მთაზე“ ასვლასო, რომელიც ნახევარ ლიეს მანძილზე იყო; მაგრამ მალე იგრძნო დაღლა, იძულებული გახდა ვირჟინი ძირს ჩამოესვა და დის გვერდით მოესვენებინა. მაშინ ვირჟინიმ პოლს უთხრა:

— ჩემო ძმაო, დღე ილევა, შენ კიდევ შეგრჩა ძალა, მე კი აღარ. მე აქ დამტოვე და მარტო დაბრუნდი ჩვენს ქოხში, რათა ჩვენი დედები დამშვიდო.

— ოჰ, არა! — უთხრა პოლმა,—მე არ დაგტოვებ. თუ ტყეში დამემ მოგვისწრო, ცეცხლს ვაგაჩადებ, კომბოსტოსნაირ პალმის ხეს წავაჭყევ, მის ნაყოფს შენ გაჭმევ, ფოთლებისაგან კი თავის შესაფარებლად ფაცხას მოვლობავ.

ამ საუბარში ვირჟინიმ დაისვენა და მდინარის ნაპირზე დახრილი ბებერი ხის ტანზე დაკიდებული სკოლოპენდრის გრძელი ფოთლები დაკრიფა. ამ ფოთლებისაგან ქვებზე სიარულით დაზიანებულ ფეხებზე ფეხსაცმლის მსგავსი რაღაც გაიკეთა. კეთილი საქმის გაკეთებამ ვირჟინი ისე გაიტაცა, რომ ფეხზე ჩაცმა დააფიქცა. გრილი ფოთლები იამა. ბამბუკს ტოტი მოსტეხა და ვზას გაუღდა, სიარულის დროს ცალი ხელით ჯოხს ეყრდნობოდა, მეორეთი კი—ძმას.

ბავშვები მშვიდად მიჰყებოდნენ ტყეს, მაგრამ ხშირფოთლებიანი ხეების სიმადლის გამო ჩქარა დაჰკარგეს „სამძუძა მთა“, რომლისკენაც გზა ეჭირათ. ჩამავალ მშესაც ველარ ხედავდნენ. ცოტა ხნის შემდეგ ბავშვები შეუმჩნეველად ასცდნენ გაკაფულ ბილიკს, რომელსაც მიჰყებოდნენ, მოექცნენ ხეების ლიანებისა და კლდეების ლაბირინტში; გასასვლელი არსად სჩანდა. პოლმა ვირჟინი დასვა, თვითონ კი გონებაარეული აქეთ-იქით მოჰყვა სირბილს. მაგრამ ამოდ დღეიქნა. მაღალი ხის წვერზე აცოცდა, რომ „სამძუძა მთა“ მონახა, მაგრამ თავის გარშემო ვერაფერს ხედავდა ჩამავალი მზის სხივებით აქა-იქ განათებული ხეების კენწეროების გარდა. მთების ჩრდილს უყვე დაეფარა ვაკეში ტყეები; ქარი ჩადგა, როგორც ეს მზის ჩასვლისას ხდება ხოლმე; ღრმა სიჩუმე სუფევდა ამ განმარტოებულ ადგილას, მხოლოდ ირმების ყვირილი ისმოდა, რომლებიც დასაბინავებლად ამ მყუდრო მხარისაკენ მიეშურებოდნენ. პოლმა, რაც ძალი და ღონე ჰქონდათ, კივილი მორთო იმ იმედით: ვინმე მონადირეს გავაგონებო.

— მოდით, მოდით, ვირჟინის დაეხმარეთ.

მაგრამ მხოლოდ ტყის გამოძახილი აძლევდა პასუხს. შორს, შორს გაისმოდა: „ვირჟინი!.. ვირჟინი“!..

პოლი ხიდან ჩამოვიდა დაღლილი, მწუხარებისაგან მოტეხილი. იგი მაინც შეუღლა ღამის გასათევი ადგილის ძებნას, მაგრამ აქ არც წყარო სჩანდა, არც კომბოსტოსნაირი პალმის და არც ხის ხმელი ტოტები ცეცხლის დასანთებად. პოლმა, თავისი უძლურება რომ იგრძნო, ტირილი დაიწყო. მაშინ ვირჟინიმ უთხრა:

— ნუ სტირი, ჩემო მეგობარო, თუ არ გინდა, შენი მწუხარებით დავიტანჯო. დედებისა და შენი ტანჯვის მიზეზი მე ვარ. არაფერი არ უნდა

გააკეთო, კარგიც კი, თუ მშობლებს არ დაეკითხები. ოჰ, ძალიან უგუნურად მოვიქეცი.

და ვირჯინისაც წასკდა ცრემლები, პოლს კი უთხრა:

— ღმერთს შევევედროთ, ჩემო ძმაო, იგი შეგვიბრალებს.

ლოცვა არც კი ჰქონდათ დასრულებული, რომ ძაღლის ყეფა მოესმათ.

— ეს ძაღლი, ალბათ, რომელიმე მონადირისაა, — სთქვა პოლმა, — რომელიც მიდის ირმების დასახოცად საღამოს საფარიდან.

ცოტა ხანში ძაღლის ყეფამ იმატა.

— მე მგონია, — სთქვა ვირჯინიმ, — ეს ჩვენი ფიდელია, ჩვენი ძაღლი, დიახ, მე მისი ყეფა ვიცანი; ნუთუ ჩვენს მთასთან ასე ახლოს მივედით?

მართლაც, სულ მოკლე ხანში ფიდელი მათს ფეხთან გაჩნდა, ყეფდა, ღმუღდა, წკმუტუნებდა, ალერსით დაჰქანცა ბავშვები. გაოცებისაგან ჯერ კიდევ გონს ვერ მოსულიყვნენ, რომ დომინგო დაინახეს, მათკენ მორბოდა; კეთილი ზანგი სიხარულისაგან ტიროდა. მის დანახვაზე ბავშვებმაც ტირილი მორთეს, სიტყვის თქმა ვერ მოახერხეს. დომინგო რომ დამშვიდდა, ბავშვებს უთხრა:

— ოჰ, ჩემო ახალგაზრდა ბატონებო, როგორ სწუხან თქვენი დედები, როგორ, გავოცდით, წირვიდან დაბრუნებულებს შინ რომ არ დაგვხვდით! მარიმ, რომელიც ჩვენი ეზოს ერთ კუთხეში მუშაობდა. ვერ გვითხრა. სად იყავით წასული. ეზო-გარემო შემოვიარე, არ ვიცოდი, სად მეძებნეთ. ბოლოს თქვენს ძველ ტანისამოსს წამოგავლე ხელი და ფიდელს დავაყნოსინე; იმ წამსვე, საბრალო ცხოველი თითქოს მიმიხვდაო, თქვენი კვალის ძებნას შეუდგა: ფიდელმა კუდის ქნევით მიმიყვანა „შავ მდინარებზე“. იქ გავიგე ახალმოშენისაგან, რომ იმასთან ლტოლვილი ზანგის ქალი მიგიყვანიათ და მისი პატიება ვითხოვნიათ. მაგრამ როგორ შეუწყნარებია თქვენი თხოვნა! ახალმოშენემ ხის კუნძვე მიბმული მონა ქალი მიჩვენა, რომელსაც ფეხსა და კისერზე რკინის სამშესაკრავიანი საყელო ჰქონდა გაკეთებული; იქიდან ფიდელი კვალს გაჰყვა და „შავი მდინარის“ განმარტოებულ გორაკზე ამიყვანა. შედგა და მთელი ძალით ყეფა დაიწყო. ეს იყო წყაროს პირას წაქცეული კომბოსტოსნაირი პალმის ხესთან, ცეცხლთან, რომელიც ჯერ კიდევ ბოლავდა. ბოლოს ფიდელმა აქ მომიყვანა. ჩვენ „სამძედა მთის“ ძირას ვართ, და სახლამდე კარგი ოთხი ლიფ არის კიდევ. აბა, ჰამეთ და ძალა მოიკრიბეთ.

დომინგომ ბავშვებს მიაწოდა ნამცხვარი, ხილი და ერთი დიდი აყირო, სასმელით გავსებული. რომელიც შაქრითა და ჯავზით შეზავებული ლიმონის წვნისა და წყლიანი ღვინისაგან შესდგებოდა. ეს სასმელი დედებმა მოუმზადეს ბავშვებს ძაღლონის აღსადგენად და გასაგრილებლად. ვირჯინიმ საბრალო მონა ქალისა და დედების მწუხარების მოგონებაზე ამოიოხრა და რამდენჯერმე გაიმეორა:

— ოჰ, რა ძნელია კეთილი საქმის გაკეთება!

პოლი და ვირჯინი საქმელს რომ შეეჭკოდნენ, დომინგომ ცეცხლი დაანთო. კლდეებს შორის მონახა ერთი მრუდე ხე, რომელსაც საღარაჯო ხეს ეძახიან; იგი ნედლად იწვის და დიდი ალიცა აქვს; ამ ხისაგან ჩირაღდანი გააკეთა, რადგან უკვე ღამე იყო. მაგრამ უფრო დიდი გაჭირვება დომინგოს შაშინ დაადგა, როდესაც გზის გაგრძელება დააპირეს: პოლსა და ვირჯინის სიარული აღარ შეეძლოთ; ფეხები დასიებოდათ და დასწითლებოდათ. დომინგომ არ იცოდა, როგორ მოქცეულიყო: წასულიყო შორს დამხმარეთა საძებრად, თუ იქვე გაეთია ღამე ბავშვებთან ერთად.

— სად არის ის დრო,—უთხრა მან,—როდესაც ორივეს ხელში აგიყვან-
ლით და ასე გატარებდით? თქვენ ახლა დიდები ხართ, მე კი მოვხუცდი.

ასეთ გაურკვეველ მდგომარეობაში რომ იყვნენ, ლტოლვილი ზანგების
ჯგუფი წაადგათ თავზე. ჯგუფის მეთაური პოლსა და ვირჟინის მიუახლოვდა
და უთხრა მათ:

— კარგო პატარა თეთრებო, ნუ გეშინიათ!.. ამ დილას „შავ მდინარეს-
იან“ დაგინახეთ, ზანგის ქალთან ერთად მიმავალი, რათა იმ საწყალის პა-
ტიება გეთხოვათ მისი ბოროტი ბატონისათვის. მაღლობის ნიშნად მხარზე
შეგისვამთ და წაგიყვანთ.

მეთაურმა თავისიანებს ხელი დაუქნია და ოთხმა ლტოლვილმა ზანგმა
მაშინვე საკაცე გააკეთეს ხის ტოტებისა და ლიანებისაგან, ზედ პოლი და
ვირჟინი დასვეს, დომინგო ჩირალდნით წინ გაუძღვა. გზას გაუდგნენ. ზანგები
სიხარულით ყიჟინებდნენ, ბავშვებს ლოცავდნენ: გულაჩვილებულმა ვირჟი-
ნიმ უთხრა პოლს:

— ოჰ, ჩემო მეგობარო, მაღლისმქნელს ღმერთი არასოდეს დაუჯილდო-
ვებელს არ სტოვებს.

შუალამისას თავიანთ მთას მიუახლოვდნენ. მთის მწვერვალი რამდენიმე
კოცონით გაენათებინათ. აღმართი აიარეს თუ არა, ძახილი მოესმათ; მათ
უხშობდნენ:

— თქვენა ხართ? ჩვენი შვილები?

ბავშვებმა ზანგებთან ერთად უპასუხეს:

— დიად, ჩვენა ვართ.

პოლმა და ვირჟინიმ მალე დაინახეს აღმოდებული მუგუზლებით მათ-
კენ მიმავალი დედები და მარი.

— უბედურო ბავშვებო, — უთხრა ქალბატონმა დელატურმა, — საიდან
მოდიხართ? რა სატანჯველში ჩაგვაგდეთ?

— ჩვენ მოვდივართ „შავი მდინარიდან“, — უპასუხა ვირჟინიმ, — პატიება
ეთხოვეთ ბატონს ერთი საწყალი ლტოლვილი ზანგის ქალისა. ის მონა ქალი
ამ დილას აქ ვასაუხმე, რადგან შიმშილისაგან სული ხდებოდა; და აი ჩვენ
ლტოლვილმა ზანგებმა მოგვიყვანეს.

ქალბატონმა დელატურმა თავისი გოგონა გულში ჩაიკრა, ლაპარაკი
ალარ შეეძლო. დედის ცრემლებით სახედანამულმა ვირჟინიმ უთხრა მას:

— თქვენ ამინაზლაურეთ გადატანილი ტანჯვა.

სიხარულით ატაცებული მარგერიტი პოლს მკერდში იხუტებდა და ეუბ-
ნებოდა:

— შენც, ჩემო შვილო, შენც კეთილი საქმე გააკეთე!

დედებმა ბავშვები შინ მიიყვანეს და ზანგებს აჭამეს. ისინი რომ და-
ნაყრდნენ, მასპინძელს ყოველივე სიკეთე უსურვეს და ტყეს დაუბრუნდნენ.

ამ ოჯახებისათვის ყოველ დღეს ბედნიერება და სიმშვიდე მოჰქონდა.
არც შური, არც პატივმოყვარეობა მათ არ სტანჯავდა. ეს ქალები სრულიად
არ ცდილობდნენ იმ ცრუ დიდების მოხვეჭას, რომელიც ხრიკით მოიპოვება
და ჭორით იკარგება. ისინი იმითაც კმაყოფილდებოდნენ, თვით რომ იყვნენ
მოწმე და მსაჯული თავიანთი ყოფაქცევისა. ამ კუნძულზე, სადაც როგორც
ყველს ევროპულ ახალშენში, ცნობისმოყვარეობას მხოლოდ ცუდი ამბის მი-
მართ იჩენენ, მეგობარ ქალთა სათნოება, სახელებიც კი უცნობი იყო.

თარგმანი ფრანგულიდან ირ. ქავთარაძისა.

პ რ ი ტ ი ა ა

გაბრიელ ჯაბუშანური

პენიშენაუი ახალგაზრდა მწერლების შემოქმედებაზე

წერილი პირველი

1.

მე განვიზრახე დაწერო ჩემი ამხანაგების შესახებ. ამ წერილებს არა აქვთ პრეტენზია: მისცენ მკითხველს მთლიანი წარმოდგენა ლიტერატურული ახალგაზრდობის შემოქმედებაზე; აქ შენიშვნების სახით მოცემულია, მხოლოდდამხოლოდ, ჩემი მოსაზრებანი ახალგაზრდა მწერლებზე, ერთი სიტყვით ყოველივე ის, რასაც მე ვფიქრობ ჩემი ამხანაგების შემოქმედების შესახებ.

ჩვენს ლიტერატურულ პრესაში თუ პერიოდიკაში ხშირად ლაპარაკობენ: ახალგაზრდა მწერლების აღზრდის, მათთვის დახმარების გაწევისა და სხვათა შესახებ. ხშირად გვისაყვედურებენ თემატიურ შეზღუდულობას, თანამედროვე ცხოვრებიდან მოწყვეტასა და ნეიტრალური თემებით გატაცებას ჩვენს მხატვრულ მონაცემებში. ამისდა მიუხედავად ქართულს ლიტერატურულ კრიტიკაში ჯერ კიდევ არა გვაქვს იმის ცდაც კი, რომ ოდნავ საფუძვლიანად მაინც იყოს განხილული ახალგაზრდა მწერლების შემოქმედება. ამგვარი ხასიათის წერილები, გარდა იმისა, რომ აღმზრდელობითს როლს ითამაშებდნენ, აგრეთვე დიდად შეუწყობდნენ ხელს ლიტერატურული ახალგაზრდობის შემოქმედებითს ზრდასა და წინსვლას. მე მგონია: ახალგაზრდა მწერლების საგრძნობ ნაწილს მოეპოვება იმდენი მხატვრული პროდუქცია, რომ ღირს მასზე შეჩერება და ლაპარაკი.

გულწრფელი და მიუდგომელი კრიტიკა ყოველთვის იყო მწერლისათვის სწორი გზის მაჩვენებელი და სტიმულის მიმცემი. ასეთი უნდა იყოს ის განსაკუთრებით ჩვენს პირობებში და ამგვარი კრიტიკა, ცხადია, ყველაზე უფრო ახალგაზრდა მწერლებს სჭირდებათ.

მე მინდა უპირველეს ყოვლისა იმ ავტორებს შევეხო, რომლებმაც უკვე წიგნები გამოაქვეყნეს; ამათგან უფრო ადრე, გიორგი კალანდაძის ლექსების წიგნი გამოვიდა.

დღეს ყოველი საბჭოთა მწერლის მთავარი მოვალეობაა: გვიჩვენოს ჩვენი თანამედროვეობა, დაგვიხატოს ჩვენი ქვეყნის ახალი ადამიანები, მათი საქმეებით, სიხარულითა თუ ტკივილებით. მწერალი სულთიდაგულთი უნდა იყოს მონდომებული, რომ თავის შემოქმედებით დაეხმაროს საბჭოთა მკითხველს კომუნისტური საზოგადოების შექმნისათვის ბრძოლაში, მისცეს სული-

ერი საზრდო და აღაფრთოვანოს იგი შემდგომი წინსვლისათვის. ამისათვის კი, აუცილებლად, საჭიროა, თვით შემოქმედი იყოს მოწინავე საბჭოთა ადამიანი—გამსჭვალული იმავე სულისკვეთებით, რომლებითაც სცოცხლობენ ჩვენი ბედნიერი ქვეყნის მოქალაქენი. დღეს საბჭოთა მწერლობის წინაშე საკითხი ასე სდგას: მწერლის ყოველი ახალი ნაწარმოები ჩვენს მკითხველში უნდა აღვივებდეს პატრიოტულ ენთუზიაზმს, შრომისა და ბრძოლის ენთუზიაზმს. მწერალი უნდა იძლეოდეს ისეთ ნაწარმოებს, რომელშიაც მკითხველი ნამდვილად შეიგრძნობს თანამედროვეობას, იცნობს საკუთარ თავს, საკუთარ ცხოვრებას, თავის სიხარულს, მწუხარებას, ბრძოლასა და გამარჯვებას.

ნაწარმოების მაღალ იდეურობასთან ერთად, საბჭოთა მკითხველი მწერლისაგან მოითხოვს სათანადო ფორმალურ ოსტატობასაც. მისი მხატვრული ვემოვნება თანდათან იზრდება და ახლა ჩვენი მკითხველი არავითარ შემთხვევაში არ აპატიებს მწერალს, რასაც ამ ორი ათეული წლის წინათ დასაშვებად სთვლიდა. მხატვრული ნაწარმოების ფორმალური მხარე გვერდში უნდა მისდევდეს და ავსებდეს მის იდეურ ხაზს.

თუ ამ თვალსაზრისით მივუდგებით გიორგი კალანდაძის შემოთდასახელებული ლექსების წიგნს, დავინახავთ, რომ პოეტს თავის მუშაობაში საკმაოდ კარგი შედეგებისათვის მიუღწევია. წიგნში მოთავსებული ლექსები, ორიოდეს გამოკლებით, ეხებიან ჩვენი დროის აქტუალურ საკითხებს. გიორგი კალანდაძე თავის შემოქმედებაში უმღერის ჩვენს ბედნიერ აწმყოს, იძლევა რა მას ხშირად შავ წარსულთან დაპირისპირებით, ის ეხება სამოქალაქო ომების გმირულ ეპოპეას, ჩვენს საამაყო კლასიკოსებს და სხვა.

ლექსში „ცარიცინის დაცვა“ სულ რაღაც სამიოდე სტროფში მოცემულია ეს დიდი ისტორიული მნიშვნელობის ეპიზოდი და ამხანაგ სტალინის როლი ამ ბრძოლაში:

„გმირული დღეები იმგვარი
წარსულმა ბრძოლებმა არ იცის;
დრო იყო ცეცხლის და გრიგალის,
წითლები იცავდნენ ცარიცინს.
როს საბედისწერო ბრძოლაში,
რისთვის და იმედის ხმალივით,
ცეცხლის და გრიგალის ქოლაში
ცარიცინს მოვიდა სტალინი.
და მისგან წითელმა ქალაქმა
ისწავლა ბრძოლების გატანა.
დაჰკრა და ექვს თვეში ალაგმა
ათასი მტერი და „სატანა“.

აქ სიტყვის დიდი ეკონომიისა და ლექსის ყოველი სტრიქონის მაქსიმუმამდე აზრობრივად დატენის ხარჯზე მიღწეულია საუცხოო შედეგი. ამის მიუხედავად არ შეიძლება არ აღინიშნოს ის, რომ ლექსის მეორე სტრიქონი „წარსულმა ბრძოლებმა არ იცის“... სცოდავს ენის სისწორის თვალსაზრისით. აგრეთვე სტრიქონში: „როს საბედისწერო ბრძოლაში“... — მახვილი ერთ სიტყვას ორად ყოფს და ვდებულობთ: როს საბე დისწერო ბრძოლაში—რაც მხატვრულად გაუმართლებელია. უნაკლოდ შესრულებულია ლექსი „ოცწლიანი ვერხვები“, სადაც გახსენებაა სამოქალაქო ომის გმირული სურათებისა.

გიორგი კალანდაძის ლექსებიდან განსაკუთრებით აღსანიშნავია: „შამილი“ და „შადრევანი პუშკინის ბაღში“. პირველ მათგანში ახალი მთის ყოფის ფონზე მოცემულია შამილის ბრძოლა რუს დამპყრობელთა წინააღმდეგ.

„შადრევანი პუშკინის ბაღში“, თავის დროზე კრიტიკის მიერ საპართლი-
ანად იქნა აღიარებული, როგორც კარგი ლექსი. აქაც, როგორც „შამილში“
თანამედროვეობის ფონზე, წარსულთან დაპირისპირებით, წარმოდგენილია
დიდი რუსი პოეტის დაუვიწყარი სახე:

„დგანან ჭადრები და ჭადრებს იქით,
სადაც მავთული გაუბამთ ეკლის.
ზვიადი მზერით, ამაყი ფიქრით
გაცქერის ქალაქს პოეტის ძეგლი.
დგანან ჭადრები, ნაწამი თქორით,
პუშკინის ძეგლი ჩვენს ქალაქს ზვერავეს,
დგანან ჭადრები, და ჭადრებს შორის
ხე-მარმარილო იტაცებს მზერას.
შემოტრიალდი, ქუჩებს რომ ზვერავე,
ერთი ამ ხესაც მოაბყარ მზერა...“

წარსულის დიდ კლასიკოსებს ისე დიდ პატივს არსად არ სცემენ, რო-
გორც ჩვენს ქვეყანაში, ამიტომ, გასაგებია, რომ ლიტერატურული ახალ-
გაზრდობა, თავის შემოქმედებაში, მათ გვერდს ვერ აუვლის. სხვას რომ თავი
დავენებოთ, ახალგაზრდა მწერლების უპირველესი და უდიდესი მასწავლებ-
ლები ისინი არიან. არ დარჩენილა, თითქმის, არც ერთი ახალგაზრდა მწერა-
ლი, რომ ლექსით არ გამოხმაურებოდეს ჩვენს კლასიკოს მწერლებს. გიორგი
კალანდაძესაც, გარდა ზემოთაღნიშნული ლექსისა, აქვს კიდევ ორი ლექსი,—
მიძღვნილი კლასიკოსი მწერლებისადმი, რომელთაგან ერთი შოთა რუსთა-
ველს, ხოლო მეორე,—ილია ჭავჭავაძეს ეხება. რუსთაველზე დაწერილ ლექსში
ახალი მაინცდამაინც არაფერია ნათქვამი, გარდა იმისა, რომ:

„გამოიარა დიდი ზამთარი
და საბჭოეთში გაიზაფხულა...“

რაც შეეხება მეორე ლექსს—„თერგდალეული“—ის ოსტატურადაა და-
წერილი. როცა ხსენებული ლექსი პირველად დაიბეჭდა, ერთი კრიტიკოსი,
იხილავდა რა მის დასაწყისს, სადაც სწერია:

„თუმცა სიმართლის შენ დარვე ნერგი,
ვერ გერწმუნები ერთში გენიოსს,
შენ გადმოგველოს მგრგვინავი თერგი
და თერგის წყალი არ დაგელიოს...“

გაკვირვებას გამოსთქვამდა თუ რაში ედავება გ. კალანდაძე ილიას, მას
ხომ თავისი თერგდალეულობა არსად არ უარუყვიაო. საქმე იმაშია, რომ კრი-
ტიკოსს ყურადღება არ მიუქცევია კალანდაძის ლექსის ეპიგრაფისათვის, სა-
დაც მოყვანილია ილია ჭავჭავაძისავე სიტყვები მისი „მგზავრის წერილები-
დან“: „თერგის ხიდი ისე გამოვიარე, რომ არამც თუ მისი წყალი დამელიოს,
თვალიც არ ამიხილება: მეშინოდა, რომ თერგდალეულობა არ დამწამონ
მეთქი“. ილიას ეს სიტყვები კალანდაძის მიერ ოსტატურადაა გამოყენებული
და ამათვე არის აშენებული მთელი ლექსი.

გიორგი კალანდაძის ლექსების დიდი უმრავლესობა ეხება ჩვენს თანა-
მედროვე ცხოვრებას. ამ მხრივ პოეტი, ამისულაშვილთან ერთად, გამოირჩევა
სხვა ახალგაზრდებიდან. კალანდაძის ეს თემატიური აქტუალობა აუცილებ-
ლად მისაბაძია და მოწონების ღირსი. ამ ლექსებში პოეტი უმღერის ჩვენს
საკოლმეთურნეო სოფელს, საბჭოთა ადამიანების გმირობას, ახალგაზრდობას
და სხვა. აქ მე ვგულისხმობ ისეთ კარგ ლექსებს, როგორც არიან „შემოდგო-

მის პეიზაჟები“, „მომღერალი“, „ლხინი“, „გაზაფხულის წვიმა წითელ მო-
ედანზე“, კავკასს-ქედმაღალს“ და სხვ.

„შემოდგომის პეიზაჟები“ ლირიული სიტბოთი და ნათელი ფერებით.

არის შესრულებული.

გიორგი კალანდაძის ხატვითი უნარის ნიმუშად მე მთლიანად მოვიყვან
ლექს „მომღერალი“:

„მწყობრი წკრილით მოსწყდენ ბგერები
ფრთხილად შერხეულ ბაგებს ქალურს,
ვით უხილავი რამ ფრინველები,
მოპყენენ შრიას და უვლიდნენ დავლურს.
ათასი გული თან აიყოლეს,
შეეხენ ფრთებით აზიდულ ფარდას,
და დიდ დარბაზში არა იყო რა,
კეთილხმიანი ბგერების გარდა.
თვითონ უღერდნენ და თვითონ ისმენდნენ,
აღტაცებისას ისმენდნენ ამბავს,
თვითონ მართავდნენ აპლოდისმენტებს
და ფრთებით აღმასს აყრიდნენ დარბაზს.
ურჩი ბგერების ტკბილი მძერწავი,
კეთილცხოვრებას უმღერდა ქალი,
იდგა სცენაზე იგი ლერწამი,
და სასიამო მოჰქროდა ქარი.
ბედნიერ დღეთა ასიმღერების
მან თაიგულად შეკრიბა ხმები,
მან დაატყვევა ურჩი ბგერები
და გამოასხა მთელ დარბაზს ფრთები.
ათასი გული თან აიყოლა,
შეეხო ფრთებით აზიდულ ფარდას,
მაგრამ სცენაზე არა იყო რა
კეთილხმიანი ლერწამის გარდა“.

გიორგი კალანდაძეს აქვს ერთი ძალიან კარგი თვისება: ის თავისი ლექ-
სებისათვის ყოველთვის არჩევს თემის შესაფერ მახვილ სახეებს, ერიდება
ზუნდოვანებას და ყურადღებით ეკიდება ნაწარმოების ფორმალურ მხარეს.

ბოლოს მე მინდა შევიჩერდე გიორგი კალანდაძის იმ ნაკლულოვანებებზე,
რომლებიც აქა-იქ გვხვდებიან მისი წიგნის კითხვის დროს. ძალიან სუსტია
„საგაზაფხულო ლექსი“, აქ თითქმის ყოველ სტროფში არის მოულოდნელი
ნანტომები: პოეტი ერთი საგნიდან გადადის მეორე საგანზე ისე, რომ ერთსა
და იმავე ტაეზში—პირველ ორ სტრიქონს, ხშირად არავითარი კავშირი არა
აქვს ბოლო ორთან. ეს არის საკმაოდ ძველი და მეტად იოლი ხერხი ლექსის
წერისა, რომელიც თავის დროზე ცისფერყანწელებს ახასიათებდათ. ასეთი
ხერხით ლექსის დაწერა, თითქმის, არავითარ შრომას არ მოითხოვს; საჭიროა
მხოლოდ მსგავსად დაბოლოვებული სიტყვების მონახვა და რითმები მზად
არის. შემდეგ ამ რითმების წინ ჩაურთავ სახელდახელოდ შეკოწიწებულ
სიტყვებს და ვღებულობთ სტროფს. სამაგიეროდ ლექსის აზრობრივი მხარე
უფერული და ნაძალადევი გამოდის.

ასე მაგალითად, გიორგი კალანდაძე სწერს:

„ბუჩქი გულგადაბურდული
დილის ნიავთან ანცობს,
მახლობელ ტყიდან ბულბული
ბუნების ზეიმს გვამცნობს...“

• კლდეზე ჩანჩქერი ჩქრიალებს,
ფოთოლნი შეფეფებს სვამენ,
ხანდახან შეიშრიალებს
ტყე, შეფოთილი მწვანედ.
ტყის პირად აყრილ ნაკერჩხალს
ლორთქო ყლორტები შეენის,
უხარის მოხუც ერკემალს
და ბლუის ბულა ჩვენი...“ და სხვ.

ასეთივე ნახტომებია ლექსში „სექტემბრის ღამე“ და „ზღვასთან“.

„ცას ვარსკვლავები შევნოდა,
ეზოს — ზვინების ჩრდილი,
მთვარე კაშკაშა ზემოდან,
სოფელს კი ტკბილი ძილი,
ვაზის ბარაქა ჭურ-მარანს,
ქარს ბულულებში ძრომა,
ჩვენს კოლმეურნე მურმანას
— მარნის გუშავად დგომა...“

(„სექტემბრის ღამე“).

აი, კიდეც აღვიღებთ ლექსიდან „ზღვასთან“:

„შორს ნამძინარეც ბაშვივით,
წევს პორიზონტზე ნისლი,
ტალღა ტალღაზე გაშლილი
შხეფებს კლდეებზე ისვრის.
კონცხი ტალღებზე იხრება,
ჩამოირეცხა ღაწვი,
ფრთადაწურულმა იხვებმა
გადსრიალეს თვალწინ“.

უდაოა, რომ სამივე ზემოთგანხილული ლექსი სუსტია, ამის მიზეზი კი ის არის, რომ პოეტი იოლი გზით წავიდა ლექსის წერის დროს და, როგორც მოსალოდნელი იყო, ვერც შედეგი მიიღო ეფექტიური.

წიგნში გვხვდება უხერხული თქმები და პროზაიზმებიც, მაგალითად:

„... მკლავს მკლავი შეჯობრებია,
გულს კი სიმტკიცე აზის...“

(„საგაზაფხულო ლექსი“).

— პირზე სიტყბო და ღიმილი აზის...“
„ბელელს ბარაქა საძლომად ყოფნის...“

(„შემოდგომის პეიზაჟები“).

კავკასიონის ქედზე ნათქვამია:

„რამდენი ხანი ეხეტებოდა
და დაათრევდა უმიზნოდ ტვირთებს (?)“

თანხმოვანთა შეჯგუფულობის გამო—ენის მოსატეხია:

„კავკასს, ქედმაღალს, ვინ შებედავდა,
ვინ შეადგამდა ფეხს მყინვარს ზვიადს“.

(„კავკასს — ქედმაღალს“).

აქვე მინდა აღვნიშნო ერთი გარემოება: ბარელი ხალხი ხშირად აიგი-ვეებს მთიელსა და მთიულს. ასევე მოსდის გ. კალანდაძესაც. ის ერთ-ერთ ლექსში სწერს:

„დვას ჩრდილოეთით... (იგულისხმება კავკასიონი)
მოწმე სისხლის და რბევა-თარეშის,
მოწმე მთიულის დუხჭირი ბედის...“

მეორე ადგილას ამავე ლექსში იმეორებს:

„მთები მღერიან საგანთადას:

„მთებზე ეკიდა მთიულის ბედი...“

(„თეთრი ხომალდი“).

სინამდვილეში, მთიულეთი, ისევე, როგორც ხევსურეთი, ფშავეთი, სვანეთი და სხვა, არის საქართველოს მთიანეთის ერთერთი ცალკე კუთხე და აქ მცხოვრებ ხალხს ეძახიან მთიულებს, ხოლო მთიელი, საერთო სახელია ყველა მთაში მცხოვრები ხალხისა.

გიორგი კალანდაძის ლექსებში, ისეთ კარგ და ახალ რითმებთან, როგორიცაა: ძეგლი — ეკლის, მძერწავი — ლერწამი, დანერგული — თერგული, იმედად — მღვიმეთა და სხვა, გვხვდება ასეთი გაცვეთილი და ცუდი რითმბეც: თვალი, — წყალი, ქალი — ქარი, ითბობს — მიხოს, უარმყოფელი — სოფელი, ქედი — ბედი, ზვიადს — ნიავს და სხვა. აქა-იქ არის განმეორებანი. მაგალითად:

„ბარად მზე ქარვის ფოთლებში გაშლის

ბუნებისა და ცხოვრების ეკრანს,

შემოფრინდება ვენახში შაშვი

და შავშავ მტევნებს დაუწყებს კენკვას...“

(„შემოდგომის პეიზაჟები“).

„განთიადისას მოლურჯო ეკრანს

შეეპარება ჩუმი შრიალი,

მარადისობის ნაპერწკლებს კენკვას

დაუწყებს სხივი ოქროსფრთიანი“.

(„ლხინი“).

ეს ნაკლულოვანებანი ჩემის აზრით, აუცილებლად უნდა გაითვალისწინოს და დასძლიოს პოეტმა. — მის შემდგომ მუშაობაში.

ძირითადად მაინც გიორგი კალანდაძის ლექსების საერთო დამახასიათებელი თვისებაა საგნებისადმი პირდაპირი და ნათელი მიდგომა და, რაც მთავარია, მისი თემატური აქტუალობა. პოეტის შემოქმედებაში სქარბობს ზოგადი ამღერება, — აქედანაა ლექსების არასუჟეტურობა. გ. კალანდაძის პეიზაჟი თუმცა უშუალოდ დაკავშირებულია აღებულ მასალასთან, თემასთან, როგორც ამ უკანასკნელთა ორგანიული ატრიბუტი, მაგრამ ეს პეიზაჟი სტატურია, არა დინამიური. ამ შეხედულების ნათელსაყოფად მე მოვიყვან ადგილებს ლექსებიდან „შემოდგომის პეიზაჟები“ და „თეთრი ხომალდი“:

„ღამით ცივა და ცა ცვარად გვაწვიმს,

ღილით ცივ ცვარში გაიბან ხელებს,

შეშავებულია ღელ-ღელე ანწლი,

შეჰბუდებია ყარანა ღელეს,

შესწითლებია შაქარ-ვაშლს ღაწვი

და შეჰპარვია სიყვითლე ველებს...“

(„შემოდგომის პეიზაჟი“).

„დგას ჩრდილოეთით არა დარაჯად,

არამედ ნათელ დიდების კერად,

მოუხსნამს თოვლის თეთრი ფარაჯა

და წინგაწოლილ ტრამალებს ზვერავს...“

ცივ გადაქნილზე ღამენათევი

პლატინის თეთრი ბადრო ანთია,

მთებიდან თოვლის ათინათები

თასებს ესვრიან წითელ განთიადს...“

(„თეთრი ხომალდი“).

საერთოდ გიორგი კალანდაძე ნიჭიერი პოეტია. ის დაკვირვებით მუშაობს ლექსებზე და თვითკრიტიკულად ეკიდება საკუთარ შემოქმედებას. ეს არის ახალგაზრდა მწერლის კარგი თვისება.

2.

რევან მარგიანის წიგნი იხსნება ლექსით: „დილა“ ეს ლექსი გარდა იმისა, რომ დაწერილია პოეტური უშუალოდ და შედის მარგიანის შემოქმედების აქტივში, კიდევ იმ მხარითაა საინტერესო, რომ ის გამოდგება ნიმუშად ბევრი ახალგაზრდა პოეტის მუშაობის დასახასიათებლად. მე მოვიყვან ამ ლექსს მთლიანად:

„ჭაბუკმა „ლილე“
უნდა უთხრას ჩეგემის დილას,
ან ვაუკაცური სიმღერები ნაირნაირი,
რომ დარჩეს ხალხში
ბალყარეთის ხობის შაირი,
ნელიდან ხელში
გადვიდეს ნაზად და ფრთხილად.
ჭაბუკმა „ლილე“
უნდა უთხრას ჩეგემის დილას,
დილას კი არა,
ერთი მზე გვეყვს ყველა ხალხს მარტო,
ამ დილას ასე უფრო შეენის
უმღეროთ „ლილე“
ბედნიერ ხალხთა საყვარელ მნათობს“.

ზშირია ასეთი შემთხვევები: ახალგაზრდა პოეტები, სწერენ რა თანამედროვეობაზე, პირდაპირ არ უდგებიან საკითხს. ისინი ირჩევენ ალებული თემისადმი გარშემოვლას: ლაპარაკობენ სულ სხვა ამბებზე და ბოლოს, ერთი-ორი სიტყვით მოიხსენიებენ ნაწარმოების მთავარ მოტივს. შემოთმომოყვანილ ლექსში მარგიანს უნდა დასწეროს ამხანაგ სტალინზე, მაგრამ იმის მაგიერ, პირდაპირ მიუდგეს ალებულ თემას, ჯერ გველაპარაკება სულ სხვა ამბებზე და ბოლო სტროფში ვგებულობთ, რომ: „ლილე“ ჩეგემის დილას კი არ უნდა ეუთხრათ, არამედ: „ბედნიერ ხალხთა საყვარელ მნათობს“.

როგორც ზევითაც ავღნიშნეთ, ეს ლექსი დაწერილია რევან მარგიანისათვის ჩვეული უშუალოდ, მაგრამ როგორც ნიმუში, ამ „შემოვლითი“ ხასიათის ნაწარმოებებისა, აუცილებლად საგულისხმოა. მე არა ვარ წინააღმდეგი ამ ხერხით წერისა. ბევრი ამნაირი ხასიათის ლექსი აღწევს თავის მიზანს (თუნდაც ზემოთდასახელებული მარგიანის ლექსი), მაგრამ ზშირად ეს „შემოვლითობა“ იმიტომ სჭირდება მწერალს, რომ ის პირდაპირი გზით ვერ სძლევს ალებულ თანამედროვე თემას, ვერ აღწევს სათანადო ემოციურობას, იძულებული ხდება უკან დაიხიოს, ნაკლები წინააღმდეგობის გზით წავიდეს და, სანამ საჭირო საგანთან მივიდოდეს,—გრძელი რეისი გააკეთოს მრავალგზის აღწერილ, ყოვლისშემძლე ბუნებაში თუ სხვაგან. გვხვდება ისეთი შემთხვევებიც, როცა ახალგაზრდა პოეტები, იძლევიან არა უმინო, ჭარბად სენტიმენტალური განწყობილებების ლექსებს. ბოლო სტრიქონებში ცდილობენ ერთგვარად გაათანადროულონ ნაწარმოები. ეს გათანადროულება გამოდის მეტად უხერხული და სტოვებს ყალბ შთაბეჭდილებას. მარგიანს აქვს ერთი ლექსი „გაზში“, რომელიც მიმართულია ქალისადმი. პოეტი აქ გადმოგვცემს თავის სენტიმენტალურ განწყობილებებს და გვამცნობს, რომ:

„მე გზამ დამქანცა, გზა ამოდენა
სულ შენი ეშხით გამოვიარე, —
აქ, ამ ქალებში სალამოვდება
და ჩემებურად კვლავ მივყვარებ...“

... ვინმე პატარა და მკერდშეხრილი
შენი მოხარკე გავხდი ბოლომდის...

გზამ მომაგონა სიმღერა ნაზი,
ხმატკბილი იყო, მაგრამ გვიანი,
შევდეგ და ჩუმად ამ შარავზაზე
გავშალე შენი „ეთერიანი“.

და მოვიგონე სიბრძნე ხალხური,
ვაჟა-ფშაველას რომ ერთხელ უთქვამს:
შენგნით მგლოვარემ და დათალხულმა
შევიგრძენ შენი ძვირფასი სუნთქვა...“

და ბოლოს ლექსს ასე ამთავრებს:

„მე გზაში შენზე ფიქრი მაწვალებს,
სხვაფრივ სიკეთე და სამოთხეა...“

ამ ბოლო სტრიქონს ლექსში კონტრასტი შეაქვს და სტოვეებს განგებ მიკერებულის შთაბეჭდილებას, რადგან ასეთი დაბოლოება, მთლიანად აღებულებული ლექსისთვის, ორგანიული არ არის. ახალგაზრდა პოეტებს ამგვარი დაბოლოებები ზოგჯერ იმისთვის სჭირდებათ, რომ ლექსს მიეცეს რაიმე დანიშნულება და ასეთი სტრიქონები ასრულებდნენ ერთგვარი ფარის მაგიერობას. პოეტი გრძნობს, რომ საბჭოთა ქვეყანაში, სადაც მხატვრულ ლიტერატურას უდიდესი როლი აქვს დაკისრებული, როგორც უმნიშვნელოვანეს აღზრდით საშუალებას, უხერხულია ვიწრო, სენტიმენტალური განწყობილებების გამომწეურებით და ამ უადგილო სტრიქონებით ხარკი მოიხადოს თანამედროვეობის წინაშე. სინამდვილეში კი ორმხრივ ზიანდება ლექსი: ის არც „წმინდა“ ლირიკული გამოდის და არც ჯანსაღი საბჭოთა ლირიკის სცნია რამე.

ახალგაზრდა პოეტებში მარგიანი, ალ. საჯაიასთან ერთად, აუცილებლად გამოირჩევა, როგორც მაღალი გრძნობისა და ამღერების პოეტი. რევაზ მარგიანი იმითაცაა საინტერესო, რომ მან პირველმა ქართულ პოეზიაში მოიტანა სევანეთის, საქართველოს ამ ულამაზესი კუთხის სურნელება და მკითხველს დაანახვა მისი (სევანეთის) აწმყო და შავბნელი წარსული. მე არაფერს ვიტყვი „მირანგულაზე“, რომელიც მკითხველისა და კრიტიკის მიერ შეფასებულია ერთერთ საუკეთესო ლექსად მარგიანის შემოქმედებაში. „მირანგულას“ ხმა თვით ავტორში ისეთი სიძლიერითაა გამჯდარი, რომ მის სხვა ლექსებშიაც უსათუოდ ისმის ამ ლექსის გამოძახილი:

„... სად ხარ, ნეტავ, მირანგულა?
დედა კვნესის ანათროლი,
მთებზე თოვლი გათანგულა,
ღღევანდელი დანათოვი...“

(„მირანგულა“).

„... ნეტავ სად ხარ, შერვაშიძე,
დასეტყვილი მთები გიცქერს,
იქნებ გულში ბოღმა გიძევს
გაწირული ძმების სისხლზე“.

(„ყასბულათ“).

... შვილო ჩემო, იმერეთით
მოიტანდი პურს და მარისს“.
(„მირანგულა“).

„მეთაურო! მელახიდან
მოიტანდი ტყვია-წამალს...“
(„ყასბულათ“):

რევაზ მარგიანის წიგნში ლექსების დიდი ნაწილი სვანეთის ფონზე იმ-
ლება, ან ეხება სვანეთს. ამ ციკლიდან „მირანგულას“ შემდეგ დიდ ყურად-
ღებას იქცევს „სვანური ნანა“, რომელიც მარგიანის ერთერთ საუკეთესო
ლექსად უნდა ჩაითვალოს. შეხამებულ კოლორიტულობასთან ერთად ლექსი
გამთბარია უღრმესი გრძნობით და სისათუთით:

დაიძინე ქიანურის ხმებითა,
თორემ ხევი იქუშება ბნელითა,
ქარმა ბარად ნისლის ჯარი შეყარა,
უშბა ელავს მოკაშკაშე ხმლებითა.
ნანინა, ნანულო, ნანაილა!
ეს მიდამო გავსებული სკებითა,
და ფუტკრები დათაფლული ფრთებითა.
ამ ლამეში ცაზე შემოფრენილან.
ნანინა, ნანულო, ნანაილა!

მნათობები თურმე კვლავ ეინელიებენ,
ნაპერწყლებად შენთვის დაცვივდებიან,
პატარები, როგორც ჩოხის ღილები,
ნანინა, ნანულო, ნანაილა!

დიდ შთაბეჭდილებას სტოვებენ მკითხველზე ლექსები „სვანები ძველ
იმერეთში“ და „მეწყერი“. ამ ლექსებზე ზოგიერთები უსაყვედურებენ რევაზ
მარგიანს. რომ მან დაიწყო ხალხში მოარული ამბების — ანეკდოტების გა-
ლექსება, მაგრამ საქმე იმაშია, რომ ეს ხალხში გავრცელებული ორივე ამბავი
მარგიანმა აიყვანა პოეტურ სიმაღლეზე, განაზოგადა...

ლექსში „სვანები ძველ იმერეთში“, გვხვდება ასეთი ადგილები:

„უცებ ვილაცამ სვანებს ჰკადრა შეპატიეება,
იმერულ რიდით, მოკრძალებით, ხელის ფათურით,
ჩუმად შეუძღვა, შეანელა ხმა ქუთათური
და სუფრის გაშლა მოისურვეს დუქნის ბიჭებმა“.

ამ რამდენიმე სტრიქონში მკითხველის წინაშე მთელი სისასებით და დამა-
ხასიათებელი თვისებებით დგება ძველი მედუქნე.

სვანებს სურთ ასიამოვნონ „გულუხვ მასპინძელს“!

„ყელიც მღეროდა: მო, სვირულით ჩამაგრილეო,
და ულვაშები წითელ ღვინით გაუფერულდა,
სვანებმა სცადეს: მოემართათ ხმა იმერულად,

კარგად შემთვრალი სვანები მადლობას ეუბნებიან „მასპინძელს“, მაგრამ
მედუქნემ: „ყველაფერი ჩოთქში ჩარეკა“ და გაკვირვებულ „სვანებს დაადო
შეუჩვევი გადასახადი“. მარგიანი ასე აღწერს გაოცებულ მთიელებს:

„დადგნენ და დიდხანს უცქეროდნენ მთვრალი თვალებით,
უკვირდათ: სუფრა გახდა უცხო და უფერული,
სვანს უსათუოდ მასპინძლობა სწამს იმერული,
არა ასეთი მასპინძლობა გადასარევი...“

ასევე შერქონობიარედ არის დაწერილი მეორე ლექსი „მეწყერი“:

„მოდიან, მთელი სიმღიღრე და აელადიდება,
მარილით სავსე თითო გულა, ზურგზედ ჰკიდიათ,
წვიმს და გულაში სანუგეშო მარილი ღნება,
და დამნაშავე, დამნაშავე კვლავ ამინდია.“

მე უკვე ავლნიშნე, რომ ლექსში „ყასბულათ“ ისმის „მირანგულას“ ხმა. ორი ზემოთგანხილული ლექსიც, ამ ხმრივ, ახლო დგას ერთმანეთთან, თუმცა მკითხველს, შეიძლება ეს იმიტომაც ეჩვენებოდეს, რომ ორივე ლექსი თითქმის ერთნაირი ხასიათის მასალაზეა აშენებული და ერთნაირი მეტრით არის შესრულებული.

მთის თემაზე დაწერილი სხვა ლექსებიდან აღსანიშნავია კიდევ „ბალადა რუსთაველის სვანეთში მისვლისა“, „მარიხი“ და „დევეთგერის ნასახლარი“. პირველ ორ ლექსში გამოყენებულია სვანური სიმღერების ბოლოშეძახილები, რომლებიც ლექსებში აძლიერებენ რიტმიულობას და ტაქტს მატებენ მათ. ლექსში „ბალადა რუსთაველის სვანეთში მისვლისა“, ზემოთდასახელებული შეძახილი ჰქმნის ცხენის ფერხთა ხმაურის რიტმს:

„ში ოდი შამორირა,
შემოაგდე არაბული
და ევენები აულარუნე,
ცხენი ვერცხლით დახატული
კლდეზე შემოათქარუნე.
ში ოდი შამორირა...“

რევაზ მარგიანი თავისი ლექსებისათვის ხშირად იყენებს ფოლკლორს, განსაკუთრებით სვანურს. ესეც აუცილებლად დადებითი მოვლენაა მის შემოქმედებაში; განსაკუთრებით იმიტომ, რომ პოეტი არასოდეს არ ვარდება ფოლკლორის ტყვეობაში, თავისებურად ამუშავებს მას და არ დადის გაუბრალოებად, როგორც ამას ადგილი ჰქონდა და ახლაც აქვს ზოგიერთი ახალგაზრდა პოეტის შემოქმედებაში. „მირანგულა“, „ბალადა რუსთაველის სვანეთში მისვლისა“, „მეწყერი“ და „სვანები ძველ იმერეთში“ იმის დადასტურებაა, რომ რევაზ მარგიანი ფრთხილად, კრიტიკულად და თავისებურად ამუშავებს ხალხურ მასალას თავის პოეზიაში.

საბჭოთა ხალხების სტალინურ მეგობრობას ახალგაზრდა მწერლების შემოქმედებაში ერთერთი მნიშვნელოვანი ადგილი აქვს დათმობილი. რევაზ მარგიანის წიგნშიც არის ამ თემაზე დაწერილი რამდენიმე ლექსი. ეს ლექსები აუცილებლად შედიან პოეტის შემოქმედების აქტივში. „მარიხი“, „აზერბაიჯანელ მეგობრებს“, „ბარათაშვილის გახსენება“ და სხვა გადმოგვცემენ იმ გულწრფელი მეგობრობის გრძობას, რომლითაც ჩვენი ქვეყნის მრავალერაიანი ხალხები გამსჭვალული არიან ერთი-მეორისადმი. ეს სიყვარული, ეს ამობა და მეგობრობა, მხოლოდამხოლოდ ოქტომბრის დიდი რევოლუციის შემდეგ, საბჭოთა ხელისუფლების პირობებში გახდა შესაძლებელი, ის ჩვენს დროში გაიზარდა და მიაღწია უმაღლეს წერტილს.

რევაზ მარგიანი თავის ლექსში ასე მიმართავს აზერბაიჯანელ მეგობრებს:

„მე თქვენებური შაირები ვისმინე თქვენთან,
და უკეთესი რამე მეთქვა ვეღარ შეეძელი,
მოდი და ქვეყნად ასე ტკბილად ვიმღეროთ ერთად
და მეგობრობაც გვქონდეს დღეგრძელი.“

ბალყარელი ხალხი და სევანები, ისევე, როგორც ქისტები და ხევსურები, ძველთაგანვე მტრობდნენ ერთმანეთს. რევოლუციის შემდეგ ეს მტრობა პირიქით შეიცვალა:

„არასოდეს არ დავტოვებ ჩევიამს.
ძველი მტრობა გულში არ ჩამრჩენია...
თვალეებიდან ნაპერწკლები დაცვივდნენ,
ციცნათელებს ჰგვანან სასიხარულოს,
ნუთუ გეჭონდა სიყვარული მაღული
გამარჯვებულ ქვეყნის სტუმარ-მასპინძელს?
შაი, შაი, შამორირა, შაირა!

რა ღამეა, მთვარემ დაიგვიანა,
ცამ კრიალა ვარსკვლავები მოისხა,
რა ვუმღეროთ განახლებულ ბალყარეთს?
წამოიწყე, თავი რატომ დახარე?
ნუ თუ კიდევ ეკრძალები გიაურს,
მეგობრობა იქნებ ღირდეს შაირად,
წამოიწყე ჩვენებური „ოისა“,
შაი, შაი, შამორირა, შაირა!“

(„მარხი“).

ასეთივე დიდის გრძნობით გამთბარია ლექსი „ბარათაშვილის გახსენება“. ჰოეტს აზერბაიჯანში ყოფნის დროს აგონდება ბარათაშვილი, რომელიც ერთ დროს, აგრეთვე ამ მხარეში იყო, და ეუბნება მას:

„ამ ქვეყანაში ძმურად მახარეს,
თვითონ კასპის ზღვების კარამდის,
რომ სამშობლოა ჩემთვის სხვა მხარეც
და მეგობრობა სუფევს მარად“.

ლექსების კრებულში მოთავსებულია რამდენიმე ლექსი სიყვარულზე. ეს უძველესი და მარად ახალი თემა მარჯიანის შემოქმედებაში მოცემულია, შედარებით, ჯანსაღად და არ დადის ვიწრო სენტიმენტალობამდე.

ახალგაზრდა მწერალს, რომელიც ახლახან მოვიდა მწერლობაში და ჯერ მკითხველის თვალში სათანადო რეპუტაცია არ აქვს დამსახურებული, ეშინია არ დააფრთხოს მკითხველი ზოგიერთ უნიჭო მჯღაბნელივით. მას (ახალგაზრდა მწერალს) ხშირად არც ძალა შესწევს მხატვრულ სიმაღლეზე აიყვანოს ახალი მასალა და ძველს, გაცვეთილ ამბებს უბრუნდება.

თანამედროვეობაზე კარგად წერა არ არის ადვილი საქმე, მაგრამ ის უნდა იყოს სანიაზო და ძალისგამოსაცდელი მისწრაფება ახალგაზრდებისათვის. მათ არ უნდა დაიშურონ ენერჯია, რათა ეს სიძნელე მალე და სასახლოდ დასძლიონ. რუსულს საბჭოთა პოეზიაში ჩვენ გვაქვს ამ სიძნელის დაძლევის ბრწყინვალე ნიმუშები ახალგაზრდების შემოქმედებაში (ტვარდოვსკი, დოლმატოვსკი, ინგე, სიმონოვი, მიხალკოვი და სხვ.). ქართულმა ლიტერატურულმა ახალგაზრდობამ აგრეთვე უნდა შესძლოს ეს ამბავი. ამისათვის საჭიროა დიდი პასუხისმგებლობის გრძნობა, მუშაობა და კიდევ მუშაობა.

ყოველივე ზემოთქმულიდან, რასაკვირველია, ის არ გამომდინარეობს, თითქოს ახალგაზრდა მწერლების შემოქმედებაში თანამედროვეობა არ იყოს ძირითადი თემა. ამის გარეშე წარმოუდგენელიც იქნებოდა მათი მუშაობის განხილვა. მე ამ შემთხვევაში, მხედველობაში მაქვს ის უკანდახევები, რომელთაც ადვილი აქვს უმრავლესი მათგანის შემოქმედებაში. აგრეთვე მე ვე-

ხები წარისხს იმ მხატვრული პროდუქციისას, რომელსაც ახალგაზრდა პოეტები იძლევიან. აქ კი ბევრი რამ არის ყურადღება მისაქცევი და დასაძლევნი.

რევან მარგიანს აქვს ორი ლექსი. მათ შორის ერთი მიძღვნილია ამხანაგ ლავრენტი ბერიასადმი, ხოლო მეორე—პარტიის ყრილობის დელეგატებისადმი. ორივე ლექსი უდაოდ სუსტია. აქ განმეორებულია, თუმცა შედარებით მოხდენილად, ყოველივე ის, რაც ათასგზის გავვიგონია და ათასგზის უთქვამთ და დაუწერიათ ჩვენს მწერლებს.

მარგიანი მიმართავს ამხანაგ ლ. ბერიას:

„შენ აგვიყვავე დრო სიჩაუქის,
შენ განახლე ხმა ჩვენებური,
იმ ხმით ვიმღეროთ ქვეყნად ქაბუკნი
შენი მარჯვებით დამშვენებულნი“.

როგორც ვხედავთ აქ ახალი არაფერია, გარდა იმისა, რომ ერთ ტაეპში „სამჯერაა ნახმარი სიტყვა „შენ“.

ამის შემდეგ პოეტი ამავე ლექსში ნატრობს:

„ნეტავი ჩემი სიმღერა თქმული
დიად სამშობლოს შენზე ემღეროს,
რომ კოლმეურნეს ეთქვას სუფრულით
ჩემი შაირი შენ სადღეგრძელოდ.
გვეთქვას ისეთი კარგი შაირი,
შაირი ხალხის ჰანგად გამზდარი,
ძმობის სიმღერა ნაირნაირი
ქართველი ხალხის ბაირალტარის.
მეთქვას სიმღერა როგორ შეგშენის
განახლებული ქვეყნის შევარდენს...“

ჩვენი მწერლობის ამოცანა სწორედ იმაშია, რომ თქვას ისეთი შაირი, როგორც შეშენის განახლებული ქვეყნის შევარდენებს; მაგრამ აქ საქმეს ნატვრა ვერ უშველის და საჭიროა კონკრეტულად ის კარგი ნიმუშები პოეზიისა თუ სხვა ჟანრებიდან, რომელთაც მკითხველი აღტაცებით მიიღებს. მარგიანის ლექსში კი ყოველი სიტყვის შემდეგ მეორდება შაირი და ისევ შაირი.

მეორე ლექსში „თქვენ სამუდამოდ სიმართლესთან დაგვამოზილეთ“, გარდა იმისა, რომ შიგ ახალი არაფერია თქმული, გვხვდება, აგრეთვე, უხერხული ადგილები, ბუნდოვანი თქმები, განმეორებანი და სუსტი რითმები.

იმისათვის, რომ თავიდან ავიცილოთ ყოველივე უხერხულობანი ნაწარმოებში, საჭიროა მეტი დაკვირვებით მუშაობა ლექსზე, მეტი პასუხისმგებლობა და თვითკრიტიკულად მიდგომა საკუთარი თავისადმი, რათა მკითხველს არ მივაწოდოთ მოუწონებელი და დაუმუშავებელი ნაწარმოები. ეს ეხება არა მარტო რევან მარგიანს, არამედ ეს გვეხება ყველა ახალგაზრდა მწერალს.

ზევით, როცა გიორგი კალანდაძის შესახებ ვლაპარაკობდი, მე ავლნიშნე, რომ მისი ლექსების უმრავლესობა უსუფეტოა—სჭარბობს ზოგადი ამღერება. რევან მარგიანსაც საკმაო რაოდენობით მოეპოვება ამნაირი ხასიათის ლექსები, მაგრამ უკანასკნელს თხრობაც ეხერხება. ამის დამადასტურებელია მისი ლექსები „სვანები ძველ იმერეთში“, „მეწყერი“, „მირანგულა“ და სხვა. გარდა ამისა, რევან მარგიანს არა აქვს გ. კალანდაძესავით ნახტომები, თვით მოკლემეტრიან ლექსებშიაც კი, სადაც აზრის თანმიმდევრობის დაცვა, შედარებით ძნელია, რევან მარგიანის პეიზაჟი. გ. კალანდაძის პეიზაჟისაგან გან-

სხვაგვებით, დინამიურია, მაგრამ ხშირად ამ პეიზაჟს ორგანიული კავშირი არა აქვს ლექსის განვითარებასთან და ასრულებს ერთგვარ ფონის დანიშნულებას. ამ მხრივაც ჩ. მარგიანი დიდად განსხვავდება კალანდაძისაგან.

დასასრულს მე მინდა კიდევ რამდენიმე სიტყვით შევჩერდე რევაზ მარგიანის წიგნის ზოგიერთ მხატვრულ ნაკლულოვანებებზე.

ბევრი ჩვენი ახალგაზრდა პოეტი, გამოდის რა იმ მოსაზრებიდან, რომ ლექსში მთავარია მისი აზრობრივი მხარე, ხშირად მეორეხარისხოვან ყურადღებას აქცევს რითმებს. ბოლოსდაბოლოს პოეტური ნაწარმოების ერთერთი განმასხვავებელი ნიშანი პროზისაგან არის პირველის კეთილზმოვანება; აქ კი რითმა მნიშვნელოვან როლს ასრულებს, გაცვეთილი და უხეირო რითმები დიდად ამცირებს ლექსის ემოციურ ძალას. რევაზ მარგიანს ისეთი კარგი რითმების გვერდით, როგორიცაა: განჯური—დატანჯული, ნახული—ყარაბახული, ჟინჯილებენ—ლილები, ჩავთვლემს—ქართველს, სტუმარი—სასთუმალი და სხვა, აქვს ასეთი გაცვეთილი და ცუდი რითმებიც: დაგვეყვად—ბედნიერება, ვაჟებს—თვალებს, მხარე—შეაყრიალებს, პირველი—საკვირველი, გაწარებით—თვალები, ტკბილად—სძინავს, გამოვიარე—მივყიალებ, გელის—შენი და სხვა.

ყოველივე ამ ნაკლთა მიუხედავად, რევაზ მარგიანის წიგნი აუცილებლად საინტერესოა და იძლევა დიდ იმედებს, რომ მისი ავტორი მნიშვნელოვანი პოეტი დადგება, მხოლოდ მარგიანმა უნდა გააძლიეროს მუშაობა თანამედროვეობის აქტუალურ თემებზე; გააფართოოს თავისი შემოქმედების არე და გვიჩვენოს მისი მხატვრული შესაძლებლობათა ახალი პრესპექტივები.

ნიკო გვარამია

რესპ. ღამს. არტისტი

ვასო აბაშიძე

ვასო აბაშიძე!.. აი სახელი, რომელიც ოქროს ასოებით უნდა ჩაიწეროს ქართული თეატრის ისტორიაში!.. რა დიდებით და შარავანდდით იყო მოსილი ნახევარ საუკუნის მანძილზე საქართველოში ვასო აბაშიძის სახელი!..

ვასო აბაშიძე ნახევარი საუკუნის განმავლობაში დარაჯად ედგა ქართულ თეატრს და სულ იმას ფიქრობდა, რომ ქართულ თეატრში უღირსი არავინ შეეშვა და ღირსეული კი იქიდან არ გამოეშვა. დღიდან მუდმივი დასის დაარსებისა, რომ იტყვიან, ერთი დღე არ მოშორებია ქართულ თეატრს. რა გაჭირვება, რა ვაი-ვაგლახი არ გამოუვლია ვასოს ქართულ თეატრში, მაგრამ ერთხელაც არ უფიქრნია ქართული თეატრისათვის თავის დანებება.

ყოფილა შემთხვევა, რომ დრამატიულ საზოგადოებას უსახსრობის გამო ვერ უკისრნია სეზონის წარმოება, მაგრამ ვასო აბაშიძეს მოუკიდია ხელი და მთელი სეზონი, როგორც მეთაურს და ხელმძღვანელს ქართული თეატრის საქმე უწარმოებია... და მერე როგორ დროს და რა პირობებში. მაშინ, როდესაც ქართულ თეატრში შემოსავლის მხრივ არავითარი იმედი არ იყო! და ასეთ რისკს ეწეოდა ვასო აბაშიძე.

ერთ-ერთ სეზონში, როცა გამგეობამ უარი სთქვა სეზონის წარმოებაზე, ვასომ მოიწვია ქართველი მსახიობები და გამოუტყადა: სეზონს მე ვაწარმოებ და თქვენ ყველას ჯამაგირები გექნებათო. გამგეობისაგან პატარა თანხა მიიღო სუბსიდიის სახით. ეს თანხა ვასომ ავანსებად დაურიგა მსახიობებს... დაიწყო სეზონი, იმუშავა დასმა ორი თვე რის ვაი-ვაგლახით; აბა, იმ დროინდელი შემოსავალი რა უნდა ყოფილიყო, რომ თეატრის ხარჯები დაეფარა. დაელო ვასოს მსახიობების ვალი: ჯამაგირებს ვერ აძლევდა. ავანსის სახით, ზოგიერთებს ხან მანეთს, ხან ორ მანეთს აძლევდა. მობეზრდათ მსახიობებს ასე მშვიერ-მწყურვალე მუშაობა. ერთ დღეს გადასწყვიტეს, რომ ალარ იმუშავებდნენ, უკეთუ ვასო ჯამაგირებს არ დაურიგებდა. ერთ-ერთ რეპერტიციაზე უნდოდათ, ვასოსთვის ეს გადაწყვეტილება ეცნობებინათ. შეიკრიბნენ და ვასოს უცდიან. ვასო იგვიანებს! დასი ღელავს და თან ეინტერესებათ თუ როგორ იმოქმედებს ვასოზე ასეთი განცხადება. ვასომ თურმე დასის განზრახვა წინათვე შეიტყო. შემოვიდა თუ არა სცენაზე, მაშინვე გამოუტყადა დასს: ბატონებო, დღეიდან მე თქვენი ანტრეპრენიორი აღარა ვარ და თქვენ ყველანი თავისუფლები ხართო. რაღა თქმა უნდა, რომ ვასოს ანტრეპრენიორობას ასეთი ბედი უნდა სწევოდა. ვასოს შეეძლო რეჟისორი ყოფილიყო, მსახიობად ემუშავა, პიესები ეთარგმნა და საზოგადოებიდან პატარა ფულადი დახმარებაც მიეღო, როგორც სახელოვან არტისტს, თორემ ისე, როგორ შეეძლო სეზონის წარმოება, რა თანხით?!

ვასომ განა არ იცოდა, რომ მთელი სეზონის განმავლობაში მსახიობებს ჯამაგირებს ვერ მისცემდა?! მაგრამ, ვასო ქართული თეატრის არსებობისათვის ხშირად სტყუოდა. ტყუილი რომ არ ეთქვა, ისე დასს ვერ შეადგენდა, რადგან ამხანაგურ პირობებზე უმეტესობა მსახიობებისა არ წამოჰყვებოდა. იყვნენ ისეთი მსახიობები ქართულ თეატრში, რომელთაც მამული და სახლ-კარი ჰქონდათ სოფლად და ისინი მთელი ზამთრის განმავლობაში, ამხანაგურის პირობებით ტფილისში არ წამოვიდოდნენ. მაგალითად, კოტე ყიფიანი, რომელსაც ქვიშხეთში მშვენიერი სახლი და მამული ჰქონდა, ვიქტორ გამყრელიძე და მისი ძმა დათიკო აწყურელი, რომელთაც კახეთში მამული და სახლ-კარი ჰქონდათ. ვასოს

ამათვის გადაწყვეტილი ჯამაგირი რომ არ დაენიშნა, ისე სოფლიდან არ დაიძვრებოდნენ. როცა ჩამოვიდოდნენ და ტფილისში დაბინადებოდნენ, მერე რაც უნდა ცუდათ წასულიყო დასის საქმე, ქართული თეატრის სიყვარულის გამო, სეზონს თავს ველარ ანებებდნენ და ბოლომდის რჩებოდნენ. და ასე ვაი ვაგლახით, ვასო მინც თავის საყვარელ საქმეს აკეთებდა.

დიდებული და ხალასი ნიქის პატრონი იყო ვასო აბაშიძე. შესანიშნავი მიმიკა ჰქონდა, საუცხოო ტემპერამენტი და დიქცია. მე მახსოვს ჯერ კიდევ ბავშვობისას, „გალიორკაზე“ ვისხედით ხოლმე მოწაფეები და იქაც კი ყოველი სიტყვა, ყოველი ასო გარკვევით გვესმოდა და არ იკარგებოდა. ან რა ხალასიანი ხმა ჰქონდა. როდესაც სცენაზე ჩუმად იყო და პარტიორის უსმენდა, თქვენთვის სპირო არ იყო, რომ ამ პარტიორის სიტყვები გაგვგოთ, ვასოს სახეზე ნათლად ამოიკითხავდით იმას, რასაც მისი პარტიორი ლაპარაკობდა. ან ფრაზას როგორ იტყოდა!.. სცენაზე რომ შემოვიდოდა, სიტუაციას შემოიტანდა ხოლმე და, დარბაზში ხომ ერთი სიცილი და ხმაურობა ატყდებოდა!.. რომელი მაყურებელიც ვერ იცნობდა ვასოს, როგორც არტისტს, მაშინვე მიხვდებოდა ხოლმე, ეს არტისტი უსათუოდ ვასო აბაშიძეაო!.. რამდენი საიმონენება და აღტაცება მიგრძენია მისგან, როგორც არტისტი-საგან, ჯერ ბავშვობისას, როგორც მაყურებელს და მერე სცენაზე მოღვაწეობის დროს, როგორც მასთან მომუშავეს. ჩვენში გავრცელებულია ისეთი აზრი, თითქოს ვასო აბაშიძე განსაკუთრებით ტფილისის მოქალაქეებს—სომხის ვაჭრებს თამაშობდა საუკეთესოდაო. მე რომ მკითხოთ, ვასო ვერაპულ პიესებშიც მშვენიერად და დიდის ხელოვნებით თამაშობდა...

მართალია, ის მშვენიერად თამაშობდა აკოფას (ხანუმაში), ისიას (ხათაბალაში), კარაბეტას (ძუნწში), მანუთიანს (ციმბირულში), ზიმზიმოვს (პეპოში), მაგრამ არა ნაკლები ხელოვნებით თამაშობდა ორგონს (ტარტიულში), გასტონს (პარიზის ღარიბ-ღატაკში), ლიმასს (ორ ჯიბიგირში), ივლიანე ჭარხალაძეს (აღლუმში), შმაგას (უღანაშაულოდ დამნაშავენი). ავიღოთ მაგალითისათვის შმაგა. რამდენი რუსი არტისტი მინახავს შმაგას როლში, მაგრამ ვასო ყველას სჯობდა. ეს ნამდვილი შმაგა იყო, როგორც შეუძლიან წარმოდგინონ ნამდვილმა თეატრალმა. ან და რა დიდის ხელოვნებით ასრულებდა მოლიერის ტიპებს, რომლებიც განსაკუთრებით უყვარდა და ხშირად ბენეფისებშიც დგამდა.

ბევრი უჩველადი სახეები შეჰქმნა ვასომ ქართულ სცენაზე. ვასოს ჩვეულებად ჰქონდა; რაც უნდა პატარა როლი ჰქონოდა, უსათუოდ გადაიწერდა. იმ დროს ახალ პაესას ოთხ რეპეტიციასზე მეტი არა ჰქონდა... და აი, როდესაც ვასო, ახალ როლს ამზადებდა, რეპეტიციასზედაც ისე თამაშობდა, როგორც წარმოდგენაზე, ყოველთვის ნახევარი ტონით გადიოდა რეპეტიციას. როგორც კი ითამაშებდა როლს, მერე მორჩა, რამდენი ხანიც უნდა გასულიყო, ის მთელი ტონით რეპეტიციას არ გაივლიდა, და ვერც ვერაფერს გაუბედავდა, ეთქვა: სრულის ტონით გაიარეთ რეპეტიციაო. ამ შემთხვევაში უცნაური არტისტი იყო. მე მგონია ვასო უფრო სახლში მუშაობდა როლზე, ვიდრე რეპეტიციასზე. მოვიდოდა საღამოს წარმოდგენაზე მოკრუნჩხული და ვაი-ვაის იძახდა. ხშირად სტიკოდა ძვლები რეპეტიციებისთვისგან. ყველანი შეეწუხნებოდით და ვიფიქრობდით, ამ ავადმყოფმა აღამიანმა როლი როგორ უნდა ითამაშოსო. გაიკეთებდა გრიმს და კუთხეში სკამზე ჩამოჯდებოდა. არავის ხმას არ გასცემდა, დიდი მორიდებით მივიდოდა სცენარეუსი და მოახსენებდა: ვასილი ალექსევიჩი, თქვენი გასვლის დრო მოახლოვდაო.

— ვიცი ქაჯან, ვიცი!.. შენ პირველი სიტყვა მითხარი!..

სცენარეუსი პირველ ფრაზას წაუკითხავდა... ვასო გავიღოდა სცენაზე. და ეს კაცი, რომელიც კულისებში ძლივს დაბობლავდა, რა სასწაულს ახდენდა და როგორის ელვის სისწრაფით გამოიცივლებოდა. ვინმე გარეშეს, რომელიც სცენაზე მის თამაშს უყურებდა, ანტრაქტის დროს კულისებში რომ შემოსულიყო და ვასო ენახა, აზარფრით არ დაიჯერებდა, რომ ეს კაცი იგივეა, რომელსაც ახლა სცენაზე ვუყურებდით.

ვასოს, როგორც მსახიობს, განსაკუთრებული ტონი, განსაკუთრებული სიარული და მიხერა-მოხერა ჰქონდა ყოველ როლისათვის. როდესაც ვასო „აღლუმში“ აფთიაქარ ჭარხალაძეს თამაშობდა და მეორე დღეს „პეპოში“ ზიმზიმოვს, ვერაფრით ვერ იფიქრებდით, ერთიდაიგივე მსახიობი თამაშობსო.

თუ როგორ დეტალებზე აგებდა ხშირად ვასო თავის როლებს, მოვიყვან ერთ მაგალითს: ერთ-ერთ სეზონში მიდიოდა ვ. გუნიას ძველი ვოდვეილი „რაც არ მერგება, არ შემერგება“, რომელშიც მთავარ როლს თამაშობდა ვასოს შვილი ტასო აბაშიძე. ვალ. შალი-კაშვილმა (რეჟისორმა) ვასოს მისცა მოხუცი პრაპორჩიკის როლი. სულ ორი რეპეტიცია უნდა გაგვევლო. პირველ რეპეტიციაზე არ მოვიდა, მეორეზე როგორც იყო მოვიდა. და ვიწყეთ რეპეტიცია, ვასო ცუდ გუნებაზე იყო. ჩვენ ყველანი მთლიანი ტონით გავდივართ რე-

თბილისი 1977 ილ. ხორ, ხორა ან ჯანს
გაილ ანგვისა რა

პეტიციას. ის რაღაცას ბურტყუნებს თავისთვის, ბოლოს ელისაბედ ჩერქეზიშვილმა ვეღარ მოითმინა და მიიძახა: რას ბურტყუნებ, ხმა ამოიღე რაღა, შე სახელგასაწყვეტოვო. მაგრამ ვასომ არც კი შეხედა. მოვიდა წარმოდგენაზე, დაიწყოთ პიესა, გამოვიდა სცენაზე ვასო და დაიწყო როლი. პიესაში სიტყვა „ჯან“ არ არის, ვასომ სწორედ მთელი როლი ამ „ჯანზე“ ააგო. უნდა გენახათ, რა დიდებული სახე შექმნა ვასომ მოხუც არშიყ პრაპორიკისა: მთელი საზოგადოება ხარხარებდა, და არამც თუ საზოგადოება, — ჩვენ მსახიობებს ისეთი დღე დაგვადგა, რომ კულისებში სიცილით ვიხოცებოდით.

ვასომ ხშირად როლი არ იცოდა, განსაკუთრებით ახალ პიესებში. მაგრამ, რომ ესთქვათ, ვასო როლებს არ ამზადებდაო, არ იქნება მართალი. ვასომ ყოველთვის კარგად იცოდა პიესა, რომელშიც თამაშობდა, იცნობდა იმ ტიპს, რომელსაც სცენაზე ანსახიერებდა და ამასთანავე როლი ყოველთვის თავისი ხელით ჰქონდა გადაწერილი. ამასთანავე ვასოს კარგი თვისება ჰქონდა: თავის დღეში ავტორის ტექსტს არ დაამახინჯებდა. მოკარნახეს მისდევდა შესანიშნავად. ამიტომაც იყო, რომ წარმოდგენაზე მივიდოდა თუ არა, მაშინვე მოკარნახე ბეგლარას (ახოსპირელს) იკითხავდა, აქ არის თუ არაო. ჯერ პირველად კოლია გალუსტოვი ჰყავდა, მერე ბეგლარ ბეგლარიძე, უმითათ ძალიან უჭირდა სცენაზე თამაში. ამით იცოდნენ ვასოს ჩვეულება და აკი ვასოსაც ისე თავისუფლად ეჭირა თავი სცენაზე, როგორც თავის საკუთარ ოთახში. ვასო რომ ერთხელ როლს ითამაშებდა, იგივე როლი რამდენიმე წლის შემდეგ რომ ეთამაშნა, ვასოს ჰქონდა იგივე ტონი, მიხვრა-მოხვრა, მიზანსცენებზე, იგივე გრიმი, იგივე ტანსაცმელი ეცვა — თავის დღეში არ შესცვლიდა. უწინ პიესას სეზონში ერთხელ ან ორჯერ ვითამაშებდით. გავიდოდა რამდენიმე წელი, მერე შეიძლება კიდევ აღგვედგინა იგივე პიესა. და ვასო მაინც ისევე თამაშობდა, როგორც პირველად. უწინ იყო ასეთი შეხედულება, რომ თუ მსახიობი გუნებაზე არ არის, ვერ ითამაშებსო. ვასომ „გუნება“ არ იცოდა. მოდუნებული და უგუნებოდ სცენაზე გამოსვლა არ უყვარდა. ის იტყოდა, დღეს ვითამაშობო და მორჩა. ვასო ყოველთვის სცენაზე ხალისიანი და ტემპერამენტით აღსავსე იყო.

მაგრამ თუ ვინმე თეატრში აწყენინებდა ან და დაჩაგვრას მოუწოდებდა, ხმას არ ამოიღებდა. რეპეტიციის შემდეგ წავიდოდა, მაგრად გადაჰკრავდა და წარმოდგენაზე შთვრალი მოვიდოდა. და მაშინ ვაი იმისი ბრალი, ვისი ჯავრიცა სჭირდა. უტბად სკანდალს აუტეხავდა და ერთ დავი-დარაბას დააყრიდა კულისებში. მასხოვს ასეთი შემთხვევა; მაშინ ჯერ სცენაზე არ ვმუშაობდი, მაგრამ კულისების ხშირი სტუმარი ვიყავი. მიდიოდა პიესა „ფული და ხარისხი“ ნატალია აზიანისა, რომელშიც მთავარი ქალის როლს ტასო აბაშიძე თამაშობდა, მაშინ სრულიად ახალგაზრდა მსახიობი. თვითონ ვასო თამაშობდა მამას, არტემ შარბათოვის როლს.

დღით ვასოსთვის რაღაც ეწყენინებინათ. ვასო წარმოდგენაზე იგვიანებს. დასი ღელავს, შემცვლელი არავინ არის. როგორც იყო მოვიდა, მოვიდა მაგრამ ისეთთა, რომ ფეხზე ძლივსლა სდგას. შემოვიდა თუ არა კულისებში, დაიყვირა, დღეს არა ვითამაშობო!..

დაუწყეს ამხანაგებმა ხვეწნა, მაგრამ ვასო უარზეა. ამოვიდნენ კულისებში გამგეობის წევრები და როგორც იყო დაითანხმეს. დაიწყო წარმოდგენა, როლი კარგად მიჰყავს. მიიყვანა ბოლომდის და ბოლოს როლით საანგარიშო ჩოთქზე ანგარიშობს, დაიწყო ანგარიში, ზედ საანგარიშო ჩოთქზევე დადო თავი და დაეძინა. ამით თავდება მეორე მოქმედება და ფარდაც ჩამოუშვეს. წაიძინა რამდენიმე წუთი და მაშინვე გამოეღვიძა, დაიბარა საპირფარეოში სცენარეუსი და გამოუტხადა: წარმოდგენა არ შესწყვიტო და როლი მე უნდა დავამთავროვო!.. ამხანაგებს და გამგეობას არ უნდათ, რომ ვასო სცენაზე გავიდეს, მაგრამ ან პიესა როგორ დაამთავრონ და ან კიდევ ვასოს როგორ უთხრან, წარმოდგენა გადავდლოთ?

ჩვენს წარმოდგენებს, ყოველთვის გამოუტყლებლივ ესწრებოდა ნიკო გოცირიძე. იმ დროს რა როლსაც ჩვენს თეატრში ვასო ითამაშებდა, იმვე როლს ავჭალის აუდიტორიაში სცენისმოყვარებთან უსათუოდ ნიკო თამაშობდა. გამგეობამ იცოდა, რომ შარბათოვის როლი ნიკო გოცირიძეს ჰქონდა ნათამაშევი. ამოიყვანეს სცენაზე ნიკო გოცირიძე და სთხოვეს, როლი გაეგრძელებინა. ნიკო უარზე იყო, ვაი თუ ვასოს ეწყინოსო. შემდეგ დათანხმდა ერთის პირობით: ვასო საპირფარეოდან არ გამოეშვათ. როგორც კი ვასოს კულისებში დავინახავ, იცოდეთ სცენიდან პირდაპირ პარტერში გადავხტებიო. გამგეობის თავმჯდომარემ ნიკო ქართველიშვილმა დაამშვიდა ნიკო გოცირიძე და უთხრა: შენ ოღონდ ამ გაჭირვებიდან გვიხსენი და მაგისი ნუ გეშინიანო... შართლაც ქართველიშვილმა მონახა ვასოს დასამშვიდებელი წამალი. გაგზავნა კაცი თეატრის ბუფეტში, მოატანინა ღვინო და სანოვაგე, შევიდა ვასოსთან საპირფარეოში, დაკეტა კარები, მიუჯდა ვასოს გვერდით და

უთხრა: ვასილ ალექსევიჩი, სანამ მესამე მოქმედებას დაიწყებდეთ, თქვენთან მინდა ლენინო დავლიოვო. პიესა ისე დაამთავრეს, რომ ვასოს არაფერი გაუგია.

თუ რა განძი იყო ვასო აბაშიძე ქართული თეატრისათვის და რა ამაგი მიუძღვის მას ქართული თეატრის წინაშე, მოვიყვან თვით მისი ამხანაგების აზრს, ვისთანაც ვასო აბაშიძემ გაატარა თავისი სასცენო მოღვაწეობის საუკეთესო წლები. ესენი არიან: ვალერიან გუ-
ნია და ავქსენტო ცაგარელი.

ვალ. გუნია სწორდა:

„ჩვენ სამუდამო სცენას, პირველი ფარდის ახლიდანვე, გამოუჩნდნენ ნიჭიერი აქტიორები, მათ შორის, ჩვენის აზრით, ყოველის მხრით, ნიჭით თუ ხელოვნებით, შრომით თუ მეცადინეობით, სცენის სიყვარულით თუ საქმით პირველი ადგილი ეჭირა და დღესაც სამართლიანად უჭირავს ვასილ აბაშიძეს. ვასო აბაშიძე, როგორც აქტიორი, სწორედ ბურჯია ჩვენი სცენისა, ნიჭიერი არტისტი, ბუნებით კომიკი, აბაშიძე თითქოს განგებას სცენისათვის გაუჩენია. სახის გამომეტყველება, ხმა, მიხვრა-მოხვრა, ლაპარაკის კილო, თავის დაჭერა და თვით აბაშიძის გარეგნობა, მას სრულს უფლებას აძლევენ კომიკური როლების წარმოსადგენად; აბაშიძის კომიზმი მეტად ცხოველი და ბუნებრივია. ბუნებითი ნიჭისთანავე აბაშიძეს აქვს ნიჭი, ხელშემწყობი პირობები, რომლის წყალობით პატრიცეული არტისტი ყოველთვის იმ ჯგეროვანი ზომიერებით თამაშობს, რომელსაც ჰქვიათ სცენისათვის და რომლისაგანაც მაყურებელი ყოველთვის კმაყოფილი რჩება ხოლმე. აბაშიძის შექმნილი ტიპები, მეტად დიდი და ვრცელია. ისე ვერავინ გამოხატავს ჩვენს სცენაზე, როგორც აბაშიძე ცრუს, ყბედს, უზნეოს, სულელს, ძუნწს, ვაჰრებს, ჩინოვნიკებს და სხვა მრავალ კომედიის და ვოდევილების გმირებს. აბაშიძეს ყოველთვის დიდის ხელოვნებით უთამაშნია მაღალ და ზნეობრივ კომედიებში და გადაჭარბებულ ფარსებშიაც და ყველგან და ყოველთვის მის თამაშობაში ბუნებრივი სიმართლე და სიმხიარულე, აზრიანი სიცილი და მწუხარება მოსჩანდა ხოლმე. რამდენჯერ გვინახავს და ჩვენს თავზედაც გამოგვიცდია, რომ რომელიმე მოთამაშის უღროვო დროს და ულაგო ალაგას, მეტისმეტად აწუხდეს ან დაწუხდეს ხმის წყალობით, მთელ სცენას სიცოცხლე წართმეული ჰქონდა, დანარჩენი აქტიორებიც ისე უგემურად თამაშობდნენ, რომ ხალხს ძილს მოგვრიდნენ. მაგრამ საკმარისი იყო აბაშიძის ფეხისშემოდგმა სცენაზე და ყველაფერი იცვლებოდა, სიმხიარულეს და სიამოვნებას საზღვარი არ ჰქონდა.

ვასო აბაშიძემ შექმნა, განახორციელა მრავალი უკვდავი ტიპი. როდესაც კაცი თეატრში ნახავს აბაშიძისაგან წარმოდგენილ ტიპებს და შემდეგ ქუჩაში გავა, ჰგონია, მხაროდ ახლა აქვინლა თვალეზო, რამდენს არუთინებს ნახავს „სსუდნი კასეში“ და მალაზიებში, რამდენს ისაიხად და აკოფებს ნახავს ქუჩაში და ქარვასლაში!.. აბაშიძისაგან წარმოდგენილ ტიპს იმ სინამდვილემდის მიუღწევია, რომ წარმოდგენის შემდეგ ხალხი თეატრის კარებში გაჩერებულია, აბაშიძე დავიწყებია და უცდის, რომ იმ წყვეულ არუთინა ზიმიზივს სცემონ. რამდენჯერ ვასო აბაშიძე ამხანაგებს თეატრის სხვა კარებიდან გაუპარეზიათ, როდესაც დაუნახავთ ადევლებული ხალხი შერკებილი და აბაშიძისაგან წარმოდგენილი საძველი ტიპის საცემრდ. „ჰეპოს“ წარმოდგენის დროს, თითონ ჩემთვის დაუყვირია ხალხს: „შე დალოცვილო, რაღას შეჰყურებ, ერთი ცხვირ-პირი ჩაამტვრიე მაგ წყვეულ არუთინასაო! მეტი სინამდვილე შეუძლებელია“.

ვასო აბაშიძე თუ საზოგადოებისათვის საყვარელი იყო, როგორც ნიჭიერი არტისტი, არა ნაკლებ საყვარელი და პატივსაცემი იყო, როგორც ადამიანი და ამხანაგი, თავის კოლეგებისათვის. აქტიორთა წრეში ტყუილად კი არ არის ისეთი აზრი გავრცელებული, რომ რამდენადაც აქტიორი ნიჭიერია, იმდენად ნაკლებად არის სცენიური ინტრიგებით და ამხანაგებისადმი შურით გამსჭვალული. ვასო აბაშიძე ამ მხრივ, მართლაც რომ ფაქიზი ადამიანი იყო. ამხანაგებისადმი არავითარი მტრობა და შური ვასო აბაშიძეს არ ახასიათებდა. პირიქით, თუ კი ვინმე მისი ამხანაგი, ამა თუ იმ როლში გამარჯვებული გამოვიდოდა, იმის სიხარულს საზღვარ არა ჰქონდა. ვასო აბაშიძე აქტიორთა წრეში დიდის სიყვარულითა და პოპულარობით სარგებლობდა. ვასო აბაშიძის სახელი, ქართულ თეატრის კულისებში, სიყვარულისა და პატივისცემის სინონიმი იყო. თვით ისეთი დიდი არტისტებიც კი, როგორებიც იყვნენ ლადო მესხივილი, ვალ. გუნია, კოტე მესხი, ნატო გაბუნია, მაკო საფაროვი, დიდის პატივისცემით და მორიდებით ექცეოდნენ მას. ვასო აბაშიძე ნამდვილი მამა იყო ყოველი ქართველი მსახიობის.

ერთი კარგი თვისება ჰქონდა ვასო აბაშიძეს, თუ ვინმე სცენაზე თავისი ამხანაგი არ მოეწონებოდა, ის მაშინვე პირში ეტყოდა, მაგრამ ისეთი ფორმით, რომ ამ ამხანაგს არც ეწყინებოდა. ვასო აბაშიძე გრძნობდა, როგორც ნიჭიერი არტისტი, რომ მას დიდის პატი-

ვისცემით ეპურობდნენ და თვითონაც ყოველთვის ცდილობდა ამხანაგებისათვის პატივი ეცა. მართლაც ამხანაგებს ვასო აბაშიძისაგან პატივისცემა არ აკლდათ!..

ვასო აბაშიძე ისეთი ადამიანი იყო, რომ ამხანაგისათვის უქანასკნელ პერანგს გაიხდიდა და ამხანაგს გაჭირვებაში დაეხმარებოდა. ამიტომაც ყოველთვის უფულოდ და გაჭირვებაში იყო. ვასო აბაშიძე დიდად ეხმარებოდა და ესარჩლებოდა იმდროის ახალგაზრდა მსახიობებს. თუ ვინმე ნიჭიერი ახალგაზრდა მოვიდოდა ქართულ სცენაზე, ვასო აბაშიძე ყოველთვის ყურადღებას აქცევდა და კარგ როლებსაც ათამაშებდა. ახალგაზრდა არტისტებსაც გულწრფელად უყვარდათ ვასო აბაშიძე. ის ძალიან უბრალო და გულკეთილი ადამიანი იყო.

იმდროის თეატრალური სასწავლებელი არ იყო და ჩვენ ახალგაზრდა მსახიობები თუ რაიმე ცოდნას ვიძენდით, მხოლოდ ჩვენი უფროსი ამხანაგების წყალობით. ვასო აბაშიძე, ერთი პირველთაგანი იყო, რომელიც ხელს გვიწყობდა ამ მხრივ. ბევრი საინტერესო ურუნალი, თუ წიგნი მოუტოვა ჩემთვის აბაშიძეს იმ დროს, როდესაც ასეთი რამ ჩვენთვის უცხო ხილს წარმოადგენდა და ამ მხრივ დიდ ცოდნას ვიძენდი როგორც ახალგაზრდა არტისტი.

ვასო აბაშიძე ლიტერატურულ შრომასაც ეწეოდა. სათეატრო მწიგნობრობას ვასო აბაშიძემ შემატა ნათარგმნი და საკუთარი პიესები: ორიგინალური „ცოლი თუ გინდათ ეს არის“, „ვისი ბრალია“, „ტასიკო“, ნათარგმნი: „შეშლილი“, „ხელანდელი სიყვარული“, „ესპანელი აზნაური“, „დანაშაული და სასჯელი“, „გაძარცული ფოსტა“, „უნდა გვიყარნეთ“, „ორი ჯიბგირი“, „ჯერ დედა“, „მოგზაური“, „მდგმური ტრომბონით“, „ყვავი ფარშევანგის ფრთით“, „სწავლული ცოლი“, „მეჯლისი იტალიელებით“, „რაინდი უმიშარი და უებრო“.

ამასთანავე ვასომ პირველმა გამოსცა და რედაქტორობდა პირველ სათეატრო ურუნალ „თეატრს“, რომელსაც რამდენიმე წელიწადს უძღვებოდა. ვასომ პირველმა დასწერა საქართველოში და დაბეჭდა ახალგაზრდა მსახიობებისათვის სახელმძღვანელო და რჩევადარიგება, რომელიც მარტივად და მშვენიერის ენით იყო დაწერილი.

ვასო აბაშიძემ შექმნა ქართულ სცენაზე თავისებური სკოლა და, როგორც მაღალ ნიჭიერ მსახიობს, ბევრი მიმბაძველებიც გამოუჩნდნენ. მისი საყვარელი როლები იყო ისაია (ხათაბალოში), აკოფა (ხანუმაში), ოსეფა (დაქცეული ოჯახში), ზიმზიმოვი (პეპოში), მაშუთიანი (ციმბირელში), შარბათოვი (ფული და ხარისხი), ზარალოვი (გაცრუებული იმელები), კარაპეტა (ძუნწი), მიკირტუმა (გაყრა), შმაგა (უდანაშაულოდ დამნაშავენი), ლიმასი (ორი ჯიბგირი), გასტონი (პარიზის ღარიბ-ღატაკი), ხლესტაკოვი და გოროდნიჩი (რევიზორი), მელაგუბოვი (შემოსავლიანი ადგილი. ეს როლი იყო, რომელშიაც პირველად გამოვიდა ვასო ქ. ქუთაისში, როგორც სცენის-მოყვარე 1876 წელს). ორგონი (ტარტიფში), ჰერონტი (სკაპენის ოინებში), საქო (მსხვერპლში), ელიზბარიანი (ნამუსისათვის).

ქართული ოპერეტებიც ქართულ სცენაზე პირველად ვასო აბაშიძის წყალობით იდგებოდა. პირველი მსახიობი ქართულ სცენაზე ვასო აბაშიძე იყო, რომელმაც რამდენიმე ქართული ოპერეტა დადგა. ჯერ თვითონ თამაშობდა მშვენივრად მთავარ კომიკურ როლებს და მეორეში მეთუღო შარია მსფაროვ-აბაშიძისა, რომელსაც საუტეხო ხმა ჰქონდა და საუტეხოვსად ასრულებდა მთავარ როლებს.

მე მგონი ინტერესს მოკლებული არ იქნება თუ ფარდას ავხდით და დავინახავთ, როგორი იყო ეს შესანიშნავი არტისტი კერძო ცხოვრებაში.

ცხოვრებაში ვასო აბაშიძე, სულ არ ახდენდა მხიარული კაცის შთაბეჭდილებას, პირიქით უფრო ხშირად მოწყენილი იყო. რაღა თქმა უნდა, ვინც მას კერძო ცხოვრებაში ხვდებოდა და მით უმეტეს პირველად უხდებოდა მისი ნახვა, უსათუოდ გაეცინებოდა ხოლმე, მაგრამ ეს უფრო სცენიდან მიღებული შთაბეჭდილების ბრალი იყო. ვასოს უფრო მოსწრებული, მკვახე სიტყვები ეხერხებოდა, რომელიც არავის არ სწყინდა. როდესაც ლადო მესხიშვილი 1920 წელს რუსეთიდან დაბრუნდა, ერთერთ სადილზე ლადომ წინადადებით მიმართა ვ. გუნიას და ვასოს, სამთავემ ამ სიბერის ფაშს სურათი გადავიღოთო. მართლაც სისრულეში მოიყვანეს ეს განზრახვა. ფოტოგრაფმა ერმაკოვმა გადაიღო მშვენიერი სურათი: ვასო შუაში იჯდა, აქეთ-იქით ლაღო და ვ. გუნია უსხდნენ. როდესაც ვ. გუნიამ და ლადომ ვასოს უჩვენეს სურათი, ვასომ სურათს დახედა და სთქვა: იესო ქრისტე ორ ავაზაკ შუაო.

იმ დროს სეზონი გრძელდებოდა ოთხ-ხუთ თვეს და მხოლოდ ამ ხნის განმავლობაში ეძლეოდათ აქტიორებს ჯამაგირები. დანარჩენი შვიდი-რვა თვე უჯამაგიროდ იყვნენ. არც მოგზაურობა ხერხდებოდა ხოლმე, რადგან უმეტესობა მსახიობებისა სამსახურში იყო და ვერ წავიდოდნენ. ამიტომ, როგორც მოხუც მსახიობ სტეფანე ხარაზიშვილისაგან გამიგია,

ხშირად თურმე ვასო აბაშიძე წაედიოდა გაზაფხულზე ბათუმში და იქ ხარაზიშვილის დახმარებით სცენისმოყვარეებთან ერთად მართავდა წარმოდგენებს. ერთ-ერთ ასეთ მოგზაურობის დროს, ვასოს დაედო სასტუმროს ვალი, აღარ იცოდა თავი როგორ ეხსნა სასტუმროს პატრონისაგან, რომ ტფილისში წამოსულიყო.

ვასომ ფულის შენახვა და გამოზოგვა არ იცოდა. როცა ფული ჩაუვარდებოდა ხელში, ერთ დღეში ბოლო მოეღებოდა და შემდეგ იყო უფულოდ და გაქირვებაში. ბათუმშიც ასე დამართოდა: რაც წარმოდგენიდან აეღო, სულ დაეხარჯა და ნომრის გასასტუმრებლად ფული აღარ დარჩენოდა. მიეცა თურმე ვასო მწარე საგონებელს, ტფილისში წამოსვლა უნდა, მაგრამ ვერ მოუხერხებია; მერე თურმე სტეფანე ხარაზიშვილმა მისცა წინადადება, გზის ფულს როგორმე გიშოვნით, ვასილ ალექსეევიჩი, და რაც შეეხება თქვენს ჩემოდანს, მე გამოვაპარებო.

მართლაც ასე მოიქცნენ. ვასო წავიდა სადგურზე, აიღო ბილეთი, სტეფანე ხარაზიშვილმა გამოაპარა ჩემოდანი ნომრიდან და გასწია სადგურისაკენ. სწორედ ამ დროს, სასტუმროს პატრონი ნომრებს ათვალიერებს, შედის ვასოს ნომერში, ხედავს, ნომრის კარი ღიაა, შიგ კი არავინ არის და არც ვასოს ჩემოდანია. მაშინვე მიხვდა, რაშია იყო საქმე და გამოსწია სადგურისაკენ. პირველი ზარი მიცემულია, ვასო უკვე ვაგონშია და სტეფანე ხარაზიშვილს, სადგურის ბაქანზე მდგომს, ელაპარაკება. ამ დროს მოულოდნელად თავზე წაადგა სასტუმროს პატრონი და ეუბნება ვასოს: ბატონო ვასო, თქვენ როგორც გეტყობათ ტფილისს აპირებთ გამგზავრებას და ამიტომ გთხოვთ, თქვენზე რომ დანახარჯია, გამისწოროთო!..

ვასო ეკითხება სტეფანე ხარაზიშვილს, რას ამბობს ეს კაცი არ მესმისო!.. სასტუმროს პატრონი უმეორებს: თქვენზე რომ ვალია, გთხოვთ, მომცეთო!.. ვასოს ვითომ არ ესმის, თავი მოიყრუვა: კაცო არ მესმის რას ამბობ, ხმამაღლა მითხარო!.. რაც შეუძლიან სასტუმროს პატრონი ყვირის ამ სადგურზე, მაგრამ ვასო მაინც გაიძახის, არაფერი მესმისო! ასე აყვირა ვასომ სასტუმროს პატრონი, სანამ მესამე ზარი არ მისცეს და მატარებელიც დაიძრა. ასე პირში ჩალაგამოვლებული დასტოვა ვასომ სასტუმროს პატრონი. მეორე გაზაფხულზე თურმე ჩავიდა ვასო ბათუმში და კიდევ იმავე სასტუმროში გაჩერდა, დიბარა სასტუმროს პატრონი და უთხრა: კაცო, უფულო კაცს სადგურზე რომ მომდევდი, რასა დიჭობდიო?! საიდან უნდა გამეტუმრებინა შენი ვალი, როცა ერთი კაპეიკი არა მქონდა. აი ახლა მაქვს და მოგართმევო. და გადაუხადა ძველი ვალი. ვასოს, როცა ფული ჰქონდა, ვალების გადახდა უყვარდა!..

მსახიობებში ისე არავინ სცხოვრობდა ბოჰემური ცხოვრებით, როგორც ვასო აბაშიძე. თითქმის მთელი თავისი სიცოცხლე მარტო სცხოვრობდა. თავის მეუღლესთან, მარიამ საფაროვ-აბაშიძესთან, რომელიც სიყვარულით შეირთო, დაახლოვებით სამ-ოთხ წელიწადს ცხოვრობდა მხოლოდ და ეს ხანა იყო, რომელიც ვასომ ოჯახურ პირობებში გაატარა დანარჩენი დრო, უმეტეს შემთხვევაში, სასტუმროში დაპყრო და რაღა თქმა უნდა, სულ რესტორანულ ცხოვრებას ეწეოდა.

სწორედ ეს იყო მიზეზი, რომ მთელი თავისი სიცოცხლე მოუხერხებდა, არანორმალურად და ქიფში გაატარა. ამიტომაც ხშირად უფუნებოდ და ნერვებაშლილი იყო, განსაკუთრებით ცუდი ხასიათი ჰქონდა, როცა ღვინოს დალევედა. ხშირად ისე იქცეოდა საზოგადოებაში, რომ მის ღირსებას და სახელს არ ეკადრებოდა.

ერთ ზაფხულს, სადილის საჭმელად ყოფილიყვნენ ვერის ბაღებში ლადო მესხიშვილი, ავ. ცაგარელი, ვ. გუნია და ვასო.

სხედან ხის ძირას და მშვენიერ დროს ატარებენ. უკრავს ლულუკი და განცხრომაში არიან. არ გასულა დიდი ხანი, ვასოს ცოტა გადაუტრავს და დაუწყია ვალ. გუნიასთან შელაპარაკება. მაგრამ ვასოს ყურადღებას არ აქცევენ, რადგან კარგად იციან მისი ხასიათი. ამაზე ვასოს უფრო ნერვები ეშლებოდა, იწვევს ყველას სასკანდალოდ, მაგრამ ამხანაგები თავს იმაგრებენ. ბოლოს დაიწყო ბოთლებისა და ჭიქების სუფრიდან გადაყრა. ერთი სიტყვით სუფრა აირია და ყველა ნერვები აეშალა. მოთმინებიდან გამოსულმა ლადო მესხიშვილმა დაუძახა მსახურს და უბრძანა, თოკი მოეტანა. ის თურმე გაშტერდა და ალბათ იფიქრა, ამ ხალხს ქიფის დროს თოკი რატომ დასჭირდათო. მაგრამ რას გააწყობდა, ლადოს ბრძანება აღსრულებული იქნა. თოკი მოიტანა, წამოხტნენ და მოთმინებიდან გამოსულებმა ვასო იქვე ხეზე მიაკრეს თოკით. ვასო ხეზეა მიკრული და მათ კი განაგრძეს ქიფი. ვასო ეხვეწება თურმე, ოღონდ ამიშვით და ჭკვიანად ვიქნებიო, მაგრამ ისინი ყურადღებას არ აქცევენ. ასე იყო კარგა ხანს ხეზე მიბმული. როცა ცოტათი გამოფხიზლდა, აღუშვეს თოკი, მოისვენა გვერდზე და განაგრძეს ქიფი.

რესტორანული ცხოვრების გამო ვასო ხშირად უფულოდ იყო. მსახიობების გარდა მისი საუკეთესო მეგობრები იყვნენ: ცნობილი ფელეტონისტი, ქართული თეატრის საუკეთესო რეცენზენტი, (რუსულ გაზეთებში ათავსებდა რეცენზიებს) ლევან ყიფიანი, ქართული გიმნაზიის მასწავლებელი, ნიკოლოზ თარხნიშვილი და დრამატურგი აქსენტი ცაგარელი, რომელიც ვასოს ყოველთვის არუთინას ეძახდა ხუმრობით. ესენი ვასოს სულის მეგობრები იყვნენ და თითქმის სულ ერთად დადიოდნენ. რაკი ვასო ნომერში მარტო ცხოვრობდა, ხშირად იკრიბებოდნენ ვასოსთან ნომერში და გაიმართებოდა მეგობრული ბაასი და ქეიფი.

ერთ დილას ვასოს გამოეღვიძა თავის ნომერში. ქეიფის გუნებაზეა, მაგრამ ფული ჩვეულებრივად არა აქვს. მეგობრებთან ოჯახებში სიარული, იქ პურის ქამა და ქეიფი არ უყვარდა. თუ ვასოს ფული ჰქონდა, ან რესტორანში იყო ან და თავისთან მართავდა სადილს და იქ ჰპატიუებდა თავის მეგობრებს. ჰო და ამ დღესაც სადილის გამართვა უნდოდა, მაგრამ ფული არ ჰქონდა. სხვათაშორის, ვასოს კულინარობა ძალიან უყვარდა, ხშირად თავის ნომერში ნავთქურაზე მოამზადებდა ერთ თავ საქმელს და მეგობრებს დაჰპატიუებდა.

გამოვიდა ვასო გოლოვინის (ახლა რუსთაველის) პროსპექტზე. შეხვდა ერთ-ერთ თავის მეგობარს და ეუბნება: დღეს სადილზე მეგობრები მყავს დაპატიუებული ჩემთან ნომერში და შენც მეწვიე, მაგრამ ღვინის ფული არ მაქვს და ღვინო შენ წამოიღე. მეგობარმა დიდი პატივისცემით მიიღო ვასოს დაპატიუება და უთხრა: კეთილი, ღვინო ჩემი იყო. სო. არ გავიდა დიდი ხანი და ახლა მეორე მეგობარს შეხვდა და უთხრა: დღეს მშვენიერი ღვინო მივიღე ფეშაკაშად, ერთი თავი კერძიც მოვამზადე სახლში, მაგრამ სამწუვადისათვის ფული არა მაქვს, მეწვიე დღეს სადილად და თან სამწუვადეც წამოიღეო. მეგობარი თანამოგვებით დასთანხმდა და უთხრა, რომ უსათუოდ მოვალ და სამწუვადესაც წამოვიღებო. ახლა შესამე მეგობარი შეხვდა, ისიც დაპატიუა სადილად და უთხრა, დღეს სადილად მეწვიე, სადილი კარგი მაქვს, მაგრამ საუზმისა და კონიაკისათვის ფული არა მაქვსო. მეგობარმა უპასუხა, შე დალოცვილო, მაგაზე რა გაწუხებს, თუ კი სადილი და ღვინო გაქვს, დანარჩენს მე წამოვიღებო.

მოვიდა სადილობის დროც. სტუმრები ცალ-ცალკე მოვიდნენ და თან შტაბრებული სანოვაგე და ღვინო მოიტანეს. არცერთმა არ იცოდა თუ ვინ რა მოიტანა. ყოველ მოპატიუებულ სტუმარს ეგონა, მხოლოდ მე მოვიტანე რაიმე სანოვაგე და დანარჩენი ვასოს ნაყილიაო. როცა ცოტა გადაჰკრეს, მხოლოდ მაშინ გატყდა ვასო, რომ დაპატიუებული ამ სადილზე თქვენ კი არა — მე ვარ, თქვენ ყველანი მასანძიმლები ხართ. მე კი სტუმარიო. ასეთმა საქციელმა ყველანი გაამხიარულა და სადილი რესტორანში ქეიფით გათავდა.

როცა ქართულმა დასმა 1882 წელს პირველი მოგზაურობა მოაწყო „სამშობლოთი“, ამ მოგზაურობამ დიდი აღტაცება გამოიწვია და ყველგან ქართულ დასს ბანკეტებსა და ვახშმებს უმართავდნენ. ქუთაისში თურმე „სამშობლო“ ზედიზედ ათჯერ დადგეს და აუარებელი ხალხი დაესწრო. ერთ-ერთ სასტუმროში, ქუთაისის საზოგადოებამ ქართულ დასს გაუმართა დიდი ვახშამი, რომელსაც დაესწრნენ პოეტი მამია გურიელი და მისი ძმა ჯაბა.

მაშინ ჩვენი მსახიობი ქალები ბაბო ავალიშვილისა, ნატო ვაბუნია-ცაგარლისა და მაკო საფაროვ-აბაშიძისა. რომელზედაც ვასომ ამ მოგზაურობაში — სწორედ ქუთაისში — დაიწერა ჯვარი, ახალგაზრდები იყვნენ და ამასთანავე სამნივე ძალიან ღმინებოც. რალა თქმა უნდა, ყველა იქ დამსწრე მამაკაცთა ყურადღება ამათკენ იყო მიქცეული და დიდ პატივსაც სცემდნენ. ვასომ ცოტა გადაჰკრა, დაიწყო მაკოზე ექვიანობა და უნდოდა, ჩვეულებრივი სკანდალი აეტეხა. მის ამხანაგებს ვასოს საქციელი არ გამოეპარათ. ყველანი იმას დიქრობდნენ, როგორც ვასო დაემშვიდებინათ. ჯაბა გურიელს ერთ გვერდით ვასო უზის, მეორე გვერდით ლადო. იმ დროს ხშირად, წარჩინებულ თავადიშვილებს და მით უმეტეს შთაგრის შვილებს, როგორც იყო ჯაბა გურიელი — შეიარაღებული მხლებლები ახლდნენ. ჯაბა გურიელსაც თურმე ამ ვახშამზე შეიარაღებული მხლებელი ადგა თავს, და ყოველ წუთს ჯაბა გურიელის ბრძანებას ელოდა. ლადომ შესჩვილა ჯაბას, რომ ერთ-ერთ ჩვენს ამხანაგს, ღვინოში ცუდი ჩვეულება აქვს, უსათუოდ სკანდალი უნდა ატეხოსო. ჯაბა მიხვდა, რომ ეს ამხანაგი ვასო იყო და მიუბრუნდა იქვე მდგომ თავის მხლებელს: ბიჭო, ახლა მე რომ გიბრძანო ამ სუფრაზე, ხანჯლით თავს ვერ წააცლი კაცსაო. მხლებელმა უპასუხა: შიბრძანე შენი ჭირიმე რომელიაო, და თან ხანჯალზე ხელი წაიგლო. ამ ლაპარაკს ვასომ რომ ყური მოჰკრა, თურმე ისე შეშინდა, რომ მთელი ვახშმის განმავლობაში ხმა აღარ ამოუღია, ამ ამხანაგს თავი არ წამაგდებინოსო.

იბდიობრატია

ბ. ჯაბუშანური — „არაგვინი“

უკანასკნელი 4—5 წლის განმავლობაში ქართულ ლიტერატურაში გამოიზარდა მთელი თაობა ახალგაზრდა მწერლებისა, რომელთაგანაც ბევრი უკვე საკმაო პოპულარობით სარგებლობს.

მათ რიცხვს ეკუთვნის პოეტი გაბრიელ ჯაბუშანური.

გასულ წელს „ფედერაციის“ მიერ გამოცემული იქნა მისი ლექსთა კრებული „არაგვინის“ სახელწოდებით, რომლითაც გ. ჯაბუშანური მკითხველთა წინაშე წარსდგა, როგორც გარკვეული შემოქმედებითი სახის მქონე ახალგაზრდა პოეტი.

მისი ყოველი ლექსი მკითხველს ხიბლავს თავისებური მელოდიკით, ლაკონურობითა და ეპიური სიცხადით.

ხევისურეთის ახალი ყოფა, ტრადიციული ჩვევებისა და შუღლის მოსპობა მთის ხალხში, ბელადისა და სამშობლოსადმი უსაზღვრო სიყვარულის გრძნობა, ჩვენი მესაზღვრეების გმირობა და სიმამაცე — აი ის, რასაც უმთავრესად ეხება ჯაბუშანურის პოეზია.

გ. ჯაბუშანური არ არის ვიწრო ესთეტიური ხედვის პოეტი. იგი ბრძოლისა და მოქმედებისაკენ მოუწოდებს თავის ლექსებს. პოეტს სურს, რომ მის სიტყვას „ჰქონდეს სიმტკიცე, სითბო და ეშხიცი — კაცურად შეხედეს მტერს და მოკეთეს“.

ჯაბუშანურს უყვარს საბჭოთა მესაზღვრეები, რადგან მათში ხედავს ჩვენი დიდი სამშობლოს ფხიზელ და საიმედო მცველებს.

ერთ ლექსში იგი ასე მიმართავს მათ:

„ნუ მიწყენთ, ხშირად რომ არ გახსენებთ,
რომ ვერ ავსახე თქვენი ცხოვრება,
რომ სხვა ფრონტებზე ცეცხლი გავხსენი
და ლექსებს ვგზავნი იქ მეომრებად...
რაც თავს მოვესწარ, იქიდან დღემდე
ვცან თქვენი ძალა გაუგონარი“.

საბჭოთა პატრიოტიზმის ძლიერი გრძნობით არის შთაგონებული ჯაბუშანურის ლექსი „ბალადა მესაზღვრეზე“. ავტორს რამდენიმე სტროფში შესანიშნავად აქვს მოცემული მომაკვდავი მეზღვაურის გმირული სულისკვეთება:

„ეჰ, დილო მზეო... მარად გშენის ეგ ამბოღება,
რა იქნებოდა ჩემთვის ჯარი რომ გეთავაზნა...
მერე ჯანდაბას — არ მენაღვლება...
საზღვარს გადმოდის თეთრი ნისლი ტანათქვირული.
ნისლს უტევს ქარი, შვენით შეხლა მამაც მეომრებს.
უცებ თოფის ხმა!.. ერთი... მეორე...
და შეძახილი გულგანგმირულის“.

აქ პოეტური ლაპიდარობა მინიმუმამდეა დაყვანრილი. ამგვარად სიტყვის ეკონომიის ხარჯზე ჯაბუშანური ძლიერ ეფექტს იძლევა. ძირითადი ხაზი ჯაბუშანურის პოეზიისა ლირიკულ-ეპიური გზით მიიმართება. პოეტს ემარჯვება მოკლე და გამართული სუფეტების მოკლება („ცენი“, „ლურჯა“, „ქისტის ქალი“, „სამნი“ და სხვა). დინჯი თხრობა ხში-

რად მძაფრ ლირიზმში გადადის. ამბავს ლექსის ფორმაში ოსტატურად აყალიბებს. საყუ-
რადღებოა ამ მხრივ მისი „შეხვედრა“. ნადირობის დროს ანაზღაურულად ხედებიან ერთმანეთს
ქისტი და ხევსური. მათში ინსტიქტურად იჩენს თავს საუკუნოებრივი შუღლი და მზად
არიან სამკედროსასიცოცხლოდ შეეჯახონ ერთმანეთს.

„თურმე ამგვარ ზნეს ქმნის იმთავითვე
ასეულ წლობით ნაზარდი მტრობა,
წუთით ძმობის ფიცს გადაგავიწყებს
და მოგანდომებს კვლავ სისხლით თრობას“.

მაგრამ მათ შორის უცებ ჩადგება ბელადის სახე და ორივენი უმაღლვე იმსჭვალეებიან
სტალინური მეგობრობის გრძნობით:

„ორივეს გულზე ნათლად ელავდა
სტალინის სახე ჩვეული გზნებით.
ჩვენ შორის ასე ჩადგა ბელადი
და მეგობრობის გაგვიხსნა გზები“.

ეს იდეა ახალი არ არის ჩვენს მწერლობაში, მაგრამ ავტორს მაინც პოეტური ორი-
გინალობითა და დიდი ემოციურობით მოუხერხებია მისი გადმოცემა. ლექსის ვაჟკაციური
რიტმი, მოხდენილი გამეორება („შესდევით! რეკდა აჯა მთებისა“) იშვიათ შთაბეჭდილე-
ბას ანდენს მკითხველზე.

სისადავე და უბრალოება ახასიათებს ჯაბუშანურის ლექსების უმეტესობას. მდიდარი
რითმები ძალდაუტანებლად მოსდევენ სიტყვას, აზრი შეუბოროკავად ვლინდება ლექსში.
ასეთი ბუნებრივობითაა დაწერილი „თმაშევერცხლილი დეპუტატი“:

„წარსულში სხვებმა შენი სვე მართეს,
დაბადებითვე ხმა ჩამოგერთვა.
იკითხე: „რისთვის?“ და განგიმარტეს:
„ასე შეგქმნაო ამ ქვეყნად ღმერთმა“.
გძარცვავდნენ, გცემდნენ, შავი დღე გადგა
და გაჯერებდნენ „ენდე საწუთროს“.

ლექსის ეს ნაწყვეტი გამოხატავს იმ უფუფლებობას, რომელსაც განიცდიდა რევოლუ-
ციამდე მძიმე უღელქვეშ ქედმოხრილი ხალხი. „ენდე საწუთროს“ — ეს იყო „ნუგეში“
უფუფეხო ხალხისა წარსულში.

დღეს ხალხს მოაოვებული აქვს ხმა და უფუფეობა. სტალინური კონსტიტუციის მზის
ქვეშ იგი ანხორციელებს თავის ნება-სურვილებს, ხალხი თვითვე გახდა თავისი ბედის მჭე-
დელი. აი აზრი, რომელიც პოეტს ჭაღარა დეპუტატის სახით აქვს მოცემული პირდაპირ
და გულწრფელად. ლექსში არ იგრძნობა არც ყალბი ტონი და არც რიტორიული — დეკ-
ლამაციური კილო ანუ „ბუკისა და ნაღარის ხმა“.

ჯაბუშანური ლექსში პოეტური საღებავების ზომიერად და მოხდენილი გამოყენე-
ბით საკმაო ოსტატობას აღწევს. აღსანიშნავია ამ მხრივ „მწყემსი ქალის თქმა ბელადზე“,
„ელნათურები ხევსურის ქოხში“, „თავთავების საუბარი“ და სხვა. ეს ლექსები ლირიკული
აზროვნების ნიმუშებს წარმოადგენენ. კერძოდ პირველ ლექსში კარგადაა გადმოცემული
მწყემსი ქალის ფიქრები ბელადზე:

„მზე ჯერ არ სჩანს სანუკვარი,
ჩემს ფარეხში ბუუტავს კვარი.
ზღულავს ნახირს ძილწანალებს,
ღამეა და აღარც არი,
წელან ვნახე სხივთა ღვარით, —
შენი სახე მოღიმარი —
შუქს აფრქვევდა იალალებს.
ეჰ, ვინ იცის სხვამ რამდენმა
შინზე ფიქრით გაათენა, —
ეჰ მზიური აზრთა დენა
უნათებდა ღამით ხედვას“.

შეგვეძლო სხვა ლექსებიდანაც მოგვეყვანა ნაწყვეტები, მაგრამ ეს ადგილიც ნათლად ლაპარაკობს პოეტის მხატვრულ უნარზე.

ჯაბუშანურის ლექსებში ადგილი აქვს სუსტ და დაუმუშავებელ სტრიქონებსაც. უკეთ—ისეთ სტრიქონებს, რომლებიც ერთი შეხედვით შეიძლება უნაკლოდაც გვეჩვენოს, მაგრამ ისინი მაინც მოკლებულნი არიან პოეტური თქმის ძალას.

მაგ., ლექსში „საზღვარზე“ ვკითხულობთ:

„ცოტა ხნის შემდეგ ამ ბილიკს

კაცი დაადგა ერთი.

ჩონჩხს გავდა იგი ნამდვილად

ძრას ჩავარდნილი მკერდით,

დაჯდა ატირდა ამ დილით

ხშირი ცრემლების ღვეთით.

საბჭოეთს შემომზეროდა

გულში იცემდა მჯიღით“...

ცოტა უფრო ქვემოთ:

„ისევ სტიროდა გაღმელი

თვალ ცრემლში ჩაეწვინა.

ამ დროს მოვარდა რაზმელი,

ხიშტით გაიგდო წინა“.

ასე პროზაულად გვიხატავს ავტორი ადამიანის ჩაგვრის სურათს მოსაზღვრე მხარეში. შეუფერებელია ლექსის წყობა და მეტრი. ზოგ ალაგას დაშორებული რითმები ძნელად აღწევინებს მკითხველის ყურამდე. შეუფერებელია აგრეთვე ენაც: „მჯაღით“, „თვალ ცრემლში ჩაეწვინა“—სახამუშაოა. უფრო ძლიერია ლექსის ბოლო სტროქები, სადაც ნაჩვენებია გათავისუფლებული ხალხის სიხარული. ჯაბუშანური ხშირად ღრმად ემოციონდება სიტყვის სტიქიას. მის ლექსებში გამოიკვეთა ხოლმე ბუნდოვანი და უხერხული თქმები: მაგ., „თვალები ბინდით გადამეხრამენა“, „მწვერვალს წვერი არ მოეცლება“, „როდესაც მნათობი შუა ცას დალახავს“, „და თესლს მცენარეთს მქისე ქართა ბერვა“, „დაწყდა სიბნელის ყველა ძაფები“ და სხვა.

აღნიშნულ თვისებას უნდა მიეწეროს ისიც, რომ ჯაბუშანური ხანდახან ხმარობს ერთნაირ გაცვეთილ მეტაფორებსა და შედარებებს.

ჯაბუშანურმა უფრო ღრმად და მრავალფეროვნად უნდა ასახოს განახლებული მთა, მეტი სისრულითა და მხატვრული სიძლიერით უნდა დაგვანახოს მთის ახალი ადამიანები და მათი განცდები. ლექსების პირველი წიგნით მან მკაფიოდ გამოაჩინა თავისი შემოქმედებითი ძალა. ეს უფლება გვიძლევს გულახდილად მივუთითოთ ნაკლებდაც და მეტი მოთხოვნილება წავუყენოთ მას.

ვანო ხალივაშვილი.

კლიმენტი გოგიავა — „ვლადიმერ ნანეიშვილი“

ჩვენს ქვეყანაში გმირობა და სიმაჰაცე გადაიქცა ყველა მშრომელის სასახლო საქმედ და წერა ამ ადამიანების შესახებ ყველა საბჭოთა მწერლის საბატიო საქმეს წარმოადგენს.

კლიმენტი გოგიავას წიგნში მხატვრულად მოთხრობილია თეთრფინელებთან მებრძოლ, საბჭოთა კავშირის გმირის ვლადიმერ ნანეიშვილის საგმირო და სასახლო საქმეები, რომლებიც დაეწეებას არასოდეს არ მიეცემიან და თაობიდან თაობაზე გადავლენ, როგორც ღმერთი შესანიშნავი ეპიზოდი ჩვენი ხალხის ბრძოლებისა და გამარჯვებებისა. ვლადიმერ ნანეიშვილის საგმირო საქმეებს დღეს იცნობს მთელი მსოფლიო, მოხუცი და ახალგაზრდა, ბჭო და მოყვარე და ფინელი ოფიცრებისა და მფრინავებისათვის ხომ თავზარდამცემი იყო ნანეიშვილის ესკადრილის ბრძოლის არენაზე გამოჩენა.

თეთრფინელების ვერავითარმა ვერაგულმა ხერხმა ვერ გასჭრა, რომელსაც ისინი მიმართავდნენ საბჭოთა ჯარისა და ავიაციის წინააღმდეგ. საბჭოთა გმირები ბრძოლის ლეგენდარულ საქმეს ჩადიოდნენ და პატრიოტული იდეებით გამაჰკვალულნი, საშობლოს სიყვარულით აღფრთოვანებულნი წინ მიიწეოდნენ და მტრებს ჰმუსრავდნენ.

რამდენჯერმე იღგა ნანეიშვილი სიკვდილის პირისპირ, როდესაც მის საჭაერო ბრიგადას მტერი, როგორც ჰაერიდან, ისე მიწიდან ტყეას სეტყვასავით აყრიდა, მაგრამ მას არ აზინებდა მტერთან პირისპირ შეხვედრა, იგი გამარჯვების რწმენით აღსავსე დანავარდობდა ფინეთის ყინულოვან სივრცეზე.

აი, ასე წარმოგვიდგება ვლადიმერ ნანეიშვილის პორტრეტი და გმირობა, როდესაც ვეცნობით კლიმენტი გოგიავას წიგნს.

მასში მშვენიერი მხატვრული ენით აღწერილია ნანეიშვილის საზღაპრო საქმეები თეთრფინელებთან ბრძოლის ფრონტზე. ავტორი აღწერს იმას, თუ როგორ მოიპოვა ნანეიშვილმა გამარჯვება და გმირის სახელი.

თავის სამშობლოში არა მარტო ვლადიმერ ნანეიშვილი დაბრუნდა ლენინის ორდენით და საბჭოთა კავშირის გმირის სახელწოდებით დაჯილდოებული, არამედ მთელი მისი ბრიგადა ხუთმეტი კაცის შემადგენლობით, რომელნიც ნანეიშვილთან ერთად იბრძოდნენ ფინეთის ფრონტზე. აი, სასახელო სახელები: ვლადიმერ სმიროვი, მიხეილ ეარაევოვი, იური გარბკო, ივანე ვლასოვი... რომელი ერთი ჩამოვთვალოთ! მათ ჩვენს ისტორიაში მრავალი გმირული ფურცლები ჩასწერეს. ვმირმა აღზარდა და გამოწრთვნა გმირება, მან შეასწავლა საფრენოსნო ოსტატობა და მტერთან ოსტატური და მოხერხებული ბრძოლა.

ასე იზრდებიან და ფოლადდებიან მილიონი მეტბრძოლები, კარგი ხელმძღვანლის გულსხმიერ დამოკიდებულებით.

წიგნში გარდა ნანეიშვილისა და მისი თანამებრძოლების გმირობისა აღწერილია გულშემწარავი სურათი, თუ როგორ მიერეკებოდნენ მშრომელ ხალხს ქალაქიდან თეთრფინელები. ისინი ავრცელებდნენ საბჭოთა კავშირის შესახებ ათასგვარ კორებს, მაგრამ მტრების ამ ნაცადმა და ჩვენთვის უკვე ცნობილმა ხეახებმა ვერ გასკრეს და საბჭოთა გმირების რკინის მარჯვენამ საბოლოოდ დაამსხვრია თეთრფინელების კონტრრევოლუციური ბუდეები.

ნანეიშვილი გამარჯვებული დაბრუნდა თავის სამშობლო საქართველოში და ჩვენი მშრომელები დიდი სიხარულითა და აღფრთოვანებით მიეგებნენ მას, როგორც სამშობლოს ერთგულ დამცველს.

კარგი იქნებოდა წიგნში მხატვრულად დასურათებული ყოფილიყო ბრძოლის სწვადასწვა ეპიზოდები, როგორც ასეთი სახის რუსულ გამოცემებშია.

აღ. სიხუა

1941 წ. იანვრიდან „ჩვენი თაობა“ გაშვების
ყოველთვიურად

ხელის მოწერის პირობები:

წლიურად 24 მან.
ნახევარი წლით 12 „
ცალკე ნომერი 2 „

ხელის მოწერა მიიღება სახელგამის ყველა მაღაზიაში, სოიუზპეჩა-
ტის რაიბიუროებში და სახელგამის პერიოდ-სექტორში.

კადასტრის მისამართი:

ტფილისი, მაჩაბლის ქ. № 13, მწერალთა კავშირი.

ფან 4 805.

Р 553
1941

*მად მად
ბი ბი*



Ежемесячный журнал
„ЧВЕНИ ТДОБА“

Сахелгами 1941 г. Тбилиси